

Ud 7870

8⁰₄



Biblioteka Jagiellońska

810012428

Ad.: Ud 7870

De Controuersijs

^{1800. 617}
I N T E R

O R D I N E M
ECCLESIASTICVM
ET SECVLAREM.


In Polonia ;

*Ex lure Diuino, Regniq, Statutis, Præilegijs,
ac præscriptione :*

T R A C T A T I O.

In qua refellitur Libellus quidam famosus & mordax,
contra Querimoniam & Postulata Cleri, in Comi-
tjjs Regni Anno 1585. Regi, Regniq; Ordi-
nibus publicè oblata, conscriptus.

*Nunc demum recognita & aucta, & à plurimis
mendis purgata.*



C R A C O V I Æ,

*In Officina Andree Petricouij, S. R. M. Typographi.
Anno Domini, M. DC. XXXII.*

0637754



Ecclesiastici 7.

In tota anima tua time Dominū, & Sacerdotes illius sanctifica. In omni virtute dilige eum qui te fecit, & ministros eius non derelinquas. Honora Deum ex tota anima tua, & honorifica Sacerdotes, & propugnato cum brachijs. Da illis partem, sicut mandatū est tibi, primitiarū & purgationis.

1. Thessalon : 5.

Rogamus autem vos fratres, ut noueritis eos, qui laborant inter vos, & præsunt vobis in Domino, & monent vos, ut habeatis illos abundantius in charitate, propter opus illorum, & pacem habete cum eis.

ARCHIEPISCOPIS,
EPISCOPIS,
PRÆLATIS, CANONICIS.

Vniuersoque Regni Poloniae Clero,
Auctor S.

Mirari satis non possum, Viri Illustrissimi, & Ornatissimi, cum Ordinis vestri homines primi in Poloniam clarissimum Fidei lumen intulerint, in eademq; augenda, & amplificanda, sexcentos iam totos annos desudauerint: inueniri tamen aliquos, qui vobis tantum abest, ut pro summo beneficio, meritam gratiam, debitamq; referant, ut etiam illud enitentur & moliantur vnum, ne summum dignitatis, & honoris gradum, quē magnā omnium voluntate, & consensione, iam inde à Christianae Religionis in Polonia principio, estis assecuti, retineatis. Est & illud, quod maiorem mihi mouet admirationem, quod alij tam incredibili in vos suffusi maleuolentiā sint, ut dicere non vereantur iustitiam indici oportere, iurisdictionem intermitteri, iudicia tolli, vobis deniq; omnem auctoritatem, & potestatem, lege Diuina & humana tributam, eripiendam esse. Illud autem

penitus obstupeſco, alios non deſſe, qui Decimas ipſas,
& ad vitam ſuſtentandam, & ad rerum Diuinarum
procuracionem, & adminiſtrationem neceſſarias, vo-
bis non inuideant modo, verum etiam per ſummum de-
decus Miniſtris hæreticis, ad quos nullo iure pertinent,
decretas velint. Quo nihil iniquius, aut indignius ex-
cogitari poteſt. Atq; hæc quidem mihi miranda, atque
obſtupeſcenda videntur: alijs autem fortasſe, qui minus
in iſtorum hominum familiaritate, atq; libris verſati
ſunt, incredibilia prorsus, ac portenti ſimilia videbun-
tur: qui tamen, fidenter dico, ſi vel unum libellum fa-
moſum, contra Querimoniam, & poſtulata Cleri in
Comitijs Regni, Anno 1585. Regi, totiſq; Senatui obla-
ta, ſcriptum, & diuulgatum legerint, & ijs quæ com-
memorauimus, habebunt fidem, & tantam improbitatem,
ac ingrati animi crimen, admiratione obſtupeſacti, per-
horreſcent. Ego ſanè ut ſemel eum peruolutaui, uſq;
adeò cohorrui, ut non calamo aduerſus eundem agen-
dum, ſed incendio decernerem. Ne tamen ſcriptum
tam venenatum, & peſtiferum, ac falſis redundans cri-
minationibus, in Eccleſiaſticum Ordinem, alioqui in-
nocentiſſimum, odium concitaret, aut minus rerum pe-
ritis ſcrupulum, ac dubitationem aliquam de eiusdem
iuriſdictione, Decimarum percipiendarum facultate,

vetu-

vetuſtiſſimisq; Priuilegijs inieceret, operæ pretium me fa-
cturum ſum arbitratus, ſi illud refutare potius, quam
aſperuarer. In quam ſanè ſententiam eò facilius de-
ſcendi, quòd viri quidam primarij, ijq; ſapientiſſimi,
& optimi, ſcriptionis, & ſuaſores, & impulſores fue-
rint: quorum ego conſilijs, atq; ſtudijs uti refragarer,
nunquam animum inducere potui. Vt autem opus
ipſum perfectius, & abſolutius eſſet, ac non totum in ho-
minis improbiſſimi calumnijs, & conuitijs refellendis
conſumeretur, non Cleri tantum querimoniam, & po-
ſtulata defendenda; verum etiam iuriſdictionem uni-
uerſam, & Decimarum aquitatem, ex Sacrarum lite-
rarum monumentis, & Regni Polonia ſanctiſſimis Le-
gibus, aſſerendam putaui. Quod an fuerim aſſecutus,
aliorum ſit iudicium, aſſequi ſanè volui: cum ut de
nobiſſimo Ordine veſtro, ad Dei Opt: Max: gloriam,
& honorem, bene mererer, eumq; calamitate penè fra-
ctum, & afflictum excitarem, tum ut improborum quo-
rundam nefarios ac furentes conatus retardare. Qua-
lecunq; autem ſit quod præſtitimus, id vobis totum, Am-
pliſſimi Viri, do, dono, atq; conſecro: illudq; Deum Opt:
Max: ſupplicibus oro verbis, ut & Ordini veſtro ſit
emolumento, & aduerſarios edoceat, Decimas vobis
per ſummam iniuriam eripi, & iuriſdictionem, quam


A 3

obtene-

obtinētis, legitimam, Reiq; publicæ necessariam esse.
Valete.

AVCTOR LECTORIS.

Quoniam libelli famosi, qui à nobis confutatur, auctor, nomen suum suppressit: ne mirere Lector, si, vbi is nominandus erat, Calumniatoris vocabulum repereris. Merito enim ita hominem appellamus, quoniam calumnijs, & conuitijs, perpetuò ferè vtitur. Atque vt facilius porro intelligas ea quæ hîc à nobis disputantur: ipsa *Postulata Ordinis Ecclesiastici*, quæ iste calumniatur, nostræ tractationi præmittenda esse duximus. Vale.




†††
P O S T V L A T A
ORDINIS ECCLESIASTICI,
S E V C A P I T A.

*Per Deputatos Status Ecclesiastici, de Iniurijs, quibus idem
contra ius Diuinum, & contra iura, Privilegiaq; sua gra-
uatus est, Warschawia, in Comitijs Regni Generalibus,
Anno Domini, M. D. LXXX. V. Die 22. Febr.
DD. Deputatis auctoritate R. M. ex Sena-
torio & Equestri Ordine, publi-
ce proposita.*

- I.* Religionis S. Catholicæ violatio, Hæresumque variarum in Regnum inuectio.
- II.* Iurisdictionis Ecclesiasticæ, eiusq; spiritualis gladij Excommunicationis, enervatio.
- III.* Decimarum à quibusdam retentio, & ademptio.
- IV.* Prærogatiuarum & Libertatum diminutio.
- V.* Ecclesiarum prophanatio, Foundationum, Censuum, Prouentuum, Theaurorum Ecclesiasticorum, & bonorum aliorum ademptio, & spoliatio.
- VI.* Fori pro iniurijs realibus & personalibus, tam primæ & secundæ instantiæ, quàm executionis suspensio: Brachij secularis, Remissarum ex Tribunali Regni, & alijs subfellijs causarum, nulla executio.

B R E



BREVIS EXPLICATIO SUPERIO-
rum Capitum, verbotenus, coram D.D. Deputatis,
per Spirituales facta, die, & loco, ut supra,
postmodumq; scripto, tradita.

Ad primum.

I. Vtrum expediat Reipublica, & fas decorumq; sit:

Apostasias fieri.
 Schismata & peregrinas Religiones innumeras inuehi.
 Deum blasphemari.
 Christum publicè negari.
 Hæresibus modum nullum & finem imponi.
 Atheismum, Paganismum, Saracenismum introduci.
 Iniurias in Deum impunè fieri.
 Magistratum, qui Dei Maximi, & Religionis Christianæ
 causam agat, & tueatur, sicut est in Polonia status Spi-
 ritualis, nullum fieri.

Ad secundum.

II. Vtrum expediat Reipublica & fas decorumq; sit:

Sacrilegia impunè tolerari.
 Periuria, incantationes, Veneficia, Magias, incestus, Biga-
 mias, & Trigamias, adulteria publica, homicidia absq;
 poenitentia solenni, vsuras impunè tolerari.
 De diuortijs, Matrimonijs, legitimitate, excessibus occultis
 & publi-

& publicis in Deum, & loca sacra, nullum ius institui.

Ad tertium.

III. Vtrum expediat Reipublica, & fas decorumq; sit:

Seculares, Sacerdotum officia sibi vsurpare, & Decimas ma-
 nipulares, & alias, contra iura Diuina & humana, à sub-
 ditis suis extorquere, & in proprios vsus conuertere: Hæ-
 reditatem Christi, panem Ecclesiæ Dei, alimoniam &
 victum pauperum, his quibus iure & consuetudine de-
 betur, subtrahere.

Ad quartum.

IV. Vtrum expediat Reipublica, & fas decorumq; sit:

Seruos Dei, & Sacerdotes Ecclesiæ sanctæ, sine honore esse,
 & contemptui haberi, ac pro gratia fidei & religionis,
 vnà cum libertatibus publicis introductæ, & semper
 impendi solitæ, iniuriâ affici, exactionibus onerari, &
 quodammodo exauthorari.

Ad quintum.

V. Vtrum expediat Reipublica, & fas decorumq; sit:

Ex Ecclesijs Deo dicatis stabula fieri, desolationem & abo-
 minationem intueri: Sepulchra Christianorum viola-
 ri: sine Sacramentis & cultu diuino plebem passim vi-
 uere, & mori pecudum more: Thesauros Ecclesiarum
 & ornamenta distrahi, & in vsus prophanos, contra le-
 ges Regni, conuerti: Fundos & census ad laudem Dei
 adscriptos, adimi.

Ad sextum.

VI. Verum expedit Reipublica, & fas decorumq; sit:

Solos Sacerdotes sine lege, sine iustitia, sine Iudice, tam reales, quàm personales, iniurias pati.

Neces & percussiones Cleri, impunè grassari.

Sacerdotes, Iudæis, Scythis, & quibusuis obscurissimis hominibus, Iudicem tamen, Iustitiam, & defensionem habentibus, postponi.

Deum in seruis Ecclesiæ sanctæ sperni, & contemni.

Augustinus in Psal: 84.


Fac iustitiam, & habebis pacem, vt osculentur se iustitia & pax. Si enim non amaueris iustitiam, pacem non habebis.

Idem Augustinus Epist: 166.


Concordate nobiscum fratres, diligimus vos: hoc vobis volumus, quod & nobis. Si propterea nos grauius odistis, quia errare vos & perire non permittimus, hoc Deo dicite, quem timeamus minantem malis pastoribus, & dicentem: Quod errauerat, non reuocastis; & quod perierat non inquisistis.

Idem ibidem.

Quando Imperatores veritatem tenent, pro ipsa veritate contra errorem iubent, quod quisquis contempserit, ipse sibi iudicium acquirit. Nam & inter homines poenas luit, & apud Deum sortem non habebit, qui hoc facere noluit, quod ei per cor Regis veritas iussit.



De Con-



I

De Controuersijs

Inter Ordinem Ecclesiasticum & Secularem, in Polonia;

Ex Iure Diuino, Regniq; Statutis, Priuilegijs, ac Præscriptione,

TRACTATIO.

In qua refellitur libellus quidam famosus & mordax, contra *Querimoniam*, & *Postulata Cleri*, in postremis Regni Comitijs, Regi, Regniq; Ordinibus, publicè oblata, conscriptus.

Ordinis Ecclesiastici Calumniatori, S.



VIS tibi malus genius, (Ordinis Ecclesiastici Calumniator) hanc mentē iniecerit, vt in vniuersi Poloniæ Cleri, iustissimam querelam tam liberè licenterq; inueherere, ignoro sanè: malum tamen genium fuisse, qui tam insani atq; dementis consilij, auctor tibi extitit, non de meo sensu iudico, suspicionibus, coniecturisue leuissimis persuasus, sed firmissimis nixus argumentis, & ijs omnino signis, quibus omnium verè Christianorum opinione veritas sol et illustrari. Video enim te graui

B 2

mise-

In Præfatione.

Iacobi 5.

1. Tim. 4.


miferoq; hæreseos morbo laborare, & ex odio quodam infinito, in Ordinem Ecclesiasticum concepto, hanc non tam defensionem tuorum riuorum suscepisse, quàm grauissimâ Deo dicatos homines calumniâ, nimisq; callidâ & malitiosâ iuris interpretatione petijisse. Hoc enim cùm vniuersa tractationis tuæ series indicat, alia ex alijs conuitia neçtens, tum illa speciatim probra: [Nullum finem iurisdictioni vestræ imponitis, Noua erigitis subsellia, Opibus secularium inhiatis, verumq; gladium tacitè vobis dari postulatis, satis superq; comprobant.] Hæresi autem te pestilentissimæ Lutheranorum addictum esse, non iniquissimæ solùm causæ à te suscepta defensio, verum etiam in Catholicam Romanamq; Ecclesiam infinita, intolerabili cum petulantia, coniecta maledicta demonstrant. Quæ cùm ita sint, quis verè, sincerèq; Christianus, te instinctu afflatuq; Diuino, & non potiùs cacodæmonis impulsu, & hortatu, ad hanc aduersus vniuersum Ecclesiasticum Ordinem scriptionem, animum appulisse persuasum habeat? Zelum enim amarum habere, vt Iacobi Apostoli vtar verbis, non est sapientia deforsum descendens; sed terrena, animalis, diabolica: hæreses autem, vel ipso Paulo testificante, doctrinæ dæmoniorum existunt. Iniuria igitur, calumniator, & ad causæ iniquissimæ defensionem fraudulenter, ita disputationem tuam vniuersam aduersus Clerum instituis, ac si Polonæ nobilitatis totius, quæ secularis vulgò nuncupatur,

cupatur, partes tuendas ac defendendas suscepisses. Quasi verò vel omnes Seculares Lutheri dogma pestiferum sequerentur; vel alioqui Lutherani tuam impudentiam comprobarent in Ecclesiasticorum, postulatis exagitandis; vel deniq; pleriq; Catholici non essent, & ij qui Clerum omni honore & veneratione, vti & Romanam quoq; Ecclesiam vniuersam, prosequerentur: quamuis ex eorum numero pauci à quibusdam in fraudem inducti, & nescio qua opum cupiditate inflammati, non ita libentes Ordini Ecclesiastico Decimas dependant, & aliquā quoq; iurisdictionis eiusdem partem velint imminutam. Sed est hoc à te astutè & veteratoriè factum, vt minùs perspicaces & acuti, qui te pro Republica agere suspicarentur, faciliùs causam iniustam & iniquam probandam sibi putarent. Toto tamen aberras coelo, si vel Catholicos, & viros omnes bonos, tam rationis consilijq; expertes arbitraris, vt fraudem tuam non intelligant; vel nullos ex vniuerso Ordine existere putas, qui cæteris artes tuas atq; dolos patefaciant. Sunt enim nobiles Poloni propemodum vniuersi, quæ Diuina est bonitas, ita Ecclesiæ Catholicæ & Romanæ addicti, vt ea non perspiciant modò, sed respuant & reiiciant omnia, quæ vni communiq; Christianorum Religioni aduersantur; atq; adeò ita animis affecti, vt vel milles malint Decimas Clero dependere, quàm tuæ insulsissimæ & insolentissimæ orationi suffragari. Sed

Sozem : &
Theodor:
in lib: Ec-
clesiasti-
stor.

2. Petr: 2.

fuit hic semper hæreticorum mos, vt opinationes erroresq; suos quamuis paucis probatos, multorum tamen nomine orbi Christiano proponerent vniuerso. Quem inprimis secuti ante mille peneq; ducentos annos Arriani, Patrum Ariminensis Synodi auctoritate abusi, hæresim suam dementissimā probare volebant. Cæterum vt dolus ipsorum malus Catholicos haud diu latuit, ita tua tuorumq; fraus viris sapientibus & cordatis patet: perditio quoque, vt cum D. Petro loquar, non dormitat. Aduersum te igitur, calumniator, non ita agam, ac si cum nobilitatis patrono controuersia mihi foret, sed cum eo viro, qui specie nescio qua falsæ libertatis, & Ordinis secularis simulato studio, Ecclesiam vniuersam infectetur: illudq; ostendam, te iniquè Catholicos eorum criminum, quæ iisdem intendis, facere eos, atq; adeò ipsos te ex iure manu confertum, vocare posse, quòd in alienas possessiones tam temerè impudenterq; irrueris. Mendacia quoq; tua prodam innumera, quibus tibi visum est hunc tuum libellum, tanquam flosculis inspergere: inscitiam deniq; & imperitiam maximam patefaciam, qua turpiter non in Theologia modò, quam profiteri videris, sed in ipsa etiam Polonorum historia, quæ in medio posita, omnium ferè manibus teritur, lapsus es.



CAPVT I.

Primam Ecclesiastici Ordinis querimoniam, de Apostasiis, blasphemis in Deum, hæresibus, &c. iustissimam esse.

ET quidem vt Fidem liberem meam, & illud quod sum pollicitus, absque longo verborum circuitu præstem, ineptam illam tuam & insulsam, calumniator, præfationem non attingam: ne dum ipse maledicta, quibus solis abundat, verso, orationem meam commaculem; sed Caput tractationis tuæ primum aggrediar, in quo quamuis nihil ad Ecclesiasticorum querimoniam appositè responderis, quia tamen aliquid popularibus tuis respondisse videri vis, quàm id fueris affecutus, ante omnia demonstrabo. Cum igitur Clerus grauitè, pro rei indignitate & atrocitate, iureque optimo pro officij munerisq; sui ratione, questus esset, passim Apostatas fieri, schismata, & peregrinas Religiones innumeras in Regnum inuehi, Deum blasphemari, Christum publicè negari, Hæresibus nullum modum & finem imponi, Atheismum, Paganismum, Saracenisum, in Regnum introduci, iniurias in Deum impune fieri, Magistratum denique, qui Dei & Religionis causam agat, & tueatur, nullum in Republica permitti, cum inquam hæc omnia lamentabiliter deplorauiſſet: tu id iniuria Clerum facere, volens de-

lens demonstrare, nullis in medium adductis argumentis, triumphantis in morem exclamas solum: [Ostendite tandem qui reuera Apostatae sint; ostendite, qui Religionem Apostolicam, spiritu fundatam Apostolico, violârunt; ostendite quis tot hæreses non adedò in Regnum hoc, quàm in Regnum & hæreditatē Christi inuexerit. Hæc probate Patres, nec causa inaudita condemnate fratres.] Quasi verò arduum omnino opus esset, ac non imperitissimo cuiq; facillimum, innumeros producere ex grege vestro, qui perruptis pudicitiae claustris, ac voti religione contempta, ex castis Deoq; sacris Monachis, vobis impulsoribus & auctoribus, mulierosi Ministri euaserunt. Quasi etiam perdifficile & illud foret, complures enumerare, qui Catholicam semel egressi Ecclesiam, & vestra secuti turbulentissima castra, non minùs quàm Apostata Iulianus, perfidiosè & nequiter libris editis, Christi fidem, adeòq; Christum ipsum oppugnaverunt, & ita etiam in præsentia vitæ suæ rationes omnes instituunt, vt satis appareat omnem eos de religione curam, cogitationemq; abieccisse. Quasi denique, & vos ipsi, ô Lutherani & Calviniani, qui Ecclesiam Catholicam, in qua nati & educati estis, Christi q; vestimenta (vt Hieronymi vtar verbis) suscepistis, temerè ac nefariè, ad vnus improbissimi hominis vocem deseruistis, Apostatarū nomen & appellationem (quod non calumniandi, sed veritatis aperiendæ studio dixerim) effugere iure possitis, vel te ipso, calumniator, iudice. Illos enim

Apostata-

Epist. 57.
init.

Lutherani
& Calviniani,
Apo.
stata.

Apostatas censes, [qui Religionem Apostolicam, spiritu fundatam Apostolico, violârunt.] Vos autem an nō violastis? an non læsistis? an non polluistis? Quam enim Apostolicæ fidei partem integram, incorruptamq; retinuistis? Liberum hominis arbitrium vobis nullum est: Missæ sacrificium improbatur: poenitentia displicet: satisfactio dura est: diuorum inuocatio, ciborum delectus, instituta & vota Religiosorum, alia, repudiantur omnia. Quæ tamen singula, ita Scriptores Catholici eruditissimi & eloquentissimi, à vestris calumnijs defenderunt, vt non modò respondere, sed ne hiscere quidem audeatis: ita etiam vestræ factionis auctores, Calvinus, Melancthon, Magdeburgenses à veteribus fuisse recepta confitentur (quamuis nēuos Patrum hæc omnia stolidissime nuncupent) vt non iam nata, sed perpetuò credita fuisse constet: ita deniq; totius Ecclesiæ, Græcæ iuxta & Latinæ, firmavit auctoritas, vt non aliunde, quàm à Christi Seruatoris institutione, & Traditione Apostolica, dimanare potuerint. Si enim omnium gentium consensionem M. Tullius naturæ legem verissimè dixit: quidni & omnium Christianorum conspiratio, lex quoq; Christi æstimetur? Iam verò hæreses, quas non olim damnatas & extinctas ab inferis reuocastis? Solam enim, fidem ad salutem sufficere, in eaq; iustitiam consistere, an non cum ^a Simone Mago, & ^b Eunomio asseueratis: sacrum Chrisma & confessionem reijcitis, cum

In lib: In-
stit.
Lib: de Ec-
clesia.
In singulis
Centur.

Vide Cen-
suram So-
colouij.

^a Iren: lib:
I. cap: 20.
^b Aug: hæc:
54.

e Theodo: l. 3. her fab.
 Opt: cont: Parm. l. 3.
 Socrat: 4. hist: c. 24.
 Cyp: lib: 4. Epist.
 d: Hier: Dialog: cont: Vigilant.
 Nicæna Sy no: 2.
 e Aug: her: 53.
 Damasc: lib: de hæ: resib.
 Nice: l. 16. hist: cap: 6.
 f Petrus Clun: li: de sacri: Miss.
 g De consec: d. 2.
 In Artic: Romæ, Paris. & Oxo: damnatis.
 h Hier: cõt: Iouin.
 i Epiphani: her: 75.
 Aug: ser: 53.
 k Theod: l. 1. hist: ca: 8.
 Basil: li: de Spir: S. c. 9.
 a In Genesi p. 609.
 Lib: n. de Exord: & error: Ana bapt.
 Dialogo de Anaba.

tis, cum^e Nouatianis & Donatistis: Sanctorum venerationem, Reliquias & Imagines cum^d Vigilantio & Iconoclastis: orandi & sacrificandi pro Defunctis consuetudinem, cum^e Aërianis, Xenaia, & Armenis? An non Missæ sacrificium cum^f Petrus brusianis execramini, verba Dominicæ Coenæ ad tropum, symbolumq; refertis, adeoq; Christum ex Eucharistia tollitis cum^g Berengario & Wicleffo? An non vota & virginitatem cum^h Ioviniano, statuta ieiunia cumⁱ Aërianis improbatis? An non solâ Scripturam, in controuersis fidei quæstionibus, iudicem statuitis, traditiones non scriptas respuitis, cum^k Arianis, Eunomio, & hæreticis, qui vnquam extiterunt, vniuersis. An non deniq; vt finis aliquando sit, vestra potissimum, ô Lutherani & Caluinianni, operâ, hæresis pestilētissima Arii toties iugulata, ἀννομιαν^a adepta, reuixit? Hanc enim vos, libertate religionis non tam impetrata, quàm imperata, in Poloniam induxistis; Caluini & Lutheri hæreses complectendo in patriam intulistis. Vt enim ex Lutheri & Caluini opinionibus ortû Arianismus habuit, ita quoq; ope eorundem propagatur. Ortum autem ex ipsis habuisse constat. Primum enim Lutherus & Gastius id consententur. Antonius etiam Coruinus Lutheranus scribit, Anabaptistas è Zuingliana potissimum scēta, haud aliter atque ex equo Troiano, prodijisse. Ipsi quoq; Trinitarij, Euangelij sui originem ad vos tanquam parentes referunt,

ferunt, & subinde sua dogmata ex vestris scriptis, tanquam sanctioris cuiusdam auctoritatis commē-
 tationibus, tuentur atq; defendunt. Præterea nulli ferè statim qui Catholicos deferunt, Anabaptistæ fiunt, sed primò Lutherani, tum Caluinianni, demum Anabaptistæ & Trinitarij euadunt. Deniq; vbi Lutherani & Caluinianni pedem non fixere, nulla reliquarum, pestium inuenitur: vt meritò quidam Symmistes vester, primæ paginæ libri Cracouiæ à se editi, illa verba: Nisi vitula mea arâissetis, non inuenissetis (Trinitarios notans) inscripserit. I nunc, calumniator, & illud gloriare, si lubet, nullas vos hæreses in Poloniam inuexisse: illud quoq; decanta: [Hæc probate patres, nec causa inaudita condemnate fratres.] Audita iam causa olim est, eademque quæ veteres hæreticos, à vetustissimis Concilijs atq; Patribus lata sententia condemnauit, vos quoque, vestraq; dogmata reprobauit. Blasphemias autem, (quas in sua quoq; querimonia Ecclesiasticus Ordo deplorat) si in Polonia vigere quis ambigat, eidem Budnæi, Farnouij, Anabaptistarum Polonorum libri, Conciones, fidenter dico, dubitationem facile tollent. Atheismos & Iudaismum (de his enim & querela instituitur) in Polonia quoq; inueniri, tam est exploratum, quàm certum innumeros Caluini-
 stas, Lutheranos, Trinitarios, Dei prouidentiam inficiari; animorum negare immortalitatem; omnia necessitati atq; fato tribuere; Deum denique ipsum

Iud: 14.

Blasphemias autem.

Athei & Iudæi.

è mundo tollere. Et si liberet, possem & ipse atheos aliquos recensere: eorum quoq; proferre nomina, qui non minùs quàm Iudæi, & sceleratè sentire, & impiè loqui haud verentur. Sed idem meum est, quod vniuersi Ecclesiastici Ordinis, consilium, & longè malim tam grauem Reipubl: calamitatè deplore, quàm in nominibustantæ ærumnæ auctorum percensendis laborare. Iure igitur, atq; meritò, calumniator, Ecclesiasticus Ordo de hæresibus vestris, blasphemijs, apostasijs, cæterisq; malis queritur.

C A P V T II.

Iniuste hæreses, ac blasphemias Ecclesiæ Catholicae, à Cleri calumniatore obijci.

ERas tu, Calumniator, quamuis dissimulare, quàm fateri malueris, horum criminum quæ vobis Ecclesiasticus Ordo obiectarat, probè tibi cōscius: & proinde Rhetorico vsus artificio, quod veritate nixus nequiueras, quacunq; ratione à te tuisq; depellere voluisti. Illud enim, etsi frustra, contendis vnum, vt quod in vos cadit crimen, in Catholicos vel deriuēs, vel sanè cum Catholicis communices. [Ipsam, inquit, Christi fidem, grauissima salutis mysteria proponentem, in aniles fabulas, quales de animabus defunctorum, purgatorii poenis, Sanctorumq; mortuorum ad sepulchra editis miraculis vulgò referuntur, non minùs fraudulenter, quàm impudenter conuertitis.]

Ac mox

Ac mox Catholicis hæreses obijcis: Alogianorū sine lege viuentium; Encratitarum, quod Sacerdotibus coniugia vetent; Gnosticorum, quod imaginum cultum retineant: tum & blasphemos eosdem facis, quod in participationē gloriæ Dei Sanctos aduocārint, non absq; meriti Christi iniuria; Iudæos, quod legis statuāt adimpletionē, fidei soli iustitiam denegando; sacrilegos, ob cōmunionem vnius speciei, contra Christi, Pauli, ipsiusq; Gelasij exemplum; deniq; Antichristianos, quod Romano Pontifici, Gregorio etiā abnuente, Principatum in Ecclesia detulerint. Sed nihil efficis, nec efficies vnquam, nisi prius ostenderis hæc omnia aniles esse fabulas, hæreses, blasphemata, Iudaica, Antichristiana. Quod non minùs tibi fuerit promptum atq; facile, quàm coelū digito tangere. Quid enim? Ergonè fabulæ aniles erunt, quæ in Libris Machabæorum, de precibus pro vita functis inueniuntur? quæ Paulus de ijs habet, qui salutem assequeuntur, sic tamen quasi per ignem, poenam videlicet significans, maculas expurgantem, & certo temporis spacio finientem, ^a Ambrosio, ^b Hieronymo, ^c Augustino, ^d Gregorio, ^e Origene, ^f Theodoro, ^g Oecumēnio, interpretibus? Ergonè aniles fabulæ erunt, quæ de miraculis ad sepulchra Diuorum, Isaïæ, Hieremiæ, Ezechielis, Stephani, Petri, Pauli, Mamantis, Babylæ, Geruasij & Protasij editis,

^{2.} Machab: 12.

^{1.} Cor: 3.

^a In 1. Cor: 3.

^b In c. 4. Amos

^c In Psal: 31 &

in 1. Cor: 3.

De cura pro

Defunct.

^d Lib: 4. Dial:

cap: 39.

^e Homil: 6. in

Exod. & 14. in

Leuit.

^f Apud D. Tho

mas epusc: 1.

cont: Græcos.

^g In 1. Cor: 3.

C 3

Epipha-

h L. de vitis
Prophet: in
Synopsi.
i Lib: 22. cluit.
cap: 8.
k Or: in Ma-
mant.
l Or: de f. Ba-
byla.
m L. 1. hi. c. 39.
n Lib: 3. c. 18.
o Lib: 5. c. 19.
p L. 3. c. 10. 11.
q Serm: de S.
Geruas.
r 2. Theff: 2.
s Lib: de Spi-
ritu S. c. 27.
t 1. Cor: 7.
u In cap: 1. ad
Tit. & lib: cōt:
Iouin.
x Homil: 23.
in Num.
y Contra he-
res: Cathar.
z Cap: 1.
a Can: 3.
b Can: 2.
Apologet: c. 16.
Apol: lib: 2.
In Octauio.
Lib: 6. contra
Iulian.
Carm: de pass.
Natali 19.
Act: 7.
a Apocal: 3.
b Apocal: 3.
c Lucæ 19.
d Ioan: 12.
Genes: 19.
Exodi 19.

^h Epiphanius, ⁱ Augustinus, ^k Basilius, ^l Chryso-
stomus, ^m Rufinus, ⁿ Socrates, ^o Sozomenus,
^p Theodoretus, ^q Ambrosius, memoriæ prodide-
runt? Ergonè hæreses erunt, quæ de Traditioni-
bus, Paulus Thessalonicensibus præcipit, & in
quibus ^r Basilius tantum momenti posuit, vt non
dubitauerit scribere eos, qui ipsas repudiare fue-
rint aggressi, clam ac pedetentim ratas ipsas Euā-
gelij sententias improbaturos? Ergonè hæreses
erunt, quæ de coelibatu Episcoporum, aliorumq;
hominum Deo dicatorum, ex ^s D. Paulo, ^t Hie-
ronymus, ^u Origenes, & ^v Epiphanius disseruere?
uetustissima Concilia, ^x Neocæsariense, ^y Nicæ-
num I. ^z Carthaginense II. aliaq; complura san-
ciuere? Ergonè hæreses censebuntur, adeò quæ
atheismi, quæ consentaneæ ijs, quæ in Sacris literis
de Cherubinis, arca foederis extant, Patres de li-
gno Crucis, alijsq; imaginibus tradidere, Tertul-
lianus, Iustinus, Minutius Felix, Cyrillus Ale-
xandrinus, Lactantius, S. Paulinus, ac septima
Synodus vniuersa? Ergonè blasphemum crit,
quod Sanctos Dei veneremur, quos Deus ipse
voluit honorari, quibusq; Christus ^a dedit sedere
secum in throno suo, ^b potestatem concessit su-
per gentes, ^c Ciuitatibus præposuit, ac denique
^d honorificauit Pater ipse, omnisq; perpetuò co-
luit antiquitas, cum his sacræ Scripturæ nixa lo-
cis, tum illis quoq; exemplis, Abrahami, Loth,
Moyfis,

Moyfis, Iosue, qui sanctos Dei Angelos adorârunt,
aliorum quoq; qui eundem honorem viris Sanctis
tribuerunt; vt Abdias Eliæ, filij Prophetarum Eli-
sæo, alij alijs? Ergonè Iudaica habebuntur, quæ de
lege seruanda Christus præcepit: Si vis ad vitam in-
gredi, serua mandata; & quæ de operibus cum fide
sociandis Iacobus Apostolus tradidit? Ergonè sa-
crilega erit vnus speciei Communio, quam Chri-
stus ipse exemplo docuit, & Apostoli vsurpauere?
Ergonè Antichristianus erit Petri in Ecclesia Prin-
cipatus à Christo Seruatore constitutus, & omnium
Patrum consensione, ad Romanos Pontifices, Suc-
cessores eius, deuolutus? Poteras tu hac tota accusa-
tione supersedere, vt friuola planè & inepta: quia ta-
men visum tibi est eam aduersus Catholicos institu-
ere, liceat mihi aliqua tua mendacia & errores pau-
cis annotare. Alogianos omnia ad traditiones retu-
lisse, mendacium est. Si enim Traditiones Aposto-
licas approbauissent, & æternum Dei verbum, quod
reiciebant, ab Apostolis traditum suscepissent. De
Tacianis quoque, Encratitis & Gnosticis, quod cō-
minisceris, non minùs falsum est. Priores enim haud
quaquam in hereticorum numero habiti sunt, quod
ex libatim docuerint; sed quod nuptias quascunque
etiam eorum, qui Deo continentiae votum non se-
cerant, opus esse dæmonis dictarent; vt Epiphani-
us, Philaster, Augustinus, Theodoretus & Dama-
scenus, scribunt. Gnosticis nemo hoc, quod affir-
mas, vn-

Iosue 5.

3. Reg: 18.
4. Reg: 2.

Iacob: 2.

Lucæ 24.
Actor: 2.
& 20.
Matth: 18.
Ioan: 21.

Hæres: 50.

Lib: de
Hæresib.

mas, vnquam tribuit, ne ipse quidem Irenæus. Merito & honori Christi, Sanctorum veneratione derogari, & ipsum quoque mendacium est: nam quod ipsos honoremus, à Christi quoque merito (à quo honore digni sunt effecti) proficiscitur. Et honorantes Sanctos, vt Augustinus ait, Christum honoramus: & honor seruorum redundat in Dominum. Quòd lapidibus & simulachris salutis causam tribuamus; perinde quoque falsum est. Quòd ueterem reuocemus maledictionem, legis Christi obseruantiam, blasphemum est, & à veritate alienissimum. Fidem cum operibus sociando, designari peccata per Christum remissa, & non remissa, calumnia est: cum opera nostra, vim suam totam atque virtutem, à Christo habere profiteamur. Gelasium Pontificem, vniuersæ speciei Cōmunionem improbauisse, à vero quoque abhorret. Nam Gelasius eo Canone reprehendit solum eos Sacerdotes, qui tanquam sacrilegi, solam panis speciem, neglecto calice, consecrabant: vt omnium Interpretum est opinio: cui & inscriptio à Gratiano ex mente Gelasij, capiti præfixa fidem facit: quæ sic habet: Corpus Christi sine eius Sanguine Sacerdos non debet accipere. Gregorium denique Principatum in Ecclesia sibi non vendicasse, ac nec ijs, qui eum præcesserunt, tribuisse, falsissimum est. Nam *lib. 2. Epist.* ait, Deo auctore, Romanam Ecclesiam cunctis prælatam Ecclesijs. Idem summam potestatem exercuit, cum Ioanni, primæ Iustinianæ in Græcia

Serm: 26.
de Sanctis.
Epist: ad
Ripar.

De consec:
d. 2. cap:
Comperi-
mus.

Epist: 30.

in Græcia Episcopo pallium transmisit, & Adrianum Thebanum de iurisdictione Episcopi Larissei exempt. Et suis antecessoribus eandem prærogatiuam tribuit: imò & vniuersalis Episcopi titulum, in Synodo Chalcedonensi D. Leoni tributum scribit. Ipse tamen hanc appellationem in Ioanne Constantino-politano reprehendit; tum quia illi nullo modo cōueniebat, tum etiam, quòd omnes alios Episcopos excludere videbatur. Quæ etiam causa fuit, vt nec ipse agnomine eo vti voluerit, quamuis rem voce significatam sibi competere habuerit exploratum. Hæc cum ita se habeant, non te, calumniator, pudet, in Capitis tui primi Epilogo (ac si omnes Ecclesiasticos iam hæreticos, Atheos, blasphemos & sacrilegos, comprobauisses) in illa verba prorumpere: [Eos ne iam qui talia doceant, vt inter nos religionis ambitu sedeant, ad eum Magistratum deligemus? aut qui hæreseos rei maximè peragantur, pro ipsis ludicibus assumemus?] Et illud per summam calumniam Catholicis imponere, quòd, cum queruntur, magistratum deesse, qui religionis causam agat, & statum spiritualis curam gerat, eum desiderent, qui flamma atque ferro religionem Catholicam tueatur. Et non deessent quidem fortasse, vel hic, vel alibi, qui existimarent, iure atque merito hoc se posse expetere: cum semper hæreticos poenis afficere, moris & in ipsa quidem Polonia fuerit, hi tamen quos tu calumniaris, nihil hinc quirunt aliud, quàm in Ecclesia-

Lib: 4. E-
pist: 15.
Lib: 2. E-
pist: 7.

Act: 3.

Lib: 4. E-
pist: 32.

Lib: 4. E-
pist: 33.

stica iurisdictione tuenda, & Decimis recuperandis neminem esse, qui opem ipsis ferat, quod sanè est æquissimum. Aut forsitan non licet ei, qui iniuriã patitur, de iniuria sua queri, & magistratus opem, atque auxilium implorare?

C A P V T III.

Iurisdictionem Ecclesiasticam, contra Iura Regni, perpetuamq; consuetudinem, iniustissime minui: Excommunicationemq; magno Reipubl: malo contemni.

Cum in prima hac Ordinis Ecclesiastici querela Cexagitanda, vsq; adeò verecundiæ fines transieris: non mirum, si in reliquis discutiendis, benè & nauiter impudens existas. Et sanè ore durissimo es, in hac altera querimonia vexanda. Quis enim eandem iustissimam esse non videat? Cum enim sacrilegia, perituria, incantationes, veneficia, aliaq; scelera, de quibus hæc tota querimonia instituitur, puniri grauissimè diuinæ literæ iubeant, eorundemq; præcipuos vindices, omnium Christianorum Iura, Ecclesiasticos esse voluerint: an non iustissima Clericis quirritandi causa est, quòd Excommunicatio, quæ Christi Seruatoris iussu, & Apostolorum exemplo, flagitiosorum hominum coërceat libidinem, petulantiam frangat, retundat audaciam, impunè illicitèque contemnitur? Cum etiam leges Regni sanctissi-

Matth: 18.
1. Cor: 4.
& 5.

sanctissimæ, ab integerrimis latæ Principibus, omniumq; Ordinum consensione firmatæ, huiusmodi criminum, & cognitionem, & iudicium, ad Clerum ita pertinere decreuerint, vt Arcium, Urbiumque Præfecti, quod ille de fontibus statuisset, exequi tenerentur: an non conqueri iure optimo possunt, mutatam iudiciorum formam atq; rationem, iudicium Ecclesiasticorum conuulsam auctoritatē, eorundemq; sanctissima Decreta, vel negligi, vel contemni? Inficiabere fortassis leges vllas tales extare. Librum Statutorum peruoluta, & tum negare aude. En ipsa legum verba clara, testata, & perspicua. *Inprimis*, inquit Sigismundus Rex, *ad Spirituale iudicium pertinet, iudicare differentias Religionis: hæreses, videlicet, schismata, blasphemias contra Deum, & Apostasias; pro Decimis, Septem Sacramentis Ecclesiæ, veneficijs, sacrilegijs, & Simonia, &c.* Quod ipse Decretum non ita tulit, ac si antea de iisdem, siue criminibus, siue causis, Ecclesiasticus Ordo non iudicauisset; (perpetua enim multorum seculorum consuetudo contrarium euincit) sed vt ne Ecclesiasticus Ordo hos iudiciorum fines egressus, ad controuersias seculares discutiendas dilaberetur. Hoc enim legis ipsius formula comprobatur, adeòq; tota ratio demonstrat. Capitaneos autem punire debere, quos Ecclesiasticus Ordo reos excommunicatione legitimâ castigat, Vladislauus & Casimirus, iam olim statuere. Ascribam verba: *Statuimus, & ordinamus*

Sigismundus
Crac:
Anno 1543.

Vladislauus
Crac: 1433.
& Casimirus
Petrice:
1458.

dinamus per presentes, ut dum aliquis indigena Regni nostri, cuiuscunq; status & conditionis existat, propter raptum Decimarum, vel aliarum rerum Ecclesiasticarum occupationem, aut ratione excessuum quorumcunq; siue etiam in contumacia, de non parendo iuri & mandatis S. Ecclesie, sententiâ Excommunicationis iuste fuerit innodatus: ipsamq; ultra annum legalem pertinaciter sustinuerit, nec curauerit pro excessu emendam exhibere, extunc Anno huiusmodi elapso, omnia bona huiusmodi excommunicati debent recipi per locorum Capitaneos, quibus subiacent, & apprehendi, & quousq; per eosdem excommunicatos, & c. Mandamus igitur omnibus & singulis, Regni nostri Capitaneis, & c. quatenus ad compescendam talium excommunicatorum duritiâ, & temeritatem, premissa nostra saluberrima Decreta, executioni debite debeant demandare, quoties per Prælatos super hoc fuerit requisitum. An his sanctionibus quidquam potest extare liquidius & euidentius? Et ne quis minùs legitimas calumniari iure possit, ipsi Principes, omnium Ordinum cōsensione latas, asseuerant, atq; etiam in librum Statutorum relatas, ut cæteras omnes, ita & has quoq; Senatus vniuersus, suo rursus suffragio comprobauit. Hæc tamen omnia ab his Regibus, de Iurisdictione Ecclesiastica, eiusq; executione Decreta, non tum primùm cœpta, sed antea quoq; fuisse in Polonia vsurpata, ex vetustissimis aliorum Poloniae Principum, atq; Ducum, Priuilegijs liquet. Vladislaus enim Odonis Poloniae Dux,

Quod idem
Casimirus
in Priuile-
gio data in
Opátowiec,
repetit.

Dux, in Priuilegio Ecclesie Gnesnensi concessio: Renuncio, inquit, omni ordinationi Spiritualis iuris, Anno 1233-
tam domorum Religiosarum, quàm Secularium Eccle-
siarum. Casimirus quoq; Magnus, in Priuilegio ei-
dem Ecclesie concessio, plurima memorat, quæ vni-
uersam iurisdictionem Ecclesiasticam complectun-
tur. 1. Interea decernimus specialiter, quod si quispiâ
in prædicta Gnesnensis, & eius Collegiatarum Ecclesia-
rum prædictarum bonis, aliquam in rebus, seu personis,
Violentiam notoriam fecerit: idem per memoratum D.
Archiepiscopum, & suos Successores, ad satisfactionem
condignam, censurâ Ecclesiasticâ compellatur. 2. Item
decernimus, quod excommunicati per Iudicem à iudicio
repellantur, & ad testimonium, dummodo id in frau-
dem non fiat, nullatenus admittantur. Idem quoq; in
altero Clericis egregiè consulit. Vbi, inquit, Sacer-
dotem, vel Clericum in sacris constitutum, vulnerari,
capi, vel occidi contigerit, locus ille tam diu sit interdi-
ctus, quousq; maleficium huiusmodi committens, satisfaciat,
vel Ecclesie tradatur, aut homines loci eiusdem
Sacramentum præstiterint, quod eis operam non danti-
bus, neq; detinere Valentibus, idem aufugit malefactor:
& tunc in dicto loco diuina relaxabuntur. In eiusdem
quoq; Casimiri Priuilegio concordie, omnium Or-
dinum consensione facto, Excommunicationis ex-
primitur poena, cuius executio Secularibus deman-
datur. Eandem etiam Iurisdictionem vsurpatam,
fuisse, & quidem obseruatam religiosè à Principi-
bus ipsis,

Anno 1233-
Dat: Crac:
1357.

Dat: Posna-
nia, 1360.

Anno 1252.

Dat: in Co-
sten: 1298.

Anno 1022.

bus ipsis, quod Episcopi decreuissent ex Boleslai Pu-
dici, qui Casimirum Magnum antecessit, sanctione
patet. Cupientes, inquit, libertatis participes effici, qua
Christus suos liberavit; volumus, quantum ipso adiuuā-
te possumus, libertatem Ecclesiasticam conseruare, ac
nostris Successoribus transmittere conseruandam, &c.
Firmiter autem promittimus, quod de causis, & nego-
tijs Ecclesiasticis, Nos, vel alij Iudices Seculares, nullo
modo cognoscemus, nec de ipsis nos intromittimus: sed
Episcopus, Præpositi, Archidiaconi, & alij Iudices Ec-
clesiastici, de iisdem liberè iudicent, & disponant, sicut
& Episcopus pro se, & supradictis Ecclesiasticis Iudici-
bus, nobis promisit, quod de causis Secularibus se nullate-
nus intromittent, quæ ad nostrum spectent examen. Idē
etiam ex Henrici Ducis Poloniæ Priuilegio, quod
Ecclesiæ Gnesnensi, Vladislauienti, & Pohnanienti,
concessit, apertissimè constat. Promittimus, inquit,
quod excommunicatos volumus in omnibus actibus le-
gitimis euitare, & si ultra Annum in excommunicati-
one iacuerint, bona Excommunicatorum nostro fisco ap-
plicabimus, satis faciendo Ecclesiæ de iisdem, prout, vel
in quanto ipsi Excommunicati fuerant Ecclesiis obliga-
ti. Promittimus etiam dictas Ecclesias, contra earum
indebitos turbatores, toto posse adiuuare, & ope nostræ
potentiæ, fideliter defensare. Sed clarissimum, & ve-
tustissimum, huius Iurisdictionis testimoniū, apud
Dlugossium extat: Cum enim nobiles quidam Decima-
rum pendendarum, consuetudini refragarentur, nec Ec-
clesias

clesias frequentarent, (verba sunt Dlugossi) Mini-
strosq; & Sacerdotes, de eorum Ecclesijs pellerent, Boles-
laus Rex, gliscentem conspirationem in ipso suo ortu ex-
tinxit, nemine eundem impediēte, quin adiuuantibus
potius vniuersis. Auctores enim illius, inquit idem gra-
uissimus Scriptor, missis militibus comprehendit, &
capita conspirationis, partim capitali supplicio extinxit,
partim verberibus multauit. Atq; hæc quidem ta-
lia sunt, vt possint cuiq; etiam peruicaci, Iurisdic-
tionem Ecclesiasticam persuadere, quia tamen & recē-
tiorum Regum abundamus sanctionibus, & ipsas
quoq; appingamus. Io: igitur Albertus & Alexan-
der, in sanctionibus suis & excommunicationis me-
minerē, & eiusdem per Capitaneos executionis. Si-
gismundus quoq; I. Statuto, quo nobilitatis immu-
nitatem à teloneis persoluendis confirmat, hæc ver-
ba subiicit: quam pœnam Iudex Spiritualis loci illius,
de teloneatore per censuras Ecclesiasticas exigat. Et Iu-
risdictionem Ecclesiasticam non semel commemo-
rat; deniq; quod caput est, sanctione præstantissima
eandem approbavit. Sigismundi autem I. filius Au-
gustus, cuius auctoritate aduersarij inprimis nitun-
tur, iurauit omnia Iura, Priuilegia, Libertates, Li-
teras, immunitates Regni, Ecclesiasticas, Seculares,
Ecclesijs, ipsiq; Regno Poloniæ, eiusdemq; Præla-
tis, &c. manu tenere, custodire, & attendere. Et in
Coronatione sua: Primum omnia, inquit, quacunque
iurauimus omnibus subditis nostris, incolis Reg: Polon:

An: 1496.

Craco: in
sua Coron:
1507.In Coronatione Sig:
Aug.Craconia,
1537.In literis
Statibus Re-
gni datis.

cuiuscun-

cuiuscunq; Ordinis & conditionis fuerint, absq; ulla controuersia seruare, defendere, & exequi velle, &c. Quod etiam singulari quoq; Priuilegio in Comitij Petricouien: confirmauit. Idem deniq; in recessu Petricouienfi. *Neque etenim decet, inquit, S. R. Maiestatem, Iurisdictionem Spiritualem in rebus Spiritualibus & Secularibus impedire. Quam cum alijs immunitatibus Ordinum Regni seruaturum se iurauit, &c.* Ad idem institutum facit, quod ex multorum Regum Priuilegijs constet, dignitates & officia imminuenda non esse, vt habet Ladislaus Iagello in Iedlna: *Dignitates*, inquit, *Ecclesiasticas & Seculares, non debemus minuere, neq; suffocare. Quod tamen fit, dum Episcoporum, aliorumq; iurisdiction, vel impeditur, vel tollitur.* Ex his omnibus liquet, Ordinem Ecclesiasticum, sine controuersia iurisdictionem à tempore susceptæ religionis exercuisse. Omitto, breuitatis studio, Decreta in diuersis Ecclesijs lata, à Regniq; Ordinibus approbata, nec in rei iudicatæ executione vnquam impedita. Prætereo quoque exempla innumera, huius, quam asserimus, Iurisdictionis, in Regibus ipsis, Ducibus, Capitaneis, ijsq; qui officia obibant publica, necnon communitatibus, Ciuitatibus, hominibusq; priuatis, hæreseos, Apostaseos, blasphemiar, sacrilegij, aliorumq; criminum, condemnatis, poenis affectis, rebus Ecclesiasticis vendicatis. Quæ omnia ex monumentis, actisq; publicis, Archiepiscoporum, Episcoporum, Gnesnen-

An: 1548.

An: 1555.

Gnesnensium, Cracouien: Vladislauien: & Posnaniën: comprobari possunt. Nec sanè, calumniator, habes, quo harum sanctionum æquissimarum infringas auctoritatē. Scio quidem riuales tuos, imò & te ipsum, Capite sequenti, illud comminisci, Cōstitutiones Anni 43. abrogatas esse (ac si aliæ nullæ aliorum Regum extarent) sed quibus quæso Argumentis? quibu testimonijs? quoniam videlicet Typographus Cracouienfis, non in ipso Statutorum libro, sed post omnia Statuta, imò post ipsum Indicē, monet Lectorem, rem ita se habere. Præclarum sanè testimonium. Quasi verò Typographis, legum condendarum, vel abrogandarum, esset auctoritas: quasi etiam ipsi Constitutiones illas abrogatas affirmanti, fides habenda sit; cum nec quo rege, quo loco, quo tempore, fuerint antiquatæ, prodiderit. Verum heus tu, legum Polonarum perite, primam Sigismundi Augusti Petricouiar latam legem, vidiſtin? Vidisse te non arbitror: neq; enim nisi penitus, & frontem, & mentem perdideris, ad tuā, & Typographi tui, frigidissima commenta, prouocāſſes. Te autem tantum Magistrum in Israël, eam non legisse, quis ferat? Sed largiamur hoc tibi, & dum nostra tueamur, tuam insignem imperitiam, & legum cognoscendarum negligentiam interim dissimulemus. Is igitur quem dixi, Augustus Rex, in primo omnium Priuilegio, confirmationis Priuilegiorum, Iurium, & Immunitatum Regni Poloniæ,
E illud

illud quoque Statutum Anni 43. quod tu cum tuo Typographo abrogatum comminisceris, in suo statu & vigore, id ab eo petentibus Minoris Poloniae Nuncijs, manere voluit. Sic enim habet illa Constitutio, Polonicè Anno 1550. edita, cuius verba ego Latine reddidi, & huc adscripsi: *Vt desiderio, inquit Rex, Equestris Ordinis Minoris Poloniae satisfiat, Statutum Anni 1543. in vigore relinquimus ad alia Comitiæ: tantisper dum aliquid melius Iure communi statuamus.* I nunc, & te, tuique similes, Regi oppone, & cum nulla postmodum habita Comitia, quæ melius aliquid in hoc genere statuerint, protuleris, ac ne proferre quidem possis, aude porro dicere, Constitutiones Anni 43. esse abrogatas. Nec illud tamen ignoro, alios, teque ipsum, calumniator, inhibitionem Sigismundi Augusti commemorare solitos, qua ille vetuisse visus est, ne Decreta Iudicij Spiritu-
 Cap: seq: nem Sigismundi Augusti commemorare solitos, An: 1563. Betricouia. lis, Capitanei exquerentur. Sed hæc cum legibus Regni, Priuilegijs Cleri, adeoque iudiciorum repugnet iuribus, nullam habere vim potest, ad leges ipsas abrogandas: maximè quod in iisdem Comitijs, Episcopi vniuersi publicè eidem contradixerint; deque grauiamine, ut loqui solemus, protestatione solenniter præmissa, vim videlicet Ordini Ecclesiastico inferri, omnes ex Senatu discesserint. Atque ea protestatio (ne forte nos, quod tute facis, falso aliquid comminisci existimes) ea, inquam, protestatio habetur in Ecclesia Cracouien: sub inscriptione manus pro-

mus propriæ, & sigillo eiusdem Regis. Eiusque rei diploma (ne hoc quoque ignores, quanquam tot & tantis testibus indignus es) Reuerendus D. Stanislaus Skarszewski, Canonicus Crac: post obitum Reuerendiss: Domini sui, Petri Myszkowski, Episcopi Crac: Venerabili eiusdem Ecclesiæ Capitulo, asseruandum attulit. Quid? quod ipsa Sigismundi inhibito habeat, solos Seculares eiusdem auctores extitisse? Denique & alijs Regni legibus eandem repugnare, quis rerum Polonarum peritus ambigat? Annè vlla sanctio firma, stabilisque in Polonia nostra habeatur, quæ non omnium Ordinum consensu roboretur? Non equidem opinor. Casimiri enim Regis, ipsumque; secuti Alexandri, Decretum est: *Statuimus cum vniuersis Regni nostri Prelatis, Consiliarijs, Baronibus, ut deinceps futuris temporibus perpetuis, nihil noui constitui debeat, per nos, & successores nostros, sine communi Consiliariorum, & Nunciorum terrestrium consensu, quod fieret in præiudicium, grauiamenque Reipublicæ, atque incommodum cuiuslibet priuatum, ad inno-
 In Nieś-
 wã.
 Alexandri
 in Rádom,
 fol: 115.
 an: 1538.* uationemque Iuris communis, & publicæ libertatis. An non omnium Ordinum sacrandæ legi requirit consensionem? Idem quoque Alexander, in confirmatione Constitutionis Friderici & Carolinæ, omnia Statuta, &c. contra libertatem Ecclesiæ, vel personas Ecclesiasticas, &c. edita, illo ipso iure decernit esse nulla. Sigismundus etiam I. Petricouia, *Constitu-
 ciones, inquit, nouas, non nisi cum Consiliariorum (Spi-*

ritualium & Secularium) ac Nunciorum terrestrium consensu, secundum Statutū Alexandri Regis faciemus. Si tamen Secularis Ordo, Augusti Regis inhibitionem (legem enim ob iniquitatem pudet dicere) aduersus Clerum valere postulat, quidni (cūm potior ipse, & si non maior, Senatus pars sit) legē Regi suadeat, quæ ipsis Secularibus repugnantibus lata, vim suam roburq; obtineat? Æqua enim vtriusq; Ordinis ratio, quin & Ecclesiastici Ordinis conditio melior ac superior. Vt igitur iuris æqualitas, æqualitasq; iustitiæ consentanea, adeoq; Reipubl: necessaria conseruetur, fateatur oportet Secularis Ordo, eam qualemcūque inhibitionem, nullius esse momenti atq; ponderis, ad Ecclesiasticorum hominum Iurisdictionem, vel imminuendam, vel infirmamandam. Sed tamen præterea rem ita se habere, & illud indicat, quod apud Herbortum Augusti extat, amplissimum confirmationis iurium Priuilegium, illa adiecta clausula: *Quod si aliquando eueniret, ut vel per nos, vel per quempiam alium, istis ipsis Iuribus, Statutis, Donationibus, Priuilegijs, Litteris, Immunitatibus, & Libertatibus, aliquid huiusmodi fieret contrarium, vel si illis derogare, easdemue per nos ipsos abrogare aliqua re vellemus: extunc omne illud nihil firmitatis, neq; ponderis habere debet, sed omne illud, vigore istius Conuentus, nihili & cassum intelligi debet; prout & nos hoc ipsum annihilamus & cassamus, & nihili esse inuenimus, presentibus litteris nostris, temporibus per-*

Petriconia,
An: 1550.

bus perpetuis. Quod si etiam nos contra hoc quidquam fecerimus, tunc non aliter intelligi debet, nisi quia in hoc ipso contra iusiurandum nostrum excessimus. Denique postquam inhibitionem fecerat literis suis (quæ etiamnum asseruantur) testatus est Ecclesiasticorum actiones iudiciarias, veteri more institutas, eadem, minimè impediri. Et sanè sapienter Augustus Rex, quod minùs prudenter, ac Regni legibus ipsiq; rationi consentaneè, fanciuisse videri poterat, antiquauit & abrogauit, ut satis ostenderit de reliquis idem omnino censendum esse. Nam si de Apostasi, schismate, religionibus peregrinis, sacrilegijs, incantationibus, veneficijs, &c. Ordo Ecclesiasticus non iudicauerit, atq; adeò quod decreuerit, Seculares pro sua in Reipubl: potestate, non fuerint executi: illud sequatur necesse est, quod Ecclesiastici hoc loco queruntur, ut videlicet hæc omnia scelera impune fiant, inultaq; relinquuntur. Ad hæc nisi de diuortijs, matrimonijs, ab Ecclesiastico Ordine ita ius instituatur, ut quæ in iisdem peccata fuerint, Arcium, Urbiumq; Præfectorum operâ corrigantur & emendantur, eò licentiâ quadam ad extremum deuenietur, ut Diuina humanaq; iura violentur, ac perturbentur omnia. Quod ne accidat aliquando, Ordinis Secularis est prouidere. Hoc enim illis onus Diuina lege incumbit, ut quæ Iudices Ecclesiastici, religionis integritati & puritati aduersari cēserint, poenisiq; digna decreuerint: ea ipsi seuerè vindicent.

Reges enim (atq; eadem ratione cæteri Magistra-
 tus Ciuiles) Ecclesiæ nutricij sunt, vt Isaias ait. Dis-
 sipat quoq; impios Rex sapiens, vt in *Prouerb*: ha-
 betur. Et in ipsa adeò Synagoga iubentur interimi,
 qui Sacerdoti non obtemperant. Deniq; vt D. Au-
 gustinus scribit: *Regum, atq; vniuersi Magistratus*
Ciuilis, munus officiumq; est, Deo seruire, sicut seruiuit
Ezechias, lucos & templa idolorum destruendo: sicut
seruiuit Iosias, talia & ipse faciendo: sicut seruiuit Rex
Niniuitarum, vniuersam ciuitatem ad placandum
Deum compellendo: sicut seruiuit Darius, idolum fran-
gendum in potestatem Danieli dando: sicut seruiuit Na-
buchodonozor, omnes in Regno suo positos, à blasphemando
Deo, lege terribili, prohibendo. Debet & illud quo-
 que cogitare, vt D. Leo inquit, potestatem sibi non
 solum ad mundi regimen, sed maximè ad Ecclesiæ
 præsidium esse collatam, vt ausus nefarios compri-
 mendo, & quæ benè sunt statuta, defendant, & ve-
 ram pacem his, quæ sunt turbata, restituant. Quod
 optimi quiq; Imperatores perpetuò obseruârunt.
 Theodosius funditus sustulit libertatem, ac omnes
 credere eo modo præcepit, quo Romanus Pontifex
 docebat esse credendum. Martianus quoque seuerè
 prohibet, ne quis ea quæ sunt in Concilijs Episco-
 porum, definita reuoluat, aut de ijs publicè disputa-
 re præsumat. Eiusdem etiam generis alia de Iuniore
 Valentiniano, Constantino Magno, Casimiro Ma-
 gno, Alex: Sigismundo I. alijs legimus. Quos præ-
 clare

Isa: 49.
Prou: 20.
Deut: 17.
Epist: 50.
Epist: 75.
ad Leon:
August.
L. Cun-
ctos pop.
de S. Trin.
C. Eodè.
I. Nemo.
Ambr: in
Orat: fun:
Val.
Euseb: l. 10
cap: 5.
Cromerus.

clare imitatus est feliciss: memoriæ Rex Stephanus,
 aliq; Polonia Catholici proceres, Ordinis Ecclesi-
 astici, & Iurisdictionem, & Decreta tuendo, quan-
 tum in tam infinita hominum libertate, seu potiùs
 licentia, valere. Atq; hæc omnia ita fieri oportere,
 & ratio ipsa suadet. Potestas enim spiritalis & tem-
 poralis, in Ecclesia, non sunt res planè distinctæ &
 separatae, vt regna politica plura: sed ita inter se con-
 nexæ & copulatae, vt vnum efficiant corpus, seu po-
 tius ita coherent inuicem, quemadmodum anima;
 atq; corpus. Est enim potestas spiritalis quasi ani-
 ma; temporalis, corporis instar; vt Nazianzenus sa-
 pientissimè differit. Debet ergo hæc, illi seruire, eaq;
 tueri ac defendere, ac veluti terrenum regnum, vt
 D. Gregorius inquit, cœlesti famulari. Cum igitur
 hæc vitia vniuersa, quæ Clerus in sua querimonia
 deplorat, talia sint, quæ Ecclesiæ Christi, ipsiq;
 Reipubl: exitiosa & perniciofa existant, Ordini Secula-
 ri illud incumbit, vt omni studio elaboret, ne quæ
 Ecclesiastici statuerint, vel repudientur, vel negli-
 gantur. Hæc enim ratione corpus animæ consulet:
 quemadmodum anima, id est, Clerus corporis sui,
 Secularis nimirum Ordinis, & salutem quærit, &
 dignitatem tuetur. Iustissima igitur, calumniator,
 (ad te enim redeo) Cleri querimonia est, quod iam
 ob iurisdictionem Ecclesiasticam, si non omnino
 spretam, violatam tamen & offensam, sacrilegia,
 periuria, incantamenta, magiæ, bigamiæ, &c. quæ
 olim

Orat: ad
pop: ti-
more per-
culsum.
Lib: 2 Epist:
61.

olim florente Ecclesiastico Ordine iacebant, nunc apud plurimos ita valeant, atq; vigeant, vt si non in honore sint, impunita tamen & inulta remaneant. Qua sanè in conuestione, nescio equidem, quid iure atq; meritò reprehendas: vt non demirari nequeā te, non modò communem calamitatem non deslere, sed in Ecclesiasticorum, adeòq; patriæ ipsius miseras insultare. [Iurisdictionem, inquit, doletis vobis ereptam.] Et quidni dolerent? quidni deslerent? Doleret & tu, calumniator, adeòq; desleret, si patriæ amore, Cleriq; studio tenerēre. Sed quia hæresis animus tuus ab Ecclesiastico Ordine reddidit alienū, & salutis publicæ nullo teneris desiderio, quæ lachrymis digna sunt, risu prosequeris; & quod est deterius, omnem calumniandi eos, qui te non læserunt iniuria, arripis ansam. [Hæc vos, inquit, in Ordinem nostrum hominum Secularium congeritis.] Cùm tamen non in vniuersum Ordinem, neq; solùm hæc vitia congerant, sed multorum deplorent scelera, quæ tam impune licenterque patrantur. Ac mox: [Ostendite, inquit, primò apud vos nullos esse sacrilegos, periuros, veneficos, incestuosos, bigamos, trigamos.] Ac, ne quicquam calumniæ desit, affirmas Romanos Pontifices complures, magiam exercuisse; vniuersos autem, non alia quàm multa pecuniaria puniri; adulteros in Clero inueniri, qui plures alunt concubinas, eosdemque se lege Ecclesiastica tueri. Melius est complures alere concubinas, quàm, vel vnicam

unicam vxorem Matrimonio iunctam habere. Ita tu quidem non minori improbitate, quàm audaciā, in omnes Catholicos impudicam linguam exeris: & tantum non cum Phariseo illo de te prædicas: Non sum sicut cæteri homines, &c. De Pontificibus, quod simplici affirmatione obijcis, simplici inficiatione pernego; id tamen à vero esse alienissimū, Catholici integris voluminibus ostendēre. Vitia Clericorum, mirū est, qua temeritate hic proferas. Quasi verò propterea, quod hæc in quorundam mores irreperint, in communi hac temporum inclinatione, Ecclesiastico Ordini minùs liceat eadem deplore. Aliquam fortassis iustæ accusationis occasionem nactus viderēre, si illud ostendere posses in Clero, hæc crimina omninò non vindicari. At ipse fateris pecuniariā multā puniri. Qua tamen non sola, vt tu impudenter asseueras, sed alijs quoq; poenis, ab Ecclesia Christi perpetuò vsurpatis, interdum quoq; vinculis atq; carcere castigantur. Iam verò in Ordine Seculari hæc vitia ita reperiuntur, vt vindicari nequeant ob reorum potentiam, & deprauatos hominum mores, ipsamq; excommunicationē, & quæ eandem consequi solebant supplicia ipse & contempta. Quod autem de lege Ecclesiastica, de concubinis narras, fabula est, malitiosum & mēdax, nequam capitis commentum: neq; tu illud, si te ruperis, vsquam lege Ecclesiastica sancitum reperiās. Nam & concubinatus ipse omnibus, Ecclesiæ De-

F
creto

Bellarmin.
Tomo 1.
Controu.

Vide Canones Pœnitent: in fine decreti. & Glossin c. Ad reprimendam. De Offic: Iudic Ord: Cōc: Trid: Sess. 25. c. 14 de Refor. vide & Syl: Luxuria.

§. 3.

D. 34. c. Audite. & ca:

Meretri-
ces. 32. q. 4.
cap. Laici.
D. 33. E-
pist. Lucij
Papæ, ad
Episcopos
Galliæ.
Trid. Sess.
24. cap. 8.
de Refor-
mat. matrimo.

creto prohibitus est. & Clericis non solum concubiniatu, sed sermone etiam, & extraneorum mulierum cohabitatione, seuerè interdictum. Quod cum in Pontificum, & Conciliorum Decretis ita frequens sit, ut ultro in oculos incurrat, id tamen tu maleuolentiâ obcoectatus, & ut serpentes venenis, sic tu calumnijs & contumelijs vndequeq; legendis, intentus, animaduertere noluisti. In eo tamen præclarum te ostendis Iurisconsultum, quod de diuortijs, matrimonijs, & legitimorum illegitimorumq; controuersijs, Ecclesiasticum Ordinem iudicare nolis, quoniam ex Clericorum numero aliqui concubinas alunt, & illegitimi, ut tu loqueris, abundant. Quasi verò paucorum vitia (complures enim & ipse fateris existere morum continentiâ, & vitæ sanctimoniâ venerabiles) vniuerso sacro Ordini obesse possent, eidemq; iudiciorum eripere facultatem. Quasi Secularis Ordo, quem tu Iudicem exoptas, ab iisdem criminibus immunis esset. Sed in eo, quod subiungis, omnibus Iurisconsultis palmam eripis. [Si qui, inquit, Clerici, voto castitatis per omnia respondeant, quid ad eos matrimonij cognitio pertinet, cum ab eo tanquam immunditie abhorreant?] quasi verò iudicare de criminibus non liceat Iudici etiam minimè criminoso, eiq; qui flagitia omnia abhorreat, ac detestetur. Sed, ô bone, Catholici Iudices à Matrimonio, tanquam immunditie, non abhorrent, sed magnum cum Paulo Sacramentum esse, persuasum habent:

Ephes. 5.
1. Tim. 5.

habent: cum eodem tamen existimant habere eos damnationem qui cum fuerint luxuriati, in Christo nubere volunt; quia primam fidem irritam fecerunt. Animaduertebas tu, opinor, calumniator, hæc quæ attulisti, Ecclesiasticis hominibus iudicandi potestatem non eripere: ac ne illud quidem euincere, iudiciorum formam corruptam & depravatam existere: & proinde, ut ferè solent ij, qui hostem in pugna cedere nequeunt, ex animi quadam impotentia, ad calumnias frigidissimas, & iniquissimas probra dilaberis, & Sacerdotes ob violatas poenitentiae leges (atqui si de illis iam disputaretur) insectaris. [Qualem verò, inquit, nobis poenitentiae modum proponitis. Dura quidem vos egenis ac miseris onera imponitis, ipsi verò ea ne digito quidem attingitis. Venalem peccatorum veniam habetis, sedentes tanquam nummularij in Ecclesia, bullas indulgentiarum exponitis. Vobis religio quaestus est, ita ut qui plures nummos in arcam immiserit, licet parricida, & immanis homicida, cunctorum iudicio habeatur, modò multum soluerit, solutus discedat.] Quæ omnia sunt huiusmodi, ut nihil instituto alienius, nihil probrosum magis, magisque falsum potueris Clero obiectare. Vbi enim, amabo te, vidisti aliam esse miserorum, aliam potentium, in Sacramento poenitentiae, conditionem? Vbi venalem peccatorum veniam? Vbi Bullas Indulgentiarum ad quaestum expositas? parricidam quoq; & homicidam immanem,

nem, solutâ pecuniâ, solutum ac liberum abire? aut si vidisti aliquando, vbi saltem animaduertisti hæc Ecclesiastico Ordini probari, & nō potius grauius seuerèq; vindicari? Proferenda tibi nomina eorum erant, qui hæc tot atq; tanta patrâssent scelera: loca, tempora designanda, quibus accidissent: singula deniq; testibus cōprobanda, si fidē dictis tuis haberi voluisses. Nunc autē cū horum præstiteris, omninō nihil, & temerarius accusator, & improbus calumniator, à nobis iure meritoq; habebis.

C A P V T IV.

Decimas, iure naturæ & Diuino, hominibus Ecclesiasticis deberi.

Tertium Ecclesiasticæ querimoniæ Caput est, quod Seculares Sacerdotum officia sibi vsurpent, & Decimas manipulares, aliasq;, contra iura Diuina & humana, à subditis suis extorqueant, & in proprios vsus conuertant: hæreditatem Christi, panem Ecclesiæ, his quibus iure & consuetudine debetur, subtrahant. Ad hanc tam grauem, iustamq; conqueſtionem, ea tua est, calumniator, responsio, vt equidem coniectura assequi nequeam, magisne astutus ac versutus, an iuris Diuini & humani imperitus, dici debeas. In ea enim ita te geris, vt ad omnē malitiam atq; fraudem, versare orationem tuam videare: ita quoq; leges cū sacras, tum profanas, quæ de

quæ de Decimis extant, pertractas, vt has vix attigisse, illas ne vidisse quidem te appareat satis. Quæ enim maior calliditas (de imperitia & inscitia post viderimus) esse cuiusquam potuit, quàm tuam hîc esse deprehendo? vt enim rudis ac minus perspicax Lector, quàm difficili in loco versare, quàmque malam tuerere causam minimè animaduerneret, faciliusq; in errorem induceretur, ita misces & turbas omnia, vt leges prius editæ, posteriores esse videantur. Sed omnia quamuis implicatissima explicabo, inuolutissima euoluam, vt quiuis intelligat te voluisse magis, quàm potuisse, Decimarum legem consuetudinemq; oppugnare. Et quoniam ita tractationem tuam instituis, vt prius num iure Diuino, tum an humano debeantur, disquiras, idem quoque à me seruabitur ordo. Libet tamen prius, vt absolutior perfectiorq; sit tractatio, illud ostendere: Iure naturæ Ordini Ecclesiastico deberi Decimas. Quod sanè nec arduum, nec difficile fuerit. Cū enim natura eam notionem insculpserit hominum mentibus, vt ijs, qui nostra causa labores subeunt, præmia deberi intelligamus: eadem quoque admonente cognoscimus, Clero, qui in populi gratiam, multum operæ studijq; in sacrorum procuracione ponit, alimenta esse tribuenda. Et vnde Regibus vectigalia, militibus stipendia deberi intelligimus: inde quoq; discimus, Sacerdotibus esse Decimas persolueudas; cū his veluti subsidijs, ita vitam sustentare debe-

Decimas
iure natu-
ræ Ecclesi-
asticis de-
beri.

ne debeant, vt neq; egeant, nec abundant. Ac ne dubitare quis possit hæc ita se habere, Abrahami exemplum suppetit, qui Melchisedeco Sacerdoti Decimas dedit. Quem locum Chrysostomus explicans, Abrahamum hoc facto Doctorem nostrum fuisse scribit, atque adeò monuisse, quid nobis incumbat oneris. Iam verò vt ius Diuinum aggrediamur, ab eo potissimum ordiar, quod solum protulisti, & nulla ratione nixus reiecasti, Leuitarum exemplo. Leuitis Deus iussit Decimas dari, Sacerdotibus igitur tribuendæ. Quod enim erant in lege Moysis Leuitæ, hoc in Euangelio Sacerdotes. Et quamuis Christiani à cæremonijs legis liberi sint & immunes, priscorum tamen Patrum, nemo ab hac Decimarum sanctione eisdem solutos existimauit; quin potius ita de eadem disseruere vetustissimi quiq; vt magis eadem Christianos, quàm olim Iudæos astringi dicerent. Quod in primis Clemens, D. Petri discipulus & successor, ex eo ostendit, quòd Christianorum iustitia plùs abundare, quàm Scribarum & Phariseorum debeat: quo eodem argumento & Augustinus utitur. Hieronymus autem: *Quod de Decimis*, inquit, *primitijsq; diximus, quæ olim dabantur à populo Sacerdotibus atq; Leuitis, in Ecclesia quoq; populis intelligite: quibus præceptum est, non solum Decimas & primitias dare, &c. id qui non fecerit, Deum defraudare & supplantare conuincitur.* Augustinus quoque eundem Malachiæ locum de Decimis explanans:

Deus,

Genes: 14.
Chryl Homil: 35. in
Genes.

Decimas
deberi iu-
re Diuino.

Leuit: ult.
Num: 18.
Malach: 3.

Lib: 2. A-
post const:
cap: 29. 38.
39. & l. 8.
cap: 36.
In Ps: 146.
In c. 3. Ma-
lach.

Serm: 219.
de temp.

Deus, inquit, qui dignatus est totum dare, Decimam à nobis dignatur repetere. Deniq; Gregorius: *Sicut, inquit, offerri iubemini à lege Decimas rerum, ita ei offerre contendite Decimas dierum.* Vt mirum sit, te de Leuitarum exemplo ita differere, vt dicere non verearis, quid illud ad vos? cùm vnica hac nitaris interrogatiuncula: Nunquid pro sui muneris functionibus, tot ditati erant censibus & foundationibus? Ad quam si affirmando respondero, iam silendum tibi fuerit. Ita igitur respondeo. Neq; Leuitæ, vt tu parum Theologus existimas, solis Decimis sustentabantur. Hæcebant enim insuper possessiones suas. Quamuis enim in partitione terræ, agros & vineas non acceperant: Vrbes tamen, quas inhabitarent, illis dabantur, & pecoribus alendis pascua. Emerere quoq; illis fas erat, & à populo religionis causa oblata accipere, vt modo Ecclesiastico Ordini accidit. Vnde *Leuitici ultimo* præcipitur, vt si quis agrum Domino vouerit, eum Sacerdotes possideant. Quin & Regis ad Abiathar Sacerdotem vox est: Vade ad agrum tuum. Hieremias quoq; Sacerdos erat, & tamen agrum se emisse ac possedisse scribit. Deniq; Barnabas Leuita fuit, agrum tamen, quem habebat, vendidit. Et si his omnibus destitueremur firmamentis, causæ tamen iustissimæ subsunt, cur Clerus Christianus præter Decimas, alia quoq; iure possideat. Clerus enim Christianus amplior est, grauioribus sumptibus ac laboribus obnoxius. Té-
plum

16. q. 1.
Homil: 16.
in Euang.

Num: 31.
Deut: 10.
Iosue 13.
Num: 35.
Iosue 21.

Leuit: ult.

3. Reg: 2.
Hier: 32.

Act: 4.

plum Leuitis vnum erat, Pontifex vnus, & pauci quidam ex familia Aaron Sacerdotes, qui per vices in Templo ministrabant, cæteri famulorum loco erant: At Christianis templa sunt innumera, Decimarum prouentibus conseruanda & restauranda, Pontifices plurimi, & Sacerdotes propemodum infiniti, qui tamen litteris exculti sint oportet: quod fieri sanè nequit, nisi patrimonij magnam prius iacturam fecerint. Deniq; perpetuò Ecclesiæ adesse debent, non vt illi certis atq; statis solum temporibus. Sed non eo loco causa Ecclesiastica est, vt solo

a. Cor: 9. Leuitarum exemplo nitatur. Nam vt D. Pauli verbis vtar: *Dominus ordinauit ijs, qui Euangelium annunciant de Euangelio viuere. Et: Qui in sacrario operantur, quæ de sacrario sunt, edunt: & qui Altari deseruiunt, cum altari participant. Quis militat suis stipendijs vnquam? Et: Si nos vobis spiritualia seminamus, magnum est si nos carnalia vestra metamus?* Ad quem locum August: scribens in illud Psal: 146. *Parat terra pluuiam, producit in montibus fœnum, &c.* Ait populos, qui tanquam terra accipiunt pluuiam doctrinæ à Sacerdotibus, debere eis producere fœnum bonorum temporalium, Denique Christus ait: *Reddita quæ sunt Cæsaris, Cæsari: & quæ sunt Dei, Deo.* Quem locum Hieronymus & Augustinus explanantes, præcipere aiunt Dominum, vt pendantur Cæsari tributa, & Deo Decimæ.

Matth: 22.
Aug: lib: 50. in Homil. 48.

CAPVT

CAPVT V.

Ecclesiasticum Ordinem, Decimas ad eos vsus accommodare, quos lex Diuina, & sacri Canones postulant: nec calumniatoris cauillationes, quibus contrarium ostendere nititur, vllius esse ponderis.

AT panis, inquit, vobis est ad affluentiam, & tamen nouis contributionibus, miseram nobilitatem præterito bello exhaustam, onerare vultis. Satiùs esset eas Decimas militibus seminudis, quibus nondum sunt exsoluta stipendia, attribuere, quàm libidinosi & otiosi permittere: maximè quòd iuxta Canones vestros, bona Ecclesiæ in quatuor partes diuidi debeant. 1. Vt pro erogandis spectet elemosynis. 2. Pro Templorum erigendis & instaurandis ædificijs. 3. Pro captiuis ab hoste redimendis. 4. Demum pro mensa Cleri.] Ac mox pauperes miseratus: [Quot ditastis, inquit, pauperum Collegia? Quot Templa his temporibus erexistis, aut collapsa restaurastis? Quot captiuos redemistis?] Tum causaris Ecclesiasticos, [Sculteros suos, milites olim Regni, per summam iniustitiam Regno ademisse, nec tamen publica sustinere onera.] Denique monitoris tibi imponis personam, aut potiùs rigidi cuiusdam censoris. Grauitè enim in Clericos inueheris, [quòd opes tanto studio comparent, maioremq; pensionum, quàm salutis populi rationem habeant.] Ac bellè tu quidem hæc omnia, calumniator, ac de egentibus inprimis bellissimè. Vereor tamen, ne dum hæc stomachans tam inuidiosè commemoras, illud

G

in te

Ioan : 12.

in te conueniat, quod de Iuda Iscariothe D. Ioannes Euangelista scriptum reliquit : *Dixit autem hoc, non quia de egenis pertinebat ad eum; sed quia fur erat, & loculos habens, &c.* Vereor, inquam, ne pauperum cura nihil te sollicitet ac excruciet, eamque solum ob causam queraris, quod quæ Clerus possidet, tibi adempta putes, eademq; in tuis mallis cernere loculis, quàm in ipsorum Ecclesijs. Responderi tamen, nec incòmodè, illud opinor tibi potest, quod Christus Iudæ quiritanti dixit : *Sine illam. Pauperes enim semper habetis vobiscum, me autem non semper habetis.* Si enim Clericis hæc qualiacunq; Decimarum, ad vitam sustentandam, subsidia ademeritis, pauperes semper habetis vobiscum, Clericos verò nequaquam. Quis enim suis militat stipendijs vnquam? Et iam experti videmus, vbi Decimas per summam iniuriam Sacerdotibus eripuiſtis, ibi quoq; Clericos nullos inueniri, templis illatam vastitatem, cultumque Dei omnem interiſſe. Quod vobis hæreticis sanè perplacet, qui Religionem Catholicam funditus sublata velletis, & Ecclesiasticum Ordinem euersum penitus : vt insanis vestris hæresibus & delirationibus, dari queat locus, & mulierosi vestri sathanæ Ministri, qui omnia harpyiarum instar diripiant, eidem possint succedere. Sed non sunt ita bardi atq; stupidi Clerici, addo quoque, nec ita Diuini cultus & honoris obliui, vt Decimas hæreditatem Christi, Dei Opt: Max: gloriæ propagan-

1. Cori 9.

pagandæ inprimis necessarias, & opportunas, vestris moti querimonijs, probris, & conuitijs, abijcere ac negligere velint. Quod autem ipsis ad affluentiam panem suppetere ais, nescio sanè quàm verum sit. Equidem cùm omnē Poloniam oculis atq; animo lustrò, singulosq; ex Ordine Ecclesiastico inspicio, paucos omninò video, quibus panis sit ad affluentiam, nullos quibus abundet ad luxuriam. Quin illud potius animaduerto, plurimos etiam Prælatos & Canonicos, vt innumerabiles Plebanos taceam, inopiâ laborare: ceteros vix tantas habere opes, quantæ ad dignitatem Ordinis sui, Ecclesiæmq; Dei a vestris iniurijs tuendam & defendendam, sufficiant. Et si omninò affluerent, grauissimè in Deum peccarent, si hæreditatem Christi vobis proderent, & Decimas si non ipsis vniuersis, maiori tamen Cleri parti, ipsiq; posteritati pernecessarias, sibi per vim eripi paterentur. Si qui autem libidinosi & otiosi existant, vt aiebas, & non diffiteor, quamuis pauciores, quæ Diuina est bonitas, inueniantur in dies; ij pœnis Ecclesiasticis castigantur. De contributionibus (ita enim loqueris) quibus nobilitatem onerât, haud scio, an queas argumentis, quod verbo dicis, ostendere. Decimæ certè contributiones non sunt. Quod verò militibus satius fore easdem concedere, quàm Clericis dictitas, non existimò. Suum enim cuiq; tribuere, iustitiæ atque æquitatis fuadet ratio. Decimæ autem Clericorum, non militum, sunt sub-

fidia. Militibus interim ab ijs soluantur stipendia, quibus id onus legibus Regni, ac perpetua consuetudine, incumbit. Decimas autem tantò satius est Clericis, quàm militibus elargiri, quantò præstat Christianam propagari Religionem, cultumq; Diuinum integrum ac incorruptum conseruari, quàm per paucos egentes milites, patriam interdum, aduersus vim externam, & hostium impetus, propugnari. Milites interim à Clero nō negliguntur. Non minùs enim Clerus, quàm Ordo secularis, ad eodē, in Regni finibus, & bellis externis, sustentandos dependit, quamuis nullo ad id iure astringatur; ac ne Scultetos quidem suos, quod tu comminisceris, ad militiam ablegare teneatur, vt infra demonstrabo. Pauperum interim, quorum tu patronus videri cupis, nescio, an alioqui oppressor & oppugnator, cura ab Ecclesiastico habetur Ordine, quam sacræ literæ postulant, ipsorumque officij ratio requirit. Nec scio, an vlla Collegia pauperum, Cracouiæ, Posnaniæ, Wilnæ, Calissæ, Pultouiæ, Braunsbergæ, alibi, ab alijs quàm Episcopis ædificata, & annuis prouentibus dotata inueniantur; vt te meritò pudere tuæ interrogationis debeat: [Quot ditastis pauperum Collegia?] Templà quoq; (contra, quam tu Ordini Ecclesiastico infensissimus asseueras) non vno in loco exædificârunt, & collapsa restaurârunt, Ecclesiastici; vel certè maximis impensis illustrârunt, & exornârunt. Calissæ, Reuerend: Archie-

piscopus

piscopus Gnesnensis, Stanislaus Karnkowski: Wladislauiæ, & alibi, Reuerend: Hieronymus Rozdrazewski, Episcopus Cuiaviæ. Posnaniæ, Reuerend: Lucas à Kościelec. Pultouiæ, Reuerendiss: Petrus Dunin Wolski, Episcopus Plocensis; vt alios innumeros taceam, quos recensere, si liberet, possem. Vt tu iam, nisi iniuriâ, queri nequeas, legem de quadripartita bonorum Ecclesiasticorum diuisione violari. Quæ tamen non est, quam tu imperitè scribis. Prima enim pars, Syluestro sanciente, cedit Episcopo, altera Presbyteris & Diaconis, tertia Templorū instaurationi, quarta Pauperibus & Peregrinis. Calumnias autem cæteras, & conuitia, quibus Clerum licenter & impudenter afficis, nihil moror. Neque enim tu ostendisti hætenus Clerum in eo errare, atque labi, quòd Decimas tanto studio quærat: nec illud fecisti planum, maiore eos opum cupiditate, quàm incolumitatis ac salutis ouium, teneri. Vos id quàm verum sit, iam pridem experientiâ discitis. Quot enim à grege suo ex vestra hæresi propellunt quotidie lupos? Quot delirationibus vestris, prauisq; opinionibus imbutos, ad Catholicam reducūt Ecclesiam? Quot à vobis euerfas instaurant aras? Quot templà vestro violata scelere, in dies expiant? Quot deniq; vestrâ infectos labe, ex Oppidis, Villisque, non vi, non armis, sed vitæ integritate, & eruditissimis ad populum Cōcionibus profligârunt? imò, quoniam opum cupiditatem nusquam non-

G 3

Clericis

Syluest:
can: 4.

Clericis exprobras; non defuerunt, qui pretio dato, Vrbes compararunt, non tam fortassis opum desiderio, quam studio religionis Catholicae, in iisdem iam collapsae, restaurandae. In ceteris autem, quae ouium incolumitati conducunt, desiderare tu quidem poteris aliquid, iure tamen atque merito nihil. Tanta Doctorum in populo erudiendo diligentia; tanta Pastorum in Sacramentorum administratione sedulitas. Atque haec ad tuas, calumniator, non tam rationes, quam calumnias, in quibus etsi frigidissimis, tutissimum tibi fore putasti, si delitesceres, cum nihil reperires, quod firmum satis esset, ad id, quod ostendendum susceperas, comprobandum. Decimas nimirum iure Diuino, ad Ecclesiasticum Ordinem haud spectare. Nos autem ita lege Diuina ad eundem spectare docuimus, ut ne contra quidem hiscere valeas.

C A P V T VI.

Decimas, iure tum communi, tum Polonis proprio, Ecclesiasticis hominibus esse persolendas: earundemque pendendarum originem, non à bello in Syria, Clemente III. Pontifice (ut calumniator fingit) contra Saladinum suscepto, sed in Polonia à Mieczyslao & Boleslao, vetustissimis Regibus, esse petendam.

Nunc quoniam tibi ita visum est, asseuerare Decimas, nec iure quidem humano ad Clericos pertinere.

pertinere, id quoque falsissimum esse, cum tua infirmando, tum nostra roborando, demonstramus. Et quidem initio illud mihi permirum est, qua fronte tu Decimarum initia facias, à bello nescio quo, Clemente III. Pontifice, contra Saladinum in Syria suscepto: ita, ut earundem non alia fuerit occasio, vel origo, quam quod Pontifex eo tempore, ut res Christianam laborantem iuuaret, Decimas à Christianis, cum alibi, tum etiam in Polonia exegerit; quae postea Vladislai Iagellonis lege, Clero efflagitante, lata, perpetuae euaserint. Quis enim vetus rerum Polonarum scriptor, tale quidpiam literarum monumentis commendauit? Quanam historia externa, tradidit? Quis tam audacis atque liberae asseuerationis testis? Non equidem negarim, & olim consuetudinem fuisse, cum grauius aliquod periculum Reipublicae immineret, aut Hierosolyma à Saracenis, vel teneretur, vel vexaretur, ut Romani Pontifices, omnium Christianorum Principum opem implorarent, illudque efflagitarent; ut Decimas belli quasi subsidia penderent: ab ea tamen, siue in Prouincijs exteris, siue in Polonia ipsa originem habuisse; illud est, quod penitus inficior. Et sane merito, iureque optimo. Si enim leges vniuersis communes Prouincijs, de Decimis sancitas, inspiciamus (ut interim, de perpetua, ab Apostolorum temporibus, easdem pendendi consuetudine taceam) complures eiusmodi comperiemus, quae ante mille annos viguerint, alias

Cap: 17.
 Cap: 9.
 Cap: ult.
 Mogunti-
 num tem-
 pore Caro-
 li Mag:
 c. 38. sub
 Rab: c. 10.
 tempore
 Arnulphi,
 cap: 17.
 Rhem: ca:
 38. temp:
 Caroli M.
 Valenti-
 num tem-
 pore Lo-
 thar. ca: 10
 Arel: IV.
 cap: 9.
 Cap: 19.
 Cap: 2.
 Cap: 13.
 Mieczys-
 laus Prin-
 cept Polo-
 niæ, anno
 965.
 Clemens
 III. anno
 1188.

alias quæ ante Clementem III. & cùm Hierosoly-
 ma à Saracenis, alijsq; Christiani nominis hostibus,
 conquiesceret. Decimas enim solui oportere, hæc
 omnia Concilia, ne Pontifices memorem, iure Di-
 uino nixa, decernunt: Aurelianense I. Matisconen-
 se II. Foroiulienſe, Moguntina tria, Rhemenſe, Va-
 lentinum, Arelatenſe IV. Cabilonenſe II. Metenſe,
 Triburienſe, & alia, quæ breuitatis cauſa, volens at-
 que lubens, prætereo. Si autem ipſas Poloniae leges
 & Statuta, peruolutauerimus, facile comperiemus
 Decimas, in ipſa quoq; Polonia aliam, quàm belli
 Saladini propulſationem, originem habuiſſe, ac non
 recenti quapiam conſuetudine, ſed planè vetuſtiſſi-
 ma, optimorumq; Principum legibus firmatas, &
 roboratas. Mieczyslaus enim, (vt Dlugoffus, Cro-
 merus, alijsq; qui de rebus Polonorum ſcripſerunt,
 memorant,) ducentis, ante Clementem III. annis,
 Chriſti ſacris initiatus, tanta religionis propagandæ
 cupiditate flagrauit, vt multa ſtatim templa exædi-
 ficârit, ampliſſimis cenſibus & poſſeſſionibus locu-
 pletârit, Epiſcopiſq; inſtitutis, Decimas frugum o-
 mnis generis, tã de ſuis, quàm ſuæ nobilitatis, adeòq;
 plebis agris, edicto perpetuo aſcripſerit. Quod ſanè
 teſtimonium, tam eſt præclarum & illuſtre, vt ſi ali-
 ud nullum, vel in Hiſtorijs extaret, vel in Statutis
 inueniretur, ipſum ſolum ad Decimarum ius Cleri-
 cis vindicandum ſufficeret. Quid enim? An legiti-
 ma id decernendi poſteſtas Mieczyslao defuit? At
 Princeps

Princeps erat non modò ſui iuris, ſed etiam, nondū
 tanta ſubditis, quàm nunc cernimus, libertate con-
 ceſſa, uſq; adeò legum ſolutus uinculis; vt mutare,
 vendere, donare, pro arbitratu potuerit. Quod &
 alijs Principibus tum licuiſſe, immunitates ab ipſis
 conceſſæ comprobant. An Hiſtoriæ, quæ hoc Prin-
 cipis tam præclarum factum memoriæ prodidit, fi-
 dem abrogabunt? at id nulla ſubnixi ratione faciēt:
 eademq; opéra gentis ſuæ, ſiue originem, ſiue res
 geſtas omnes, dubias incertaſq; reddent. Cur enim
 alijs narrationibus fides tribuatur; huic, quæ de De-
 cimis inſtituitur, ſoliderogetur? Sunt igitur Deci-
 mæ non recenti memoria inuentæ, ſed vnà cum ipſa
 Chriſti fide natæ: non vi, non armis extortæ, ſed ſo-
 lo principis arbitrio, ac religione conceſſæ: non ad
 exigui ſpaciū temporis, ſed quàm diu Clerus in
 Polonia perdurârit. Hanc autem Mieczyslai legem,
 cæteros, qui ipſum ſecuti ſunt, Reges, ratam legiti-
 mamq; habuiſſe, ipſi ſuo exemplo, geſtiſq; ſatis
 oſtenderunt. Omnes enim Clero ex agris ſuis Deci-
 mas dependerunt; & ſi qui minùs interdum, id quod
 mandârunt, ipſi exequerentur, eos poenis grauiffi-
 mis caſtigârunt. Vnde, cùm tempore Boeſilai Re-
 gis, aliqui in earundem Decimarum manipularium
 ſolutione difficiles ſe præberent; nullatenus paſſus
 eſt, inquit Dlugoffus, Decimarum manipularium,
 pro Eccleſijs & miniſtris Dei, in vniuerſis Principa-
 tibus ſuo imperio ſubiectis, ſolutionem, aut varia-

H te aliqua

Boeſlaus
 an: 1020. i
 apud Dlu-
 goſſum.

An: 1022.

te aliqua diminui, aut in dubium aliquatenus reuocari: sed deceruit & mandauit, illam esse perpetuam & perennem; varia ultionis Diuinæ flagella, filiis, nepotibus, successoribusq; suis interminans, si per quempiam illorum, præfatarum Decimarum contingeret solutionem intercipi, transmutari, vel rescindi. Et cum rursus nonnulli Nobiles Poloniae, (inquit idem Dlugossus) sathanâ suggerente, onerosam Decimarum manipularium solutionem, onerosos Christianæ Religionis ritus dicentes; hi præfertim, qui in spurcitijs gentilitatis enutriti, iugum orthodoxum non facile tolerabant, ad ritus redire prophanos, & vetustam sacrilegamque vitam resumere, & Decimas tempore instituto non reddere, nec Ecclesias frequentare, ministrosq; & Sacerdotes de eorum Ecclesijs pellere, frequenti conspiratione disponebant: id cum ad Boleslai Poloniae Regis notitiam perductum esset, non tulit fidelissimus fidei Catholicæ propagator, gliscentem conspirationem confurgere, sed in ipso suo ortu illam mox extinxit. Auctores enim eius missis militibus comprehendit, & capita conspirationis, partim capitali supplicio extinxit, partim verberibus mulctauit. Eius vestigijs insistens Casimirus Magnus, cum exorta controuersia in Minore Polonia esset inter Bodzantâ, ipsumq; non de Decimarum iure, sed de vecturis solummodo, rationeq; Decimas exigendi; ita demum litem finiuit, ut eam arbitrio Iaroslai Gnesnens: Archiepiscopi,

Casimirus Magnus, 1369. in Stat: fol: 53.

scopi, reliquerit, easque leges Iaroslao censente, summa Senatorum voluntate ediderit, quæ & Decimarum iura stabiliunt, & modum earundem persolueendarum eum præscribunt, quem Archiepiscopus æquissimum opportunissimumque fore decernebat. Hunc etiam, secutus Vladislaus Jagello, cum quidam inuenirentur, non quidem qui Decimas iure deberi inficiarentur, sed qui easdem tamen per vim iniquissimè sibi vendicarent, poenasq; & censuras, quibus ob tantam iniuriam afficiebantur, superbe contemnerent: eos quoq; grauissima lata lege coercuit. Cum autem non ita diu post, Casimiro eius filio, Reipubl: habenas moderante, idem accideret; is parentem optimum imitatus, sacrilegorum, decreto haud dissimili, compresit audaciam. Deniq; ne omnium Principum decreta atq; sanctiones memorem, idem, Alexander, Sigismundus I. alijq; Reges, in Decimarum firmâdo iure, adeoq; exequendo, præstiterunt. Quæ cum ita sint, quis te, calumniator, ferat, Decimarum originem, à bello nescio quo, contra Saracenos suscepto, Clemento III. Pontifice, facientem? Quis item sustineat has Principum sanctissimas & æquissimas leges, partim prætereuntem, partim inuoluentem, partim repudiantem, de ipsidem deniq; ita populariter ac seditiosè differentem, ac si Decimæ nec ipsidem statuerentur, nec

Vladislaus Jagello, 1443. in Statut: V. Decimæ.

Casimirus 1458 fol: 66.

Casimiri decretum: tale est exordium: Si Regni nostri subditis clementiæ nostræ, & Regalis prouisionis, in augendis iuribus, & immunitatibus, ac libertatibus conseruandis, finem extendimus: quanto magis Ecclesijs, unde laus & honor altissimo Iesu Christo, omnium creatori, salusq; prouenit animarum, nec non personis & membris Ecclesiasticis, id facere ac impendere conuenit,

In contextu & ea habentur: Decimas, quas sibi Deus in signum vniuersalis domini, pro alimento seruientium, reddi censuit, aliaq; animaduersione dignissima.

Sigismundi constitutio Gracouiz, 1532. Cum magna pars Reipublice nostrae, in Ordine & statu Ecclesiasticum consistat, &c. Ecclesiarumq; Regni nostri sint ampliter dotatae, cum ad Diuinum cultum peragendum, & manutenendum, tum etiã ad viros literatos, &c. Ibidem etiam habetur Constitutiones de Decimis, ex agris sterilibus, scultetorum, hortis, terris vastatis, &c. deniq; soluendas esse secundum priscam consuetudinem, dicitur.

roborarentur? Quis deniq; te æquo animo patitur, vetustissimorum Miecyslai & Boleslai Poloniae Regum, nullam planè mentionem facientem, eosdemq; , ac si nihil vnquam de Decimis fanciuisent, alto prementem silentio? Pudeat te, calumniator, tam mala fide pessimam tueri causam: rudemq; nobilitatem tam improba legum, siue dissimulatione, siue malitiosa & fraudulenta interpretatione, à sanctissima & vetustissima Decimarum persoluedarum consuetudine auocare. Efficies tamen nihil, nec vllum causae tuae afferes praesidium. Illas enim quas praeteris, Miecyslai & Boleslai sanctiones, atq; gesta, aliorumq; Principum Decreta, perpetuò vrgebo, illisq; vel solis proclamabo, Decimarum aequitatē abundè firmari. Casimiri autem & Iagellonis, quas infringere conaris, leges ita tuebor, vt quiuis inrelligat te improbum esse calumniatorem, & Iuris Poloni non interpretē, sed vexatorem, & exagitatorē.

C A P V T VII.

Casimiri esse legem, qua in Statutis extat, de Decimis, quamuis Iaroslai Archiepiscopi Gnesnensis, inter Casimirum, & Bodzantam Episcopum Crac. arbitri, nomen praefixum habeat: eandemq; legitimam esse, ac perpetuam.

ET quidem initio haud scio, quonā pacto iustissimam, vel malitiae, vel certè imperitiae, suspicionem

spicionem effugere possis; qui, cum Casimiri Magni, & Iagellonis, de Decimis sanctionum mentionem facias: Iagellonem tamen primum fuisse fingas, qui post commentitiam tuam, illam à bello sacro Decimarum originem, easdem lege firmauerit. Vladislaum enim Iagellonem, Casimirus Magnus, & ætate, & Decimarum praedatoribus coercendis, antecessit. Sed hoc tibi donemus: nobis interim fiat potestas, vt, quod ordinis postulat ratio, prius dispiciamus, quibus rationibus Casimiri legem labefactare moliaris. Sic igitur tu: [Leges, quae Casimiri nomine circumferuntur, non Casimiri, sed Iaroslai & Bodzantae sunt. Illae autem, quid ad nos? Clerum illi suum legibus illis obligare potuerunt, nos nullo modo. Tum etiam si essent Casimiri voluntate editae, &c. tamē absq; Secularium consensione latae, nullae forent. Non enim descripti sunt, inquit, praesentes equestri ordinis eius approbationis testes. Quod tamen in alijs Casimiri legibus obseruatum videmus. Et proinde nunquam pro legibus habitae sunt, priusquam eas Lascus inter leges Regni retulisset.] Deniq; cum vniuerso clero eam transactionem fuisse factam pernegas, & proinde perpetuam esse nō potuisse. Quia tamen haec omnia exiguum omninò vim habere ad legem infirmandam animaduertis, illud saltem calumniaris; [extare aliam Bodzantae legem, quae ostendat Nobiles Decimam soluisse liberam, in Bodzantae verò Decreto, à Decimis eos agros immunes pronunciari, qui à tempore Iaroslai coli coepissent; & cum contrarium Clerus vrgeret, nobilitatem, Cromero teste, repugnauisse.] Atque haec tu

H 3 quidem

Apud Her-
bertum,
fol: 53.

quidem affirmas, sed inuerecundè prorsus, & impu-
denter. Tam enim clarum atq; euident est, hanc
de Decimis sanctionem Casimiri esse, quàm aliam
vllam ab ipso editam, & in Statutorum volumine
comprehensam. Casimirus enim ipse, legem inpri-
mis esse suam testatur: *Nos Casimirus*, inquit, *Dei*
Gratia Rex Poloniae, significamus tenore presentium,
quomodo cupientes, &c. Et mox Decreta aduersus
eos, qui Decimas ad se per vim rapuerunt, sequun-
tur. Et ut ipsa legis æquitas declaretur, ipsius feren-
dæ causas producit Rex: ut omnes, inquit, cuiuscûq;
status & conditionis existant, honestè viuant, alter
alterum non lædat, & ius vnicuiq; suum tribuatur.
Tum ne minùs legitimè latam causari quis posset,
de consilio, inquit, Venerabilis in Christo Patris &
Domini, Iaroslai, S. Gnesnè: Ecclesiæ Archiepi-
scopi; necnon Prælatorum, Palatinorum, Baronû,
& vniuersorum Nobilium nostrorum, de Terra
Poloniæ. Deniq; ut legis ipsa perennitas & perpe-
tuitas ostendatur: *Ad perpetuam*, inquit, *rei memoriã*,
Si hæc Casimiri lex non est: quænam eius sanctio al-
teriusuè cuiuscunq; Principis esse censeatur? Quid
enim in hac lege desideratur, quod in alijs quibusuis
sanctionibus inuenitur eo consilio adiunctum, ut
earundem auctor cognoscatur? Quod autem Iaro-
slai & Bodzantæ nomina, legis statim initio ascrip-
ta sint, nihil siue veritati, siue firmitati legis dero-
gat. Alio enim consilio, quàm legis statuendæ cau-
sa, sunt

sa, sunt apposita. Primùm quidem voluntate Regis,
qui eo in negotio opera eorundem vsus fuerat. De-
inde necessitate. Siquidem illa ipsa sanctione, mul-
tum de seueritate in Decimis exigendis, tum vsitata,
remittebatur. Hoc autem absq; Spiritualium con-
sensu fieri non poterat. Deniq; stylo illius seculi,
quo nondum certa formula legum ferendarum, ut
nunc esse cernimus, præscripta fuit. Quod verò sin-
gulorum Senatorum requiris nomina, iniuriam fa-
cis, cum Casimirus ipse vniuersorum non Senatorû
modò, sed etiam Nobilium consilio atq; suasu, ean-
dem se tulisse dicat: & aliorum quoq; Regû De-
creta inueniantur, vbi ordine singulorum nomina
non percenseantur; ut Ioannis Alberti Petricouia,
Alexandri in Radom, & ipsius Casimiri, quod tu im-
pudenter inficiaris, Villicia. Quod deniq; non cum
vniuerso Clero transactione eam factam, (ita enim
loqueris) & proinde perpetuam esse non potuisse,
causaris, friuolum est & inane. Quid enim obstat
priuatam controuersiam, legi publicæ eodendæ oc-
casionem præbuisse? Quid item rationi magis con-
sentaneum, quàm ut iniuriam, quam Bodzanta pas-
sus est, optimi Regis æquitate, lex publica ab vni-
uersis propulset? Quin & perpetuam esse potuisse,
atq; adeò perpetuam euasisse, Casimirus ipse testa-
tur; & Decimarum pendendarum in Polonia con-
suetudo docet. De Lasco Episcopo, quod memo-
ras, nihil moror. Nisi enim Lascom legem ipsam
condi-

Ioannes
Albertus,
Petricouie
An: 1496.
fol: 96.
Alexander
in Radom,
An: 1505.
fol: 9.
Casimirus
Villicia,
An: 1568.
fol: 8.

condidisse ostenderis, nihil effeceris. Si enim quia in volumen Statutorum ipse retulit, minus est legitima sanctionis auctoritas: & aliæ abrogentur leges, quas Herbortus sparsas ac dissipatas comportauit. Interim de Lasco hoc dicere habeo, nullum extare volumen aliud, in quo Statuta descripta sint, Regum, Ordinumq; consensione, approbatum, & in Archiujs, primarijsq; Ecclesijs, in charta pergamena asseruatum, vsuq; ipso & cōsuetudine tritum, præter hoc vnum, quod Lasco composuit. Ex eo Herbortus & Przylusius, omnia desumpsere; hic tamen, quia varia hæretica commenta Statutis apposuit, explosus est ab omnibus. Et quod caput est, vniuersalibus Sigismundi Augusti literis proscriptus: quas literas, est qui tibi si velis, eiusdem Regis sigillo munitas, ostendere possit. Sed enim hanc, siue legē, siue sanctionem, à Iaroslao quidem scriptā, Casimiri iussu editam, in veris Regni legibus, in præsentia esse numerandam, illud præterea ostendit, quod Vladislaus Iagello, hæc atq; similia Cleri Priuilegia, in vniuersum lege communi Ordinum consensu lata, stabiliuerit: *Vt indigenæ, inquit, nostri, tam Spirituales, quàm Seculares, absq; ulla ambiguitate, iuribus & Priuilegijs, quæ illis sunt dudum à prædecessoribus nostris data, securius vti possent, nec aliqua circa eorum continentiam hesitantia suspendi: omnia & singula Priuilegia, libertates, & concessiones, quas obtinent, sub quacunq; verborum forma, &c. in omnibus punctis in-*
nouamus.

Iagello
prope Czer-
yviensko,
An: 1422-

nouamus. Et alibi idem ipse Vladislaus, omnes Ecclesias, in omnibus earum iuribus, immunitatibus, ac distinctionibus antiquis, quibus temporibus Dominorum, *inquit*, Prædecessorum nostrorum, fruebantur, conseruamus: ibidemq; omnes consuetudines, tempore Casimiri Regis, & aliorum, per Spirituales obtentas, approbat. Quo quidem Priuilegio, omnes Iaroslai & Bodzantæ legis clausulas, atque partes confirmatas, liquidò patet. Siquidam nullæ aliæ eiusmodi distinctiones (vt cum Iagellone loquar) metæ, puncta, in Statutis Casimiri, si has exceperis, extant. In eandem fermè sententiam, Ioannes Albertus ait se confirmare omnia Ecclesiæ iura, tam ordinaria, quàm extraordinaria, decisiones & arbitria, per quascunq; personas facta, & data. Quibus verbis clarissimè indicat se leges has, quas Bodzantæ & Iaroslai dicis, approbauisse. Iam verò quòd contendis, etiam si hæc leges legitimæ habeantur, nulla tamen ratione vniuersos obligare; quoniam Bodzantæ lex inueniatur, qua innuit Nobiles pendisse Decimam liberam, alios verò illiberam, nescio quale sit; nec ego tale statutum reperio vsquam. Vocem quidem (illiberam) inuenio in eodem Casimiri & Bodzantæ Decreto; ex ea tamen Nobiles liberas & arbitrarias soluisse Decimas, sanè non colligo. Hæc enim Decreti verba sunt: *Item decreuimus: quod vbiunq; aliquis Nobilis, alteri Nobili sibi æquali, hereditatem suā obligauerit, & creditor agros*
I coluerit,

In Iedlna,
& postea
Cracouia,
Iagello an-
no 1433.

Ioannes
Albertus,
An: 1501.

In Statutis
fol: 36.

coluerit, in ea Decimam frugum de agris suis soluat illi Ecclesia, cui is, qui obligauit soluere, conseruat ab antiquo. Ita illud haud scio, an queas ostendere, quod de Iaroslao ex Cromero refert, in eius nimirum lege formulam hanc inueniri; vt qui agri à Iaroslai temporibus primum coli cœpissent, illi à Decimis pendendis prorsus liberi haberentur. Neq; equidem mihi queo persuadere tale quidpiam extare, cum Iaroslai lex, quæ in Statutis inuenitur, de omnibus in vniuersum agris decernat: & ea perpetua fuerit consuetudo, vt ex omnibus agris, nullo discrimine, Decimæ soluerentur. Est igitur hæc tua, calumniator, excogitata ad veritatem labefactandam inuentio. Casimiri interim sanctio firma, fixaq; manet, & à tuis calumnijs tutissima. Nunc superest, vt, quoniam Vladislai quoq; Iagellonis Decretum conuellendum tibi suscepisti, id quibus fretus rationibus facias, disquiramus.

C A P V T VIII.

Vladislai Iagellonis sanctionem, de Decimis, legitimam esse, nec à Ludouico, aut Sigismundo Augusto, abrogatam.

Multa sunt cauillationum tuarum, calumniator, capita, quibus huius auctoritatem legis infringere niteris, sed inania ita, & friuola omnia, vt nullo negotio refellantur. Cum enim ita differis: Ludoui-

[Ludouicus Rex, ab omnibus contributionibus, censibus Regijs, Nobilitatem Polonam antea fecit immunē; non potuit ergo Iagello successor eius, priuata auctoritate, Nobilitatem, nouis contributionibus onerare.] Respondeo tibi: Decimas contributiones non esse, ac multò minùs nouas contributiones; vtpotè, quæ vnà cum fide Christiana in Polonia cœperint, ac Ludouicus, Decimarum ne verbo quidem meminit, Nobilitatem autem Polonam, à tributis solum facit immunem. Hoc autem quid ad rem? ab ijs enim nobilitatem liberam facit, à quibus ipsi potestate Regia licuit: à Decimis neq; liberat, neq; liberare quidem potuit, cum id ad ius Diuinum, pertineat, & ante eum Mieczyslai, Boleslai, & Casimiri Magni, leges extiterint, quibus vniuersi ad Decimarum solutionem, astringerentur. Cum, rursus [Ordines sub Sigismundo Augusto, narras, Priuilegiū à Iagellone datum, arte atq; precibus extortum iudicauisse, & proinde id ipsum abrogauisse,] impudenter, pace tua dixerim, mentiris. Vbi enim tale Ordinū extat de Iagellonis Priuilegio iudicium? Vbi quoque sanctionis ipsius abrogatio? Illud solum quibusdam importunè flagitantibus, Sigismundus annuit, ne Capitanei exequi tenerentur, quod Ecclesiastici in eos statuerent, qui Decimas non soluissent; verum & hoc vniuerso Clero repugnante, & reclamante. Quod proinde & iniquè factum, & contra leges sancitum, nullam vim legis obtinere potuit, vt antea pluribus demonstraui. Ne illud memore, hoc quo-

Ludouicus
an: 1374.
fol: 49.

Capite 1.

1565.

hoc quoque Decretum quaecunque, ab eodem posterius Sigismundo fuisse antiquatum. Cum etiam [illos solos Privilegio Jagellonis notari, ais, qui Decimas rapuerunt, non autem eodem definiri Decimas ex agris Nobilium, ad Ecclesiasticos iure pertinere:] ipsius Privilegij verbis te refello. *Quicumque Princeps, inquit Jagello, seu Capitaneus, Baro, aut Nobilis, &c. Decimas (quas sibi Deus in signum Universalis dominij, pro alimento servientium, reddi censuit) rapuerit, inuaserit, &c.* Iure enim Diuino, Decimas ad Ecclesiasticum Ordinem spectare, lex dicit: à quo Nobiles sanè non magis quàm plebeij, (cùm omnes constringat æquè) excipiuntur. Vt autem alijs verbis rem totam lex exprimeret, nulla planè erat necessitas, cùm ex Nobilium numero, prorsus nemo, Decimas deberi Clericis, inficiaretur: etsi quidam, alieni cupidiores, easdem per summam iniuriam sibi vendicarent. Cùm denique ais, [in Privilegio commemorari Castra, Villas, possessiones Ecclesiarum, & proinde non in Secularium, sed Ecclesiasticorum bonis, Decimas intelligi debere,] fraudulentissimè, & malitiosissimè calumniaris. Privilegij enim ea est formula, ut primum eos qui Decimas rapiunt, tum autem & eos, qui domos, villas, castra, &c. ad Ecclesias, præque loca spectantia inuadunt, castiget. Quin & in hoc ipse tibi, ô bone, contradicis. An non tua illa initio huius disputationis, sunt verba: [Jagello precibus & persuasionibus victus, literas dat Clericis, quibus Decimas in suo Regno exigendas, permittit.] Oportet, iuxta prouerbiū, mendacè esse memorē. CA-

CAPVT IX.

Decimas Ecclesiastico Ordini iure deberi, ex vetustissimis Regum Poloniae diplomatibus: ex Regum ipsorum exemplo, qui ex bonis suis semper Decimas dependerunt: ex ipso denique Prescriptionis iure, manifestum esse.

IVre ergo naturæ, Diuino & humano, ab vniuersis Poloniae proceribus, in volumine Statutorum probato, & recepto, Decimæ Ecclesiastico debentur Ordini: ut ex Diuinis literis, grauissimorum Scriptorum testimonijs, vetustissimarumque legum auctoritate demonstraui. Nunc autem, quoniam, & alia suppetunt argumentorum genera, quibus Decimarum æquitatem stabiliamus, & ipsa quoque comprehensa paucis proferamus. Illud autem primum sit, quod vetustissima extent Privilegia, Ecclesijs singulis propria; ex quibus constat Clericis, statim cū ipsa Christiana Religione, ius Decimas accipiendi fuisse tributum. Et quidem primò Archiepiscopum Gnesnensem Decimas habuisse, antequam Casimirus, vocabulo iustus, Poloniae Dux esset, ex Privilegio Institutionis, vetustissimæ Abbatiae Suleiouiens: ostendi potest. Boleslaus enim Dux, cognomento Pudicus, in diplomate suo, confirmat & recitat diploma Aui sui, Casimiri iusti, in quo sub finem hæc clausula inuenitur: *Sciendum denique, quod Dominus Petrus Gnesnensis Archiepiscopus, huius sancti operis co-*

Boleslaus
Pudicus,
an: 1202.

An: 1176.

adiutor esse cupiens, Diuina instinctione, & in ea ex Fulconis Crac: Episcopi petitione, Decimam de Silio, cum pertinentiis suis; Decimam de Belai, de Lânczno, de Mileiow & Stampitz, de Sbilow & Domocelanes, contulit eisdem Fratribus. Ecclesiam quoque de Baldricow, cum Decimis; Decimam de Standow, de Cheuam, de Pasturow contulit, & Sigilli nostri & sui, & Fulconis Episcopi Crac: munimine roborauit. Istæ porro villæ, aut sanè ex eis pleræque, Casimiri Ducis erant, uti ex eodem Priuilegio colligitur. Archiepiscopus nihilominus in eis Decimas possidebat, quas Fratribus, petente Fulcone Crac: Episcopo, est elargitus. Hoc idem de Decimis, Cleri reliqui, ex antiquissimo Priuilegio institutionis Abbatie Wangrouecensis, à Sbilutho Cuius Poloniæ, coram Melsicone Duce, colligi potest, in quo hæc clausula sub finem subiicitur: *Et hæ sunt villa, quarum Decimæ attinent B. Petro; Bartozega, Slozim, Bukoua, Dambroniki, &c.* Et deinde: *Igitur si quis hæc violauerit, anathema sit.* Venceslaus etiam Rex Boemiarum, Dux Cracou: & Sendom: omnes foundationes Ecclesiarum, Monasteriorum, Decimasque, nominatim suo Priuilegio stabilis, atque roborat. Casimirus quoque Magnus, in singulari ac præcipuo quodam Diplomate, Ecclesiæ Gnesnensi concessio, de Decimis ita decreuit: *Adi-*
cimus decernentes, quod milites non impendant, nec prohibeant, in grandis villanorum suorum, venditionem liberam Decimarum, ne propter hoc Deus prouocetur,
cum iuxta

An: 1153.

An: 1291.

Casimirus
Magnus,
1337. Crac.

cum iuxta ius naturale, liberum esse debeat, de re propria disponere, prout placet. Iure ergo naturæ, si Casimiro credamus, Decimæ ad Clerum spectant. Et infra: *Etiā declarantes adiicimus, quod sicut Gnesnensem Archiepiscopum, & suam Ecclesiam, inuenimus in possessione & perceptione telonei Decima septimanei, in infra scriptis locis, & Ciuitatibus nostris, uidelicet, in Chalicz, in Piotricouia, in Siradia, &c. ita eos uoluimus remanere perpetuo, in perceptione huiusmodi Decimæ septimanei telonei prædicti, pacifice, & quietè.* Idem etiam ipse Rex, postmodum concordiam iniit, perpetuo duraturam consilio Baronum terræ Poloniæ, cum Iaroslao Gnesnensi Archiepiscopo, de Decimis, de Maldratis, Fertionibus, ex Terris Poloniæ & Lancitiæ, ad Clerum spectantibus, aliaque complura laude dignissima, decreuit. Testis & vetustissimæ Decimas pendendi in Polonia consuetudinis, est Innocentij II. Pontificis (qui post Christi fidem in Polonia receptam, annum circiter centesimum & trigésimum vixit) Bulla, Anno Incarnationis Dominicæ 1136. Pontific: Innocentij Anno 2. edita, in qua iam Dioceses in Polonia constitutas, & præsertim Gnesnensem: cum bonis Ecclesiæ eidem attributis, nominatim commemorat, & Decimas manipulares cuiusvis generis, etiam ferri, plumbi, pellium, mellis, &c. quæ ad Ecclesiam Gnesnensem: spectabant, & antea persoluebantur recenset, ipsasque suo quoque Diplomate roborat, & confirmat. Quam quidem Bullam

In Priuilegio,
Dati
Posnaniæ,
1360.

Bullam approbat, & se vidisse testatur Casimirus Magnus Rex Poloniæ, in suo illo Privilegio; Crac: Anno Dñi, 1357. dato. Atq; ita in eorum bonorum & Decimarum possessione, & usu, à prædicta Bulla, Ecclesia Gnesnens: fuit. Quæ Bulla, cum centum circiter annis, post fundatam in Polonia Religionem, promulgata fuerit, nimirum planum omnibus, testatumq; facit, Decimas, à plantata in Polonia Religione Christiana, Clericis orthodoxis deberi: eademq; bello Saladini esse antiquiores. Testis quoq; est & alia Eugenij III. Bulla, qua donationem factam Wernero, Vladislaviensi Episcopo, Castri Gdańsk, in Pomerania, cum Decima, tam annonæ, quam omnium eorum, quæ de navibus soluuntur, ratam, legitimamq; decernit. Testes innumeratæ aliæ sanctiones, ac diplomata, vetustissimorum tum Poloniæ Principum, Przemislai Ducis Poloniæ, Boleslai, Samouiti, Boleslai alterius, Casimiri, aliorumq; Masoviæ Ducum, ac Ludouici Hungariæ & Poloniæ Regis, aliorumq; Poloniæ Regum recentiorum: tum Romanorum Pont: Ecclesiæ Cracoviensi, Vladislaviensi, Poseniensi, Plo-censi, alijs concessa, quæ breuitatis studio, volens atque lubens prætereo. Vnum tantum hinc apponam Sigismundi I. scriptum, quod ad Prussos de Decimis, Episcopo Vladislaviensi pendendis, misit, sapiens planè ac religiosum.

Bellum Sa-
ladini, cir-
ca annum
D. 1190.
Euge: III.
An: 1148.
in lib: Pri-
uileg: Ec-
cles: Vla-
disl: fol: 57.
An: 1252.
An: 1297.
in Socha-
czeuo.
An: 1300.
Bude, 1385.
24. Ian.

SIGI-

SIGISMUNDVS REX:

Ad Consiliarios Terrarum Prussiæ, de De-
cimis Episcopo Vladislaviensi pen-
dendis.

Magnifici & Generosi, sincerè nobis dilecti. Acci-
piamus literas vestras, quibus nescimus, prolixenè
magis, an indignè, nobis, cum aduersus Decretum no-
strum, quod de soluendis Decimis Episcopo Vladislavi-
ensi, Anno superiore, iustè & aquanimitè tulimus, re-
spondetis: idq; agitis, docentes nos, quasi nouum aut de-
sultorium Christianum, de lege gratiæ, de sublato Sacer-
dotio Leuitico, de non contribuendo Pastoribus, nisi pa-
scent, & alijs tritis iam Apostatarum cantilenis: non
temperantes interim ab aculeis in suum Episcopum &
Pastorem: unde vehementer miramur, quæ est ista no-
ua Christiana ratio. Quia per legem gratiæ, quæ tan-
tum legi iram operanti contradicit, per libertatem Euā-
gelicam, quæ solum seruituti peccati opponitur, duplex,
idq; ingens peccatum, aduersus Diuinas & humanas le-
ges, committitis: Alterum, non reddendo proximo suo,
atq; adeò Pastori, quæ sua sunt: Alterum, literis & De-
cretis Principis sui non parendo. Si per legem gratiæ, li-
ber est populus à soluendis Decimis, quæ ministris Dei de-
bentur, eadem lege liber erit à soluendis tributis, quæ a-
lijs ordinibus & potestatibus debentur. Nam lege gra-
tiæ, omnes pariter Christiani in unam libertatem sunt
asciti.

K

asciti. Si ob hoc, quod sublatum est, sacerdotium Iudeo-
rum, non plus habeant sacerdotij Christiani Sacerdotes,
quàm id quod commune est omnibus, neq; illis suos pro-
uentus debetis: pari ratione abolito Regno Iudeorum,
Christiani non plus erunt Reges, quàm ceteri Christiani.
Nam per legem gratia, omnes ex aquo Regale sacerdo-
tium esse censentur. Quod si Christiani Principes, De-
cimas & prouentus successoribus Apostolorum non rectè
contulerunt: minùs rectè Apostolis ipsis primi illi Chri-
stiani, precia bonorum suorum omnium conferebant. Si
nefas est, Pontificem ob non redditas Decimas populum
excommunicare: maius erit nefas, quod Apostoli, ob ne-
gatam pecuniam, Ecclesie dicatam, utraq; morte con-
demnabant. Si non pendendum est Pastori, nisi pascat,
& doceat: non pendendus erit etiam à plebe suus cen-
sus, Ordini seu statui militari, nisi militet, & populum
Dei tueatur. Si deniq; non sunt valida dotes & Priui-
legia, Maiorum & antecessorum nostrorum, Ecclesia-
sticis collata: cuius erunt firmitatis illa alijs Ordinibus,
sub paribus signis, pari acramento & pelle, concessa. Atq;
hæ sunt illæ Euangelicæ rationes, quæ nunc orbem terra-
rum, seditionibus, tumultibus, periurijs, & sacrilegijs,
implent. Graui igitur & molestissimo animo ferimus,
quod aduersus Decretum nostrum, tales literas, ta-
libus impijs dogmatibus consutas miseritis, quæ non so-
lum indigna sunt auribus nostris, & ab vniuersa Ec-
clesia Catholica damnata; sed etiam à nobis, & alijs
Christianis Principibus, publicis edictis vetita: & pro-
inde de-

inde denunciamus vobis hanc immutabilem sententiã,
& voluntatem nostram, quod Decretum ipsum nostrum,
iustè & legitimè latum, nulla ex parte mutaturi, neque
Dominum Episcopum, & iura ipsius, nostro debito pa-
trrocinio deserturi sumus. Et si in ea contumacia perseue-
rare volueritis: Nos id, quod ad iustum & Christia-
num Principem attinet, exequemur. Datum Petrico-
niæ, decima Ianuarij, Anno Domini, 1528.

Atq; hæ omnia sunt huiusmodi, vt, si nihil in
Statutorum volumine de Decimis extaret, satis su-
perq; Decimarum æquitatem comprobent, adeoq;
seculares astringant, vt easdem studiosè diligenter-
que dependant. Alterum, pro Decimarum æquita-
te, argumentum illud sit, quod ex Regum omni-
um desumitur exemplo. Constat enim omnes, qui
hactenus vixerunt Reges, adeoq; ipsum postremum,
omniq; memoria dignum, Stephanum, ex agris
suis Regijs Decimas Clero dependisse; & decreuisse
non semel, vt ex iure (quod terrestre vocant) li-
quet, etiam post intermissam iurisdictionem, vt De-
cimæ ab alijs dependerentur. Quorum & exempla,
& Decreta, ac Mandata, quæ dicunt, etiam Sigif-
mundi Augusti, Episcopis, & Capitaneis data, tan-
tum valere, vt subsecuta sit eorundem perpetuò exe-
cutio, donec maledictum compositionis nomen,
iustitiæ cursum retardauit. Inficiari non potes. Hoc
autem ipsorum factum est eiusmodi, vt ex eodem,
& legum interpretationem, nobilitatis vniuersæ au-

toramentum, Decimarumq; persolueendarum obligationem habeamus. Quæ enim legis explicatio certior, Regis ipsius facto & exemplo, vim ipsam legis, non animo modò, sed oculis etiam ipsis obijciente? Quì etiam fieri potest, vt subiectorum bona, libera magis sint & immunia, Regis ipsius possessionibus? An maiores subditorum, quàm Principum prærogatiuæ? An possessiones à Regijs deriuatæ, à Regibusq; ipsis quæsitæ, præstantioribus, quàm ipsorum Regum fundi, Priuilegijs vallari, & muniri possunt? An is, à quo omnia emanant Priuilegia, solus iisdem careat? Quod igitur Rex sibi non vendicat, nullo modo sibi tribuere subditi possunt. *Si enim* (Ambrosius ait) *censum Filius Dei soluit: quis tu tantus es, qui tibi non putas esse soluendum? Non debet ei, cui quod minus est non licet, quod amplius est licere.* Cùm igitur, vt rem à capite arcessam, Mieczyslaus Rex, ex suis, subditorumq; possessionibus, Decimas pēdendas edicto perpetuo cauerit, ipseq;, & posterì, easdem persoluerint; nulla ratione ab eorum autoramento, ij, qui in eorundē ditione & potestate sunt, immunes esse queunt. Quinimò, etiam si de Decimis nulla omninò extaret lex, Regis ipsum factum, loco legis habendum esset. Ea est enim omnium gentium, ac inprimis Poloniæ consuetudo; vt vbi lex scripta deest, ad exempla Maiorum, ac Regum, maximè recurratur, ab iisdemque quid statuendum, ac decernendum sit, in dubijs & ambiguis

In Lucam.

ambiguis accipiatur. Tertium ex ipsa præscriptione firmissimum est sumere argumentum. Legibus Regni sancitum est, triennij rei cuiuspiam possessionem sufficere, vt quis nequeat rei possessione dimoueri. Ecclesiastici autem non iam trium annorum spacio, sed ab ipso Christianæ religionis principio, Decimas in Polonia possederunt; ac in præsentia, vbi æquitas locum habet, possident: nemo igitur nisi iniuria easdem subtrahere, aut vsurpare potest: maximè cùm ipsa præscriptio tot roborata legibus, tot vallata Priuilegijs existat. Vt tu hoc loco iure falsitatis arguaris, qui hanc Decimarum pendendarum consuetudinem, ex libera hominum voluntate, non autem ex necessitate legis profectam comminisceris: in eo etiam meritò reprehendaris, quod adeò iuris imperitus sis, vt nescias, vel ipsam consuetudinem præscriptione roboratam, vim legis apud omnes gentes perpetuò obtinuisse.

Casimirus
Magnus
Vislicius.
fol. 18.

C A P V T X.

Decimas non deberi Ministris hæreticorum, propter Confæderationem, vt fingit calumniator: Confæderationem autem nullam esse in Polonia legitimè factam, ac ne fieri quidem posse.

A Nimaduertas tu, opinor, calumniator, quamuis id dissimulare, quàm fateri malueris, manifestius

festius esse. Decimas Ecclesiastico Ordini deberi, quàm vt negari, nisi impudentissimè posset. Quare id tandem & ipse, quamuis timidè, confiteris, illud-que peroptas solùm, vt ministris tuis hæreticis potiùs quàm Clero Catholico dependantur. [Maiores, inquit, nostri non aliam ob causam, Decimas pendebant Sacerdotibus, quàm ob sacrorum communionem. Cur ergo nobis non liceat eis Decimas dependere, quorum Dei colendi præscriptum & doctrinam sequimur, suadente conscientia? An non hoc iam liberum cuique, cum liber cultus permissus sit religionis?] Et ad extremum permolestè fers, Catholicos in Comitij eam conditionem abnuisse. Itanè verò? Ministris ergo decimas dependere vultis? & Christi aduersarijs, Christi hæreditatē, à legitimis possessoribus ereptā, tradere? Quo iure? Qua nixi consuetudine? Ego sanè in vniuerso Statutorum volumine, legem nullam descriptam inuenio, quæ id decernat, ac multò minùs vllius, apud quemcunq; Historicum consuetudinis mentionem, quæ Decimas Ministris depen- di suadeat. Si quæ autem de hæreticis extant leges, vt sanè sunt complures, ea nulla iisdem decernunt præmia; sed eos proscribunt potiùs, eorumq; bona omnia fisco addicunt: & Diuinæ literæ hæreticis nō mercedem aliquam, sed poenas vbiq; ac supplicia proponunt. Vt vel hinc conijcere possis, quid tuis ministris debeat. Adhæc Decimas, Mieczyslaus, Boleslaus, Casimirus Magnus, Reges cæteri, vniuersa deniq; Nobilitas, non Ministris ad Regnorum interi-

Vladislaus
Iagello in
Wielun.
fol: 75.
Confæde-
ratio Prin-
cipum in
Korczyn,
An: 1438.
fol: 76.

interitum & euerfionem natis, sed sui similibus; id est, Catholicis Sacerdotibus, alendis & sustentandis, reliquerunt. Vt iam minimè fas tibi sit, alienum, tuis ministris tradere. De libero cultu religionis permissio, quod ais, mendacium est. Nunquam enim, alia in Polonia, præter Catholicam, probata & recepta est. *Confæderatio enim, bona nobilitatis parte, ac Clero vniuerso reclamante, per vim & fraudes, tum in Augusti Interregno, tum in postrema Ordinum Convocatione, introducta est.* Et proinde, aduersus veteres Principum contra hæreticos conspirationes, & Confæderationes, & sacratissimas Regni leges, (quæ omnium Ordinum consensum ad aliquid faciendū requirunt, & nihil in Comitij tractari volunt, quod Nuncijs à Nobilitate in mandatis datum non fuerit) nisi omnia violentur ac imminuantur iura, valere nequit. Sed præstat Confæderationes ipsas, legesq; aduersus hæreticos latas, hic adscribere. Sic igitur Ordines Regni in Korczyn, cum hæc præfati fuissent: *Nos Principes, Spirituales & Seculares, Barones & Comites, Proceres, Milites, Nobilitas, Ciuitates, totaq; Communitas Regni Polonia; singulariter singuli, & vniuersaliter vniuersi, eodem animo, eadem voluntate, scientia, assensu, & ratihabitione: omnes unanimiter decernimus, & significamus tenore presentium, &c. quod quicumq; existat indigena Regni Polonia, &c. vellet aliquas inobedientias contra ius terrestre, commune, &c. aut etiam hæreticales errores facere, vel*

Alexand:
in Radom,
fol: 265.

An: 1438.
die 3. Mar-
tij.

promo-

promouere: contra talem, siue tales, cuiuscunq; status, gradus, conditionis, & praeminentia fuerint, siue Spirituales, siue Seculares, & in eorum destructionem consurgere volumus, & promittimus, sub fide & honore nostris, absq; dolo & fraude: nec ipsis auxilio, vel fauore, patrocinari volumus, sub fide & honore nostris; etiamsi sanguine, affinitate, & quacunq; propinquitate fuerint nobis, aut alicui nostrum coniuncti: nec pro eis loqui volumus aliquod verbum, sed eos, & eorum quemlibet talem punire volumus, & promittimus. Atq; hæc illi, & Christianissimè, & sapientissimè. Quàm verò dissimiliter isti, qui vel in Augusti Interregno, vel nuper in Conuocatione, Confoederationem architectati sunt? Libet enim alteros cum alteris conferre. Illi: Nos Spirituales & Seculares. Hi: Nos Seculares. Constat enim Ecclesiasticum, Ordinem vniuersum, impiæ huic conspirationi refragatos. Illi: Quicunq; hæreticales errores facere, vel promouere vellet, in eorum destructionem consurgere volumus. Hi: Omnes in sua religione quietos sinemus. Illi denique: Nec pro eis loqui volumus aliquod verbum, sed punire promittimus. Hi: Eos defendemus ac tuebimur, ac si qui ipsis fuerint impedimēto, quo minus hæreses suas liberè, licenterq; disseminēt; ij grauissimis afficientur poenis. Quæ tamen omnia talia sunt, vt satis ostendant hanc Confoederationē priori illi contrariam ac repugnantem, non tam Cōfoederationem, quàm impiorum aduersus Dominū, & aduer-

& aduersus Christum eius, conspiracyonem esse: ac proinde eiusmodi, quæ nullum in Regno, optimis firmato legibus, locum habere debeat. Sed non fuit hæc sola Principum in Polonia Catholicorum, contra hæreticos Confoederatio, quin & eam aliæ haud dissimiles antecesserunt, & vna Masouia Ducis cum suis, contra Lutherum est subsecuta, quas breuitatis studio prætermitto. Iam verò leges præstantissimorum Poloniae Regum, contra hæreticos latæ, innumeræ propemodum inueniuntur. Adscribam paucas. Vladislai Iagellonis sanctio est: *Mature consilio Prelatorum, Principum, ac Baronum nostrorum, habito & consensu, presentibus decernimus, & pro firmo, constanti, & pro irrefragabili edicto teneri precipimus: Vt quicunq; in Regno Poloniae nostro, & terris nobis subiectis, hæreticus, aut hæresi infectus, vel suspectus de eadem, fautor eorum vel director repertus fuerit: per nostros Capitaneos, Consules Cuitatum, & alios Officiales, ac quoslibet subditos nostros, siue in officijs, siue extra viuentes, velut Regiæ Maiestatis offensor capiatur, & iuxta exigentiam excessus sui puniatur.* Ac mox grauissimæ subiunguntur poenæ decretæ, in eos Regno Poloniae subiectos, qui ad tempus præscriptum ex Boëmia non redirent. Idem quoq; ipse Iagello, Dignitarios, quos vocant, statuit non esse eligendos alios, quàm qui fuerint Catholici, & Romanæ Ecclesiæ obtemperantes: *Nec etiā, inquit, aliqua officia terra perpetua, vt sunt, Dignitates, Ca-*

Varzauia
in Comit:
An: 1520.

In Wielun,
1424.

Fol: Stat:
126.

Torunij,
1520.

tes, Castellanus, &c. obeant; quia sæpè diuersitas cultus diuersitatem inducit animorum. Ac ad extremum concludit: Omnes libertates, gratias (verba decreti sunt) illis tantummodo concedi, qui sunt cultores Christianæ Religionis, Romanæ Ecclesiæ subiecti. Sigismundus I. huius insistentis vestigijs, plurima & sapientissimè, & sanctissimè, in eandem sententiam decreuit. In hæc enim verba Torunij legem, sanciuit: Manifestum facimus harum serie literarum, quod intelligentes, ad Regnum & Dominia nostra, inferri nonnullos libellos cuiusdam fratris Martini Lutheri Augustiniani, in quibus multa continentur, tam contra Sedem Apostolicam, quam etiam in perturbationem communis Ordinis, & status rei Ecclesiasticæ, & religionis. Cum enim in Regno nostro, ex huiusmodi scriptis, errores aliqui pullularint, officij nostri, ut Christiani Principis, & fidelis filij sanctæ matris Ecclesiæ, esse duximus, ut authoritate & potestate nostra Regia, huic cepto noxio resisteremus. Mandamus itaq; vobis omnibus subditis nostris, & cuilibet vestrum seorsim, ut nemo deinceps audeat talia opera, ut præmissum est, in Regnum, & Dominia nostra inferre, vendere, aut illis uti; sub pænis confiscationis bonorum, atq; exilij: quas unusquisq; mandatum nostrum transgrediens, sine ulla excusatione, tam ignorantie, quam alterius causæ subibit. Et Cracouiæ haud dissimiliter: Nos pro officio Christiani Principis, eam ipsam religionem, à SS. Patribus ordinatam, ac per sanctam Ecclesiam Romanam directam,

Cracouiæ,
1528.

directam, nobisq; à Maioribus nostris per manus traditam, ac per nos quoq; & gentes nostras, multo sanguine, & clarissimis gratia Dei Victorijs hæctenus defensam, à labe heretica his temporibus in vicinia emergente, integram ac immaculatam, in Regno ac Dominijs nostris conseruare volentes, publicis edictis mandauimus, &c. ne qui dogma ipsum pestiferum, ac iam pridem damnatum, approbare, profiteri, vel tueri audeat, sub pæna capitis, & confiscationis bonorum omnium, &c. Eiusdem quoq; Edictum extat, contra religionis innouatores, grauissimum, & seuerissimum: Audimus, inquit, permultos esse in Regno nostro factiosos, & nouandarum rerum cupidos homines, qui sectas ab orthodoxis Patribus, in vniuersalibus Concilijs reprobatas, non in occulto saltem sectantur; sed & publicè profitentur, & disseminant: non sine contemptu piarum sanctionum, à sancta Catholica Ecclesia institutarum, & receptarum, atq; Edictorum nostrorum. Esse item non paucos, qui liberos, propinquos, & affines suos, Wittebergam mittunt, ut illic mox ab ineunte etate, priusquam nouerint malum à bono discernere, pestifera dogmata, ab ipso Luthero, qui horum malorum caput est, imbibant, & postea in Regno nostro diffundant, & propagent. Quæ res quàm feliciter vicinis circum circa Regionibus ceciderit, nemini obscurum est. Videmus enim luce meridiana clarius, quanta seditiones, quanta cedes, bonorum direptiones, & quanta rerum omnium perturbatio, quanta pietatis ruina, quanta deniq; honestatis

An. 1544.

statis euersio, ex his initijs excitata sit. Quod ne nobis quoq; & subditis nostris, unquam usu veniret, cauimus aliquoties edictis nostris, grauib; pœnis in transgressores constitutis. Et infra: Quod attinet ad eos, qui apud Lutherum, vel apud quoscunq; alios factionū istarum principes, vitam degunt; ijs omnem aditum, ad quasuis Dignitates & Magistratus, præcludemus in posterum. Deniq; Cracouiæ, ne violari, aut immutari religio in Polonia posset, hanc quam subiungimus, æquissimam sanctionem condidit. In eo cum Consiliariis nostris, & Nunciis terrestribus, conuenit nobis, ut liberum sit unicuiq; nostrorum subditorum de Regno nostro exire, ad quamcunq; Regionem vellet, videndi, seruiendi, & se in bonis moribus, ac honestis disciplinis, exercendi causa, & propter bonas literas ab Ecclesia admissas: alioqui, si quis rediens ex aliena Provincia, qualescunq; nouas doctrinas, aut libros propagare, subministrare, & uti illis vellet; is iuxta antiqua Iura, & Priuilegia Regni, debet se iustificare. Quin & Sigismundus Augustus, optimum ac sanctissimū Parentem imitatus, complura contra hæreticos edicta composuit. Quorum primum, quod quidem sciam, illud est, quod ad Andream Comitem à Gor-
 ka, Generalem Capitaneum, misit, quo Picardos, exules in Boëmia & Morauia, grauissimis propositis pœnis, Regno excedere iussit. Alterum est, quod Wilnæ non ita diu post edidit, cuius illud est exordium: *Perfertur ad nos, Picardorum, Boëmorum, Ana-*
baptista-

Polnaniæ,
 1550. ex
 Actis pub.

Wilnæ, an:
 1556. 2.
 Martij.

baptistarum, Sacramentariorum, Lutheranorum, & aliorum hæreticorum, praua dogmata palam predicari. Tertium huic persimile, quod anno insequēti, Warszauia, omnium Ordinum consensu, scripsit: cui & literas ad Capitaneos, ac Ciuitates, adiunxit, quibus Mandata sua contra hæreticos, & eorundem librorum Bibliopolas, uti exequerentur, præcepit. Quartum denique, instigante Iacobo ab Ostrorog, ad Comititia tum internuncio, ac postea Poloniae Maioris Generali Capitaneo, aduersus Trinitarios, Anabaptistas, ac Arrianos, tulit; cuius tale est principiū: *Ex plerisq; tum veteribus, tum recentioribus, exemplis externis, nunc autem ex domestica hac nostra experientia apertè cognoscimus, consensu quidem ac concordia religionis, firmari Respublicas, &c.* Ac ad extremum, Urbium, Arciumq; præfectis, datis ad eosdem literis, mandauit, ut hoc hominum genus, ipsorum opera Regno pelleretur. Quid, quod Poloniae Reges, non solum homines priuatos, sibiq; subditam Nobilitatem, hæresim docere non permiserint; sed ne eos quidem, quos publica fide ad se vocauerant, quod hæretici essent, in Regno diutiùs morari permiserint? Extat huius rei clarissimum apud Cromerum testimonium (ut alia taceam) de Vladislao Rege; qui, cum apud Coributhum, Boëmis hæreticis comitatum, commemorauisset; quanta rerum omnium perturbatio secuta apud eos, ex mutata & perturbata religione esset, ut florentissimum quod-

Warszau:
 1556.

Parczouci
 an: 1564.

Cromerus
 lib: 20.
 hist.

dam Boëmorum Regnum ad interitum properaret, sublati Magistratibus, sacris iuxta ac profanis, euer-
 sis Oppidis & munitionibus; cæsis, vel fuga dilapsis
 optimatibus; constupratis honestis Matronis, atque
 virginibus; profanatis, direptis, ac dirutis templis;
 abrogatis sanctissimis cæremoniis; sacrosancta re-
 ligione contaminata; ac tam varijs, portentosis, &
 abominandis opinionibus discerpta, vt nemini pro-
 pmodum cum altero conueniret: deniq; peruerso
 rerum omnium, atq; naturæ ipsius ordine: quæ
 omnia, ni maturè resipiscerent, præsens & extremū
 exitium consequi necesse esset: nec tamen quicquā
 homines pertinaces & peruicaces permouisset, Vr-
 be eos eiecit, propter solennes Paschæ dies. Sbignei
 autem Episcopi tanta fuit religio, vt ipsius interdi-
 cto cessatum à sacris sit, quoad illi Cracouiæ subsi-
 stère. Iam verò, cum hæ tot atq; tantæ sint optimo-
 rum Principum contra hæreses conspirationes, &
 Confoederationes; tam variæ quoq; ac multiplices,
 aduersus easdem sancitæ, leges; quis æquo animo fe-
 rat, nouam quampiam Confoederationem, veteri-
 bus illis prorsus contrariam ac repugnātem, iisdem
 anteponi? Cum etiam hæ ritè, atq; ordine, ac, vt
 vno verbo dicam, summa omnium Regni Procerū
 voluntate, & consensione, confectæ sint; ista autem
 Clero vniuerso reclamante, ac bona nobilitatis par-
 te, integrisq; Prouincijs refragantibus inita: quis vn-
 quam patiatur illis abrogatis & antiquatis, hanc
 vnam,

vnam, atq; solam apud omnes valere? Indigna,
 planè res, ac prorsus intoleranda, maximè quòd
 Confoederationem istam recentiore qualècunq;,
 tam importunè efflagitent, non vt pax publica, vt
 prætexunt, firmetur, sed vt Catholica euertatur fi-
 des, ac Ordo Ecclesiasticus intereat vniuersus. Hoc
 enim ita se habere, ipsorum hæreticorum testantur
 facta. Nulli enim ipsorum, si paucos excipias, in su-
 is, siue Oppidis, siue pagis, subditis suis Catholicam
 religionem permittunt: quod hæreticos, Germaniæ
 atq; Angliæ, imitati faciunt. In quo tamen illud est
 indignissimum; quòd cum suis ipsi libertatem cul-
 tûs non concedant, eam tamen à Principibus, qui-
 bus subijciuntur, sibi denegari molestissimè ferant.
 Adhæc, fundationes à Maioribus institutas conuel-
 lunt; Decimas, ac Ecclesiasticorum census, per vim
 rapiunt; solo æquant Deo sacrata templa; diripiunt
 Villas, ac sibi iniquissimè vendicant; Ecclesias Ca-
 tholicorum vsurpant, contaminant, ac violant im-
 puris suis ritibus & cæremoniis; Sacerdotes ædibus
 suis ac Parochijs eiiciunt, Apostatas iisdem substitu-
 unt; in sibi deniq; subditorum, non corpora modò,
 sed & in animas ipsas crudelissimè sæuiunt, dum eos-
 dem grauissimis propositis poenis, ad sua illa nō iam
 tēpla, sed gurgustia compellunt. Quæ tamen omnia
 fieri minimè deberent, si vel ipsa qualiscunq; Con-
 foederatio obseruaretur. Quid enim? An aliud in
 eadem, quamuis iniustissimè petunt, quàm vt libe-
 rum re-

rum religionis habeant cultum? Cur igitur liberū esse sibi subiectis nolunt? An non vniciq; etiam Ecclesiastico homini, ius suum integrum manere se velle proclamant, beneficiaq; illæsa? Cur ergo ius omne tollunt? imò cur Ecclesiasticorum panē, Decimas, adeòque hoc facto etiam Ecclesiasticos tollunt? Negabunt fortassis, hæc se in sua qualicunq; Confoederatione spondidisse. En ipsa Confoederationis verba: [Nihilominus per præsentem, *inquiunt*, Confoederationem nostram, superioritati, & iurisdictioni in subditos, tam Spiritualium, quàm Secularium, minimè derogare volumus, neq; obedientiam cuiusquam subditorum Dominis suis destruimus: quin imò, sicubi huiusmodi licentia sub prætextu religionis reperietur, liberum sit & nunc cuiq; Domino, in subditum suum inobedientem, tã Spiritualibus, quàm in Secularibus, pro arbitrio suo animaduerrere. Item, vt omnia beneficia Iurispatronatus Regij, Prælaturarum, Ecclesiasticarum, vtpotè Archiep: Episcop: & aliorum omnis generis, non alijs conferantur, quàm Romanæ Ecclesiæ Clericis indigenis Polonis, iuxta Statutum. Item, beneficia conseruentur in suo statu, pro hominibus Romanæ Ecclesiæ indigenis, iuxta Statutum.]

1533.

Statutum autem Sigismundi I. vti & aliorum Principum, Decimas beneficijs annexuit. Et sanè qualia beneficia, Decimis subtractis, quibus ipsa beneficia tota nituntur? Quæ ideo dixerim, ne per Confoederationem suam, Decimas rapere sibi licere putent. Ex his iam, opinor, liquet, Confoederationem hanc in Polonia hæreticam, quā liber religionis cultus permittitur, nullius esse ponderis, eamque qua-

lemcun-

lemcunq; ab hæreticis ipsis violari. Quod sanè, si viri sapientes cum animis suis reputarent, neq; tam faciles ad hanc religionis libertatem finendam, ac multò minus approbandam, forent. Maximè quod ita res se habeat, vt eandem adeò Diuinæ literæ ventent, vt nec permitti quidem possit ab Ordinibus, hic liber religionis, quem fingunt, cultus. Vetare autem quis ambigat? *Vnus enim Dominus, vna fides, vnum Baptisma*, inquit Apostolus; & proinde vnus omninò cultus: & ideo si præter eundem existat alijs, non cultus, sed cultus est euerfio, ac perniciēs. Reprehensus quoq; est Angelus Pergami, quòd apud se haberet aliquos, tenentes doctrinam Nicolaitarum: & Angelus Thiatyræ, quòd permetteret Iezabel seducere seruos Dei. Diuinæ quoq; literæ, vbiq; Christianos declinare hæreticos iubent. Hos, Paulus, *deuita*, inquit. Et alibi imperat, *vt obseruemus, ac fugiamus eos, qui serunt offensiones, & offendicula, præter doctrinam quam didicimus*. Et iterum: *Vtinam*, inquit, *abscindantur, qui vos conturbant*. Deniq; nec Angelum quidem ferendum censet, si annunciauerit, præter id, quod est nobis traditum. *Nec Aue ei dixeritis*, Ioannes ait, *nec recipiatis in domum vestram*. Et Christus ipse: *Attendite vobis à falsis Prophetis*. Et: *Si Ecclesiam non audierit, sit tibi Ethnicus & Publicanus*. Quid, quod nec ipsi Iudæi, libertatem religionis permittere sine scelere potuerunt? Iubentur enim in Deutoronomio,

Ephes: 4.

Apoc: 2.

Galat: 5.

Rom: 16.

Galat: 1.

2. Ioan: 7.

Marth: 7.

Marth: 12.

M

occi

Deut: 17.
Deut: 18.

Euseb: li. 3.
de vita Cō-
stantini.
cap: 62. &
63.

occidi ex sententia Iudicis, qui non obediunt Sacerdoti, & falsi Prophetæ exterminari. An forsan vilior abiectiorq; Ecclesia est Synagoga, vt libertas religionis in illa nō fuerit licita, in hac omnibus cōcedatur, facultate quadam, seu potius licentia permessa, omnia sacra polluendi & violandi? Indigna sanè res, & minimè ferenda, vt hæc tam absurda cogitatio, cuiquam Christiano in mentem veniat. Intellexere hæc olim optimi quiq; Principes Christiani, & cognouere hoc, Diuinas literas, adeoq; officij munerisq; ipsorum rationem ab ipsis flagitare, vt ne religionis vllam libertatem permitterent. Quare primus Christianorum Imperator Constantinus, cum in Edicto plurima de hæretum incommodis differuisset, & hæreses vanitatem mendacijs intricatam, turpia malitiæ studia, venenata pharmaca, quibus sani ad infirmitatem, viuentes verò ad perpetuam mortem abducantur, alijsq; vocabulis nuncupauisset; concludens tamen: *Quid igitur?* inquit, *patiētur nē huiusmodi maiorum, contagionem longius serpere? præsertim cum longa dilatio faciat, vt sani ac valentes, ea tanquam pestifero morbo inficiantur? Cur igitur non cum maxima celeritate eiusmodi prauitatis, vt ita dicam, radices, animaduersione & pœna publica amputamus? Atq; quo ista vestra pestis pernicies longius grassari impediatur, per hanc legem mandamus, ne quis Vestrum posthac conuentus cogere audeat. Et propterea etiam iubemus, vt vniuersæ ades vestre, in quibus congressus illos celebrare consueuistis, penitus euer-*

141157

rantur: & hac cautio eo vim suam porrigat, vt non modo non in publicis, sed ne in priuatis quidem edificijs, aut in locis vllis separatis, huius vestre superstitionis amentia factiones cōeant. Hunc secutus Theodosius, eandem prorsus sustulit credendi libertatem, ac iussit omnes credere eo modo, quo Romanus Pontifex docet esse credendum. Eiusdem quoq; vestigijs insistens Martianus, seuerè prohibet, ne quis ea, quæ sunt in Concilijs Episcoporum definita, reuoluat, aut de ijs publicè disputare præsumat. Idem, & Valentinianus Iunior, Casimirus Magnus, Alexander, Sigismundus I. alij, cum laude obseruauerunt. Patres autem nusquam non hæreticos deuitandos, ac ne sinendos quidem tradunt. D. Irenæus contra Valentem scribens, postquam omnem cum iisdem consuetudinem improbauisset, id se ab Apostolis accepisse testatur. *Tantum, inquit, Apostoli, & horum discipuli, habuerunt timorem, vt neq; verbo tenus communicarent alicui eorum, qui adultauerant veritatem.* Sanctus autem Cyprianus: *Declinent, inquit, fortiter, & euitent, dilectissimi fratres nostri, verba & colloquia eorum, quorum sermo vt cancer serpit.* Et infra: *Nulla cum talibus commercia, nulla conuiuia, nulla colloquia misceantur, simusq; ab eis tam separati, quàm sunt ab Ecclesia profugi.* D. Antonius nunquam, inquit Athanasius, *Manicheis, aut alijs hæreticis, amicitia verba largitus est, denunciāns talium amicitiam, atq; sermones, perditionem esse animæ.* Sic etiam Arrianos detestabatur, vt omnibus diceret, nec iuxta eos quidem

L. Cunctos
populos.
C. de sum-
ma Trinit:
& fid: Ca-
thol.
C. Eodem.
l. Nemo.

Lib: 3. c. 3.

Lib: 1. Ep: 3.

In vita An-
ton.

esse accedendum. Et ipse Antonius iam moriturus : *Hereticorum*, inquit, & *Schismaticorum*, *venenata vitate, meumq; circa eos odium sectamini. Scitis ipsi, quod nullus mihi, ne pacificus quidem, sermo cum eis fuerit.* Hieronymus illud Pauli ad Galat: exponens: *Modicum fermentum totam massam corrumpit; Igitur, inquit, scintilla statim ut apparuerit, extinguenda est, & fermentum à massa vicinia semouendum, secunda putrida carnes, & scabiosum animal à caulis ovium repellendum, ne tota domus, massa, corpus, & pecora, ardeant, corrumpantur, putrescant, intereant: Arius una scintilla fuit: sed quia non statim oppressa est, totum orbem eius flamma populata est.* Augustinus, ut vitandum hæreticum non ambigit, *ne infirmos, ac paruulos fallat; ita non abnuimus*, inquit, *modus, quibus possumus corrigendum.* Et in libris Retractationum, reuocat, quod aliquando senserat, non esse vi cogendos hæreticos ad fidem; & pluribus id fore utilissimum ostendit. Et ne omnes recenscam ordine, idem de religione alia à Catholica non permit tenda, Athanasius, Optatus, Leo, Gregorius, Bernardus, alij, scripsere. Quid? quod non perfidiam modò hæreticorum (religionem enim pudet dicere) non putauerint permittendam, ipsosq; hæreticos impunitos relinqui oportere; sed ne libros quidem ipsorum extare voluerint, ipsos Apostolos imitati, qui libros curiosos & vanos inflammârunt. Hinc Concilij Nicæni Patres, Arii libros igni adiudicârunt; & Con-

Galat: 5.
Hieron: in
cap: 5. ad
Galat.

Epist: 61.

Lib: 2. c. 5.
& Ep: 48.
& 50.

Apol: 2.
Lib 3. con:
Parmen. E-
pist: 91.
ad Turib:
cap: 1. Lit:
Ep: 72. Ser:
66. in Cât.

A&: 19.
Nicephor:
lib: 8. c. 18.

& Constantinus, pœna capitis proposita, si quis eosdem occultauisset, iudicium suo Decreto roborauit. Epiphanius, Synodo in Cypro coacta, vetuit libros Origenis legi. Synodus Carthag: IV. ijs, qui Episcopi non fuerint, interdicit hæreticorum librorum lectione. Ephesinum Concilium, Nestorij libros vetuit. Theodosius Imperator, vetitos exuri iussit. Idem de Eutychetis scriptis censuit Synodus Chalced: Valentinianusq; & Martianus, decreuerunt. Idem deniq; & Concilium V. & Iustinianus Imperator, de libris Anthymi statuere; alij Patres, aliâq; Synodi, de alijs, quas breuitatis gratia prætermitto. Hæ tamen omnes, siue Synodi, siue Patres, siue deniq; Imperatores, satis indicant, hunc, quem narras, liberum religionis cultum, nullum apud Christianos locum habere debere. Et sanè recta id ipsum suadet ratio. Est enim credendi, ut libet libertas, ipsius religionis Christianæ certissima perniciēs. Nam cum vna fides sit, vnaq; , quæ eandem tenet, Ecclesia: hæc credendi licentia facit, ut in varias partes distrahatur, ac discerpatur; & ut verbo dicam, ut fides, ipsaq; Ecclesia, penitus intereat. Quod olim intelligens Iulianus Apostata, acerbissimus Christiani nomini hostis, hæreticis, ut Augustinus loquitur, libertatem perditionis permisit, & tunc basilicas hæreticis reddidit, quando templa dæmonijs: eo modo putans Christianum nomen posse perire de terris, si vnitati Ecclesiæ, de qua lapsus fuerat, inuideret, &

Socr: lib: 1.
c. 6. & Ni-
ceph: lib: 8.
cap: 25.
Socr: l. 6. c.
9. Can: 16.

Liberatus.
c. 10. Breu.
L. Damna-
to. C. de
hæret.
Actio: 3.
L. Quicun-
que. 5. Nul-
li. & 5. O-
mnes. C. de
hæret.
Novellæ
Constit: 42
Const: 42

Lib: 4. E-
pist: 32.

Epist: 166.

Luc: 11.

Vide li-
bellum Il-
lustriss: D.
Stanislai
Karnikow-
ski, Archi-
episcopi
Gnesnen:
con: Con-
fœderati-
onem, sa-
pientissi-
mis refer-
tum ratio-
nibus, &
documen-
tis.
Ephes: 4.

facrilegas dissensiones liberas esse permetteret. Ac nō religioni solūm est hæc licentia pestifera, sed & ipsi statui ciuili pernitiōsa, paciꝑ; publicæ inprimis ini- mica. Vt enim D. Gregorius dicit: *Reipubl: ciuilis incolumitas ex Ecclesia pace pendet. Et ubi seruatur fi- des Deo, ibidem & Principi semel data, non facillè vio- latur, aut frangitur: nam ipsa religio vera atq; synce- ra, hoc docet, hoc exigit.* Accedit etiam, quod discre- pantes de religione sententiæ, animorum quoq; & voluntatum dissensiones pariant, ex quibus conten- tiones, rixas, bella, sequi necesse est, & ad extremum ipsarum Prouinciarum, in quibus ea vigent, interi- tum. *Omne enim Regnum in se diuisum, desolabitur.* Et experientia nostri temporis, adeo hoc manifestè ostendit in Gallia, Germania, Anglia; vt superuaca- neum videatur in eo demonstrando elaborare. Sed nec solūm ipsi Reipublicæ, sed singulis etiam ciui- bus est exitiosa hæc credendi licentia: nam libertas credendi, nihil aliud est quàm libertas errandi; & quidem errandi in re omnium periculosissima; vt- potè, ex qua vniuscuiusq; pendet salus, & sequitur interitus. Vna enim sola vera fides est, vt Paulus ait, à qua qui potestatem facit, vt quis impune discedat, quid aliud agit, quàm vt homini viā ad inferos pate- faciat? Et sanè, sicut nec ouibus salutare fuerit, si pastoris cura liberentur, adeoꝑ; iisdem concedatur, vt in præcipitem locum se committant; nec naui conducibile, vt amoto gubernaculo, in alto fluitās, aduersis

aduersis tempestatibus iactetur: ita neq; Christianis prodesse poterit licentia illa, qua à veritate aberran- di illis integra sit potestas; & ea facultas conceditur, qua sibi perniciem concilient sempiternam. Pasto- res autem Episcopos, siue vi, siue fraude, siue deniq; pollicitationibus eò adigere, vt iureiurando confir- ment se nullam curam ouium suarum habituros, quin potiùs daturos operam, vt in, quasuis hæreses etiam immanissimas, præcipites ruant, non modò impium, Christiꝑ; præceptis aduersum, (qui eodē iussit oues pascere, non prodere,) verū metiam in- humanum prorsus ac barbarum est. Vt meritò Se- niores illos, qui nuper in Cōuocatione, partim mi- nis, partim precibus, partim pollicitationibus, mise- ros ad Confoederationi subscribendum adegerunt: pudere sui debeat, præsertim Catholicos, qui Religi- onem integram, atq; puram, omni priuata amicitia antiquiorem, ac chariorem, habendam esse, à suis Maioribus, & Iagellone inprimis religiosissimo Principe, discere potuissent. Quos sanè æquius fuif- set illud cum animis suis cogitare; multò esse præ- clarius; veteres illos heroas imitari, qui leges gra- uissimas contra hæreticos condiderunt, & foedus cū socijs inierunt de iisdem profligandis, quàm ab illis desciscere, & ad nouos ritus, vel deflectere, vel inau- ditam Maioribus, imò exosam perfidiam cum Iulia- no Apostata promouere. Atq; vtinam Senatoribus istis, quod de Arcadio Imperatore, & Chrysostomo, de re

Lib : 13.
hif. c. 5.

de re haud dissimili, cum Gaina Gotho Ariano differentibus, Nicephorus Calixtus memorat, venisset in mentem: *Hic*, inquit Nicephorus, ab antesignanis hæresis persuasus, sacram unam adem, consentientibus sibi in religione Sacerdotibus, ab Imperatore postulauit. Imperator inconstantiam animi eius metuens, tyrannidemq, quæ ab eo expectabatur, suspectam habens; deliberaturum se, eiq, consulturum esse recepit. Et Ioanni Chrysostomo accito, petitionem barbari indicauit. Diuinus autem vir, nō passus est ea verba ad exitum peruenire, neq, tempori cessit; sed Episcopis, qui tum Constantinopoli aderant, secum ductis, Regiam Imperatoris ingressus est. Et per seipsum primum, magno animo apud Imperatorem, causam egit: Ne sic, inquiens, o Imperator, te facturum esse pollicearis; neq, ita sanctum canibus proijcere constitueris. Ego enim non sustinebo, ut qui rectè de Deo sentiunt, eijciantur: atq, eis sacrum delubrum, qui blasphemiam aduersus eum linguam cient, concedatur. Neq, barbarum illum tinearis: verum utroq, euocato, tu quidem tacitus, animum ad ea, quæ dicentur, aduerte: ego autem linguam illius frenabo, & persuadebo, ut minimè ille petat, quæ dare non conuenit. Imperator verbis his delectatus, utrumq, ad se accersit. Et Gainas ad finem perducì, quæ ei promissa erant, petijt. Ioannes autem illi resistens: Non oportet, inquit, Principem, quicquam contra Deum audere; si quidem vera pietas illi curæ est: sed potiùs benè constitutas leges seruare, & eam potissimum, quæ contra hæreses

alias

alias promulgata est. Suasitq, adeo Imperatori, conducibilibus esse dictitans, ut imperio potiùs cederet, quàm per impietatem adem Dei proderet. Atq, sermonem ad Gainam rursum conuertens, oportere se Ecclesiam unam habere dicentem: Omnes tibi, inquit, sacra ædes patent. His Chrysostomus & Imperatorem ita confirmauit, ut templum denegarit Gainæ, & Gainæ silentium imposuit. Vtinam, inquam, hoc præclarum & Imperatoris, & Episcopi factum, istis in mentem venisset. Non ita facile fortassis, non vnā adem, sed quantumquidem in ipsis est, omnes ædes hæreticis prodidissent: quin potiùs conducibilis sibi persuasissent, imperio, seu potiùs officio Senatoris cedere: nec nouas leges pro hæreticis sanciuissent, sed, ut Chrysostomus loquitur, bene constitutas, & maximè eas, quæ contra hæreses olim promulgatæ sunt, studiosè, diligenterq, seruauissent, nec quicquam contra Deum, diuinumq, honorem, honoris proprii nimium fortassis cupidi, fuissent ausi. Sed heu, quo iustitiæ fides recessit, (libet enim vsurpare verba illa, quibus Constantinus Magnus olim apud Ecclesiam Alexandrinam visus est) cum tantarum tenebrarum caligine inuoluimur? Neq, id tam ex errore, qui multiplex est, quàm malignorum hominum vitijs, dum & propugnatores recordia sustinemus; & eos, qui equitatem & veritatem profligant, etiam cum id sensibus nostris percipiamus, negligendos putamus. Quodnam id genus peruersitatis? inimicos

N

non re-

Athanasii
ApoT: 2.

non reprehendimus, sed latrocinio nos comites damus: Unde fit, ut viam quandam sibi facillimè strauerit, nemine repugnante, perniciosissima fraus. Dei lege, & bono ingenio instructi, toleramus tamen inimicos,urbationum & tumultuum facibus, quasi incendia miscere; idq; neq; oculis præditi cernimus, neq; legis sententia imbuti sentimus. Quantus igitur stupor nostram vitam incescit, cum nostrimet tam incurij simus, etiam Deo admonente. Quid igitur? num id mediocrè aut tolerabile malum est? Num pro hostibus habendi sunt? Nonne in domum & populum Dei ante oculos nostros, per seuitiam debacchantur, & probra faciunt scelerati illi? Iam quanta id cum vesania faciant ipsi, vobis cogitandum relinquo. Stulti enim illi in lingua sua, sitam habent malitiam, plumbeasq; iras ita secum circumferunt, ut seipsos mutuis vicibus feriant, & nos secum ad aeternum sui supplicij abstrahant. Interim, qui recta docet, hostis indicatur: qui autem inuidia vitium praefert, populum mansuetum, quod minimè oportuit, inuadit, vastat, absomit, & seipsum ultro corrumpit, gloriatur, extollit, veritatem subuertit, & fidem circumuenit: donec sua conscientiae cauernas & latibula quaritando inueniat. Ferocitas igitur agrestis eos miseros facit, qui ita temerè seipsos, cum indigni sint, efferant inclamando: Heu scelera, illenè presbyter est? illenè puer? mea existimatio attingitur, mihi hoc ipsum debetur, ab illo ablatum est. Ego igitur omnibus spoliatis, pro Viribus nocebo. Luculentum insania tumultum di-

cas, si

cas, siacies, cenciliabula, aut conuitia istorum importunissimorum conuentuum videas. O nostram in Ecclesiam Dei peruersitatem! spectaculum maligni & dementis animi. Nunquamne tandem pudefient? Nunquamne semetipsi improbabunt? Nunquam in animo morsus sentient, ut vel nunc saltem contra imposturam, & rixas, dignum aliquid animo concipiant, & sentire videantur? Hæc Constantinus ille Magnus, & cū Constantino vnà ego, tum horum temporum, tum istorum hominum deplorans infelicitatem. Sed nunc ad te, calumniator, redeo. Cū nulla vobis possit concedi credendi libertas, ac proinde nec eos sequi possitis, qui vobis formam fidei, contrariam ei, quam Catholica tradit Ecclesia, docent; nullas ministris vestris Decimas vendicare potestis, maxime quod non ipsorum gratia, sed Sacerdotum Catholicorum causa sint instituta, ut ex legibus ac Priuilegijs iam liquet, ac ex omnium Ecclesiarum, Monasteriorum, ac Xenodochiorum, foundationibus ostendi potest. Ac ne ministris modò, sed neq; secularis Ordinis hominibus, eas largiri iure potestis, eamq; dare licentiā, ut à sibi subiectis Decimas exigant; vtcunq; tu hoc loco bellè dictites: [Ius plenus in suum habent fundum, quam, vos in alienum.] Decimas enim ex fundo alieno Diuinæ & humanæ leges, ut iam ostendimus, Clericis perfolui iubent, non autem laicis eas adiudicant, etiamsi Sacerdotum sibi munia ipsi vendicent. Neq; enim hæc ijs licet

N 2

obire;

obire; vt non iam ijs laborum stipendia, sed audaciæ poenæ debeantur. Vt de hoc quoq; secularium abusu, Ordo Ecclesiasticus iure queratur. Nec tua illa excusatio locum habet: [Quid si Doctores vestros redarguant, & ipsi doctrina tanquam veri patres familiās, suæ discant præesse familiæ, quis hæc improbauerit?] quasi verò ouēs pastores suos redarguere debeant, aut seculares docendi munus suscipere. Familiam suam possunt, adeoq; debent Christiani ad omnem virtutem instituere, Conciones tamen communi Christianorum sensui, atq; sententiæ repugnantes, ex nescio quorū delirantium hausas Postillis prælegere familiaribus, & impium est, & absurdum.

C A P V T XI.

Iudices Tribunalis, iuste & sapienter decreuisse, Decimas more Maiorum dependendas, tam retentas, quàm in posterum persolueudas, postquam in Comitij's compositioni assignatis, nulla facta fuerit compositio.

ATq; hætenus de Decimis insulse, ac non modò Diuinis, sed nec Regni legibus, rectæq; rationi consentaneè differuisti. Nunc quoniam Ordinis Ecclesiastici causam, Illustrissimus Cardinalis Bolognetus, perpetua dignus memoria, in Comitij's, & sanctè & sapienter egit, ipsum quoq; tibi vexandum sumis. Illud enim te malè habet, quòd executionē Decretorum Tribunalis Regni, quibus Decimarū solutio

solutio imperatur, tã diu suspendi quiritet: sed quòd faciendum tibi erat, rationes eius efficacissimas minimè refellis. Illud enim solùm quæris, num Iudices Tribunalis in tam graui, ac necdum definito negotio aliquid statuere debuerint? quasi verò negotium Decimarum nondum definitum sit, cùm ex Diuinis literis, Regniq; legibus, clarum & testatum sit, Decimas Ordini Ecclesiastico deberi, & ex Historijs constet, omniq; antiquitate absq; vlla cōtrouersia perpetuò fuisse persolutas: quasi etiam causa Decimarum ita sit noua, vt sine Tribunalis iudicij definitione, iustissimam æquissimamq; esse, non sit manifestum, aut ita dubia & ambigua, vt ad compositionem reijci debuerit. Imò nec Tribunali, calumniator, fas fuit, postquam prima Comitia præterierant, compositioni assignata, aliud statuere; sed necessariò pronuntiandum illi fuit, eos Decimas dependere oportere, qui easdem sibi iniuria vendicauissent. Suspensio enim executionis sententiæ Tribunalis, ad proxima solùm Comitia facta fuit. Et hoc tum ex verbis ipsis Decreti, tum ex ipsa ratione liquet. Verba sunt: *Executionem verò Decreti, ad alterum Conuentum suspendimus*; quæ proximum Conuentum significare, Cardinalis Bolognetus planè demonstrat. Et ratio id ipsum suadet. Nam aliqui absurdissimum Decretum foret, si incertum cōpositionis tempus relinqueretur: & tamen, nisi finita compositione, ea quæ de Decimis est, controuersia finire

sia finiri non possit. Hoc enim ex eo sequeretur, quod cum cōpositio ipsa illorum, qui Decimas debent, consensum & voluntatem necessario requirāt; possent ipsi dissentiendo efficere, ne vnquam finiretur suspensio; & vt perpetuum hoc esset impedimētum, ne Decimæ Ecclesijs amplius soluerētur. Quo quid alienius, quid absurdius excogitari potest? Quid enim aliud esset, debitorum arbitrio committere rei debitæ solutionem, quàm peruicacibus hominibus, & solutionem iustissimam, detrectantibus, Decreto publico suffragari, quàm rapinas fouere, quàm legibus imponere, & totius Polonici iuris auctoritatem, per summam fraudē & iniuriam infringere, ac labefactare. Quæ cum ita sint, peractis prius Comitijs, Decretorum de Decimis persoluendis fieri debuit executio: [At, *inquis*, si per legem licuit tempus differre compositionis; cur etiam per legem non licuit tempus differre suspensionis, cum causa principalis nondum sublata fuerit?] Per quam legem, ô bone, licuit tempus differre compositionis? hanc tu legem proferre debebas. Ea sanè nulla est, ac nec esse quidem potuit, Clero vniuerso reclamante, ac illud testante, quando quidem compositio nulla fiebat, se non iam compositionem, sed executionem, Decretorum Tribunalis velle. Lex enim à parte Senatus, in alterius partis præiudicium ferri non potest, nec ea censetur valida in Polonia sanctio, quæ omnium Ordinum consensione roboretur. Atqui hæc,

hæc, quam dicis, lex, sola Secularium, nec omnium, eorumq; debitorum voluntate & arbitrio lata est. Ac proinde non lex, sed legis de Decimis persoluedis ritè lata euersio fuit. Accedit etiam, quod Clerus, qui eo tempore compositionem exoptabat, eadem non de futuris, sed de præteritis fieri voluerit. Quod & ipsum compositionis vocabulum, quo usus est, indicat. Nec enim compositio leges tollit, sed modum statuit, quo possint ij, qui aduersus legem præscripta peccârunt, vtriusq; Ordinis consensione, facere iisdem satis. Quod autem causam principale sublata non fuisse dicis, benè habet. Sed cuius culpa id accidit? Ecclesiasticorumnè qui compositionem percupiebant, an vestra, qui varijs artibus compositionem post multas cōcertationes elusistis? Nec verum est quod subiungis, Ecclesiasticos non ante multos annos æquissimas pacis condiciones reiecis- se; fuerunt enim eæ iniquissimæ. Et ne omnes commemorem, illa vna fuit, vel teipso teste, vt Decimæ Sacerdotibus subtraherentur, & ministris sathanæ persoluerentur. Quo nihil potuit iniquius, nihil iniustius excogitari. Nec illud minus est falsum, quod annectis, Clerum nullas velle pacis componendæ rationes, nisi pro libito recipere. Clerus enim non ex proprio arbitrio, sed ex vetustissimis & æquissimis Regni legibus, pacis condiciones desumi postulat. Quibus si vos obtemperaueritis, iam pax æterna, concordiaq; stabilietur. Leges autem Regni quid postulant

postulant aliud, quàm vt Decimæ solvantur, ijsque dependantur, quibus multorum iam annorum spatium, per summam iniuriam subtractæ sunt? Atque hoc solum Ordo flagitet Ecclesiasticus. Quæ sanè ipsorum petitio, nec inutilis, nec perniciofa, vt tu calumniaris, existit. Nec enim parum illud commodi habet, ac multò minùs exitiosum esse potest, quod iustitiæ & æquitatis perscribit ratio. Ac videras tu, opinor, vtcunq; decantes aliud, hæc ita se habere, & proinde, quod rationibus à iure petitis non potes efficere, partim commemoratione quadam [felicitatis Cleri, Ecclesiarum censibus ac immunitatibus florentium, Abbatiarum, Collegiorum, splendidè extructorum, partim hortatione nescio qua, qua non decere seruos Dei, *inquis*, opibus huius seculi tantopere inhiare, & populum tributis & pensionibus onerare: præsertim cum Episcopi & Abbates abundant, qui proinde possint, & debeant Parochos tenuiores sustentare, cum tam vberes census cesserint vni Ecclesiæ, non propter solius Episcopi, vel Abbatis personam, sed ad plurimum, imò & totius Dioeceseos commoditatem.] Ac tu quidem hæc omnia. Cæterùm, felicitas non est tanta, quam narras: Immunitates enim iam propemodum interiere, Ecclesiæ censibus, sublati Decimis, non florent; Abbatia, coenobia & Collegia, splendidè quidem illa extructa sunt, ruitura tamen breui, si Decimas ipsis instaurandis necessarias, vobis per summam iniuriam vsurpetis. Quod autem non decere ais, seruos Dei inhiare opibus huius seculi, bene habet. Decimæ non sunt opes huius seculi, sed Ecclesiæ, seu potius

potius Dei, & proinde easdem expetere iure possunt. Tributa, pensiones, à nullo exigunt, sed tantùm quod ad ipsos pertinet, & quidem iurè flagitant. Episcopi in Dioeceseos commoditatem (nam de Abbatibus secus habet: bona enim quæ possident, ipsis sunt attributa, vt se, atq; Monachos, hominesq; egentes sustentent) fateor, has opes acceperunt, vt videlicet Diocesim ipsam gubernet, eiusdemq; rationes procurent. Cum tamen iam olim quadripartitam bonorum diuisionem fecerint, & Parochis Decimas dederint, (vt ex Cromero liquet:) nullo astringuntur iure, vt Parochis plura largiatur, præsertim cum hæc ipsis vix ad Põtificialem dignitatem tuendam, & Senatorium munus sustinendum sufficiant. Quare, vt hanc totam disputationem de Decimis, tandem aliquando finiam, nihil magis sacris literis, Regniq; legibus consentaneum, nihil rectæ rationi conducibilius feceritis, calumniator, quàm si Decimas, quibus iure debentur, dependeritis. In quo si nec duos, nec difficiles vos præbueritis, & opibus affluetis ipsi, & Clerici vitam in egestate, vt in præsentia, nequaquam degent. *Maiores enim nostri, vt cum Augustino concludam, ideo copijs omnibus abundabant; quia Deo Decimas dabant, & Casari censum reddebant: modò autem quia discessit deuotio Dei, accessit indictio fisci. Nolumus partiri cum Deo Decimas, modò autem totum tollitur.*

Homil. 48.
ex lib. 50.
Homil.

CAPVT XII.

Quartam Ecclesiastici Ordinis querimoniam, de Cleri contemptione & exactiōibus, iustissimam esse: Clerum autem ab omnibus exactiōibus, & expeditione bellica immunem esse, ex Regni legibus, & vetustissimis Priuilegijs constare.

SED de tertia Ecclesiastici Ordinis querimonia satis: nunc quarta sequitur, quam paucioribus expediam, quoniam tibi pro tua mansuetudine & lenitate paucis non argumentis (neq; enim vlla producis) sed conuijs & maledictis, eandem petere visum est. Ipsa autem querimonia tota in eo potissimum consistebat, quod prerogatiuis Cleri derogari; libertas, si non adimi, minui tamen omnis videretur. Ac ne sola esset, & proinde iniqua potius conquestio quam legitima querela haberetur, æquitatis eiusdem declaratio ac demonstratio, annexa fuit: quod videlicet Sacerdotibus iudicio, studioq; maiorum, ob rerum sacrarum curam & administrationem, debitus honor denegaretur, atque adeo vniuersus Ecclesiasticus Ordo iniurijs afficiatur, exactiōibus oneretur, & quodammodo exauctoretur. Quam tu querimoniam quod tantopere mireris, mirari equidem non possum satis: quod autem exagites atque vexes, miror omnino nihil, quoniam hoc tibi vt facias, cum suadet hæresis, tum innata quædam atq; insita impellit maledicen-

ledicentia. Miraris tamen maximè, & quodammodo obstupefcis: [Hic quæro, inquit, quam vobis tantam honoris vestri iacturam pati dicitis? Quis vestri Ordinis tantus contemptus? Quanam vobis illata iniuriæ? Quæ nouæ & inusitata exactiōes impositæ?] Ac ne sine causa mirari videaris, aspexisse te affirmas in publicis Regni Comitijs, Pontifices latus vtrumque Regis cingere; à primarijs Senatoribus honorificè salutari, ac ne in conuijs quidem alio, quam primo loco considerare; cæteros deniq; Clericos, pro suo quosque gradu venerationem habere. Denique quod de exactiōibus querantur, miraris; cum saluis Ecclesiasticorum censibus, subditi eorum tantum, aliquid in sumptus belli Moscouitici, Decreto Reipublicæ, dependerint. Galli autem, Itali, & Veneti nominatim, ne sacris quidem redditibus in bello contra Turcas, quamuis Pontifice rem indignè ferente, pepercerint. Sed non est, quod hæc omnia, calumniator, quæ Clerus queritur, ita mirere. Sunt enim talia, vt verissima esse constet. Nam clerum eo honore non affici, qui olim illi, iureque optimo, tribuebatur, quis est qui possit ire inficias? An nunquam ludibrio esse Sacerdotes, & despectui turpissimo cuiq;, & inprimis tui similibus hæreticis vidisti? An nunquam in compitis, in aulis, in diuersorijs, conuicijs onerari? An nunquam in libris tuorum riuialium, probis omnibus & maledictis vexari? Imò nonne tu ipse, qui ita Cleri querimoniam demiraris, in hoc tuo pestilenti libello,

libello, innumeris verborum contumelijs, vniuersum Ecclesiasticum Ordinem laceras? An denique eâ, qua olim Sacerdotes reuerentia & honore dignamini? Conscientiam tuam, calumniator, hic ego testem appello. Quod autem vidisse te affirmas, Pontifices vtrumq; Regis latus cingere, adeoq; in conuiuijs primos considerare, non inficior. Et hic sanè illis debetur, ob dignitatem qua cæteros antecedunt, honos, & ipsa Regni Statuta eundem illis & meritò concedunt. Ab eo tamen deiicerentur illico, nisi ea essent potentia, vt facilè dignitatem ac locum tueri suum, contra quorundam iniurias & insolentiam, possent. Nec ita multum temporis est, quod Sigism: Aug: Rege, aliqui Pontificibus de hac ipsorum prærogatiua litem mouerint: & nuper Archiep: Gnesnē: quidā permolestè tulerunt, tam excelsum dignitatis gradū obtinere. De iniurijs, quæ Clero inferuntur, vbi & de iurisdictione Ecclesiastica imminuta, & Decimis per summiā iniuriam Clero ademptis disseruimus, nonnulla cōmemorauimus, & infra quoq; dicendi locus erit. Quod verò ad exactiones attinet, nec minus iustè de ijs queruntur Ecclesiastici, quàm tu iniustè miraris? Quid enim? An tibi nulla iniuria videtur, quòd ijs subiecti ex bonis suis militibus stipendia pendant? Aut ij ab exactionibus immunes dici queunt, quorum subiecti ad exactiones astringuntur? An non bona subiectorum, ipsorum Ecclesiasticorum bona sunt?

Quomo-

Herbor:
p. 240.

Quomodo ergo Ecclesiastici à tributis liberi sunt censendi? Næ tu, qui hæc miraris, aut admodum es malitiosus, & veterator, qui ita omnia implicas & inuoluis; aut stupidus planè atque bardus, qui bona subiectorum à Dominorum bonis tam imperitè discernis. Vt interim iniuriam agnoscas, & Cleri querimonix æquitatem, lege, si lubet, Statuta; & Ordinem Ecclesiasticum prorsus à tributis immunem, inuenies, adeò vt non ipsi solùm, sed nec ijs subiecti ad eadem pendenda, lege vlla aut sanctione, compellantur: si autem aliquando dependerint, id, vt Regi gratificarentur, & Regno subuenirent, sua sponte eos egisse, ac pro eo solùm tempore atque vice, legum volumina apertè demonstrant. Testatur id Statutum quod Sigism. anno 1527. edidit. *Et quoniam, inquit, spirituales in omnibus Palatinatibus, & districtionibus habent sua bona Ecclesiastica, que licet nunquam aliàs subiecta erant oneri bellicæ seruitutis: Ut quæ per Serenissimos Prædecessores nostros Polonia Reges, & Duces, sunt ab initio foundationis Ecclesiarum, ad usum duntaxat & onera Ecclesie collata, multisq; immunitatibus & libertatibus donata: tamen in presenti Regni necessitate, & summo discrimine, Volentes ipsi Domini Spirituales, sibi & Ecclesijs suis, gratiam nostram demereri, fratribus verò suis Dominis Secularibus gratificari, Reipublicæ (pro cuius bono statu orare tenentur) ope sua non deesse: permiserunt non grauati bona sua Ecclesiastica, hactenus semper libera,*

Sigismundus Cracouiæ, 1527.

libera, cum his, quæ ad defensionem obligata sunt, in præsens taxari. Testatur & illud, quod Petricouizæ sancivit, Anno 1544. Quod ipsum, inquit, Ulro se facturos Spirituales obtulerunt, una cum Clero suo, de expeditione bellica agitur. Testantur denique innumera priuilegia vetustissima, quæ in Bibliothecis Ecclesiarum antiquissimarum etiamnum asseruantur. Tale illud est Vladislai Pij, Poloniæ Ducis. Barones, inquit, & Nobiles purè diligam, & benignè conseruabo. Iudicia iniusta penitus interdico, iura iusta & honesta, secundum Episcoporum & Baronum consilium tenebo, & faciam ea ab alijs firmiter teneri. Quod si quis violauerit, punietur. Ecclesias Verò, in omnibus finibus illis constitutas, in eo quicquid obtentum est, ex antiqua consuetudine, vel libertate concessa, à fratre meo Duce Lescone præmortuo, illibatas conseruare volo. Et illud, quod eodem anno edidit: Ego Vladislavus Dux Polonia, pro remedio animæ meæ, & in augmentum retributionis æternæ, Ecclesiam Dei honorandam & decorandam, priuilegijs meis deuotè prælegi: animaduertens in illius honore ac libertate, potissimè ipsius Altissimi Filium, per quem Reges regnant, qui ipsius Verus sponsus est, honorari, ut ab ipso merear suffultus Ecclesie suffragijs, ac honore temporali crescere, & æternè gaudere, qui temporalia munera sibi dulciter impensa, retributione compensat æterna. Cuius licet sunt omnia, à nobis tamen sua propria dignatur recipere, quasi nostra. Vnde dico cum Davide Rege: Omnia

Sigismund:
Petricou:
1544.

1228.

An: 1228.

Omnia tua sunt Domine, & quæ de manu tua recipimus, dedimus tibi. Et etiam, Domine dilexi decorem domus tuæ, &c. Cupiens grauamina Ecclesiasticarum personarum hactenus inoluta relaxare, & solatium principali munificentia piè largiri. Inde est, quod Ecclesia Dei liberaliter & libenter consero Canonicam libertatem, liberans eam ab omnibus grauaminibus, & exactionibus indebitis, &c. Iura etiam Cracou: Ecclesia specialia, & domorum religiosarum in Cracou: Diœcesi constitutarum, siue largitione principum, siue aliàs longa consuetudine obtenta, illibata conseruabo. Nec dissimilia sunt Boleslai Pudici, Cracou: & Sendomir: Ducis diplomata, in quibus præter alias libertates & exemptiones à quibusuis oneribus, solutionibus, iudicijs, Clerum vniuersum ab omni expeditione bellica, per se, vel per alium suscipienda liberat perpetuò. Venceslai item Regis Boemiæ, Cracou: & Sendomir: Ducis. Illud Præmissi item Ducis Poloniæ: Prædecessorum, inquit, nostrorum pios actus, prout possumus, imitantes, inprimis libertates ab eis concessas Ecclesie Gnesnensi, approbando, iure perpetuo confirmamus; omnes incolas ipsius Ecclesie, ab omnibus angarijs, & præangarijs absoluendo, videlicet ab omni solutione, exactione, seruitute, ac iurisdictione seu dominio totaliter liberantes. Eiusdem quoque generis & illud Casimiri Magni: Absoluimus gratiosè ab omnibus solutionibus, exactionibus. Simile quoque & illud Semouiti Ducis Masouiae: Li-

In Priuil:
Ecc: Crac:
concesso,
1252. &
1258.

An: 1291.
Dat: in
Glolinna,
1284.

In Priuil:
concesso
Ecc: Gne-
snen Crac:
1337

Dat: Vo-
rodinæ,
1361.

In Priuil:
de statio-
nibus an-
te Oppidū
Zakroczin

uix: *Liberamus ab omnibus exactiōibus, seu Po-
radine, ab expeditionibus quibuscumque, intra & extra
terram.* Talia denique & illa sunt Vladislai Iagello-
nis, quo testatur Archiepiscopum Gnesnensem, &
Episcopum Cracouiensem, vnum Baniecum, seu
vexillum expediuisse, non ex debito, sed amore pa-
triæ: & Casimiri Vladislai filij, quo à Clero Pro-
uinciæ Gnesnensis, ex mera liberalitate subsidium
charitativum, (ita enim loquitur) aduersus Cru-
ciferos concessum fuisse scribit: aliaq; innumera,
quæ in Archiuio Regio asservantur, quæ, ne longus
sim, prætermitto. Quæ omnia tanti fuere momen-
ti, atque ponderis, apud Maiores nostros religiosissi-
mos, vt nullo vnquam tempore, Reges etiam cum
acerbissimis & grauissimis bellis Silesiorum, Boe-
morum, Ruthenorum, Prussorum, Germano-
rum, Valachorum, Scytharumque, Polonia diue-
xaretur, Ecclesiastici Ordinis homines, ad expedi-
tionem suscipiendam compulerint: illud, opinor,
veriti, ne minus feliciter pugnarent, si eos, qui De-
um sacrificijs & precibus placare ex officio debe-
rent, ad sanguinem spargendum, atque cædes coë-
gissent: aliorum Regnorum moniti exemplo, & vi-
cinæ inprimis Hungariæ, in qua, vt Bonfinus me-
morat, cum Episcopi in exercitu, iussu Regis, præ-
ter fas & æquum, cum aliis versarentur, tanta ho-
minum facta strages est; vt vniuersi propemodum
interierint. Atq; adeò locus, in quo eorundem se-
pulta ca-

Bonfin: in
hist: Hun.

pulta cadauera sunt, in Transyluania etiamnum
monstratur. I nunc, & illud dicito, calumniator, in-
iuriam Clero nullam fieri, si ipsis subiecti Cmeto-
nes, ex bonis suis tributa pendere compellantur.
Illud quoque affirmato Decreto Reipublicæ, Cle-
rum ad bella Moscouitica cogi posse. Habes vetu-
stissimas Regum sanctiones, Priuilegia certissima,
quæ contrarium assueverant, & proinde eiusmodi,
quæ Clero reclamante abrogari nulla ratione pos-
sint. His, si tu nulla subnixus auctoritate, nulla ra-
tione contradicere volueris, non tam responsione,
quàm reprehensione, dignus sapiētibus iure videbe-
ris. De Gallis & Venetis, quod affers, nihil moror.
Nam inprimis, illos iura Cleri ita infregisse, vt nar-
ras, & libertatem imminuisse, nullo ostendis testi-
monio: deinde, si ita per summam iniuriam fecisset,
non inde mox efficitur Polonis fas esse, ipsorum sce-
lus & iniustitiam imitari. Ordinis interim Eccle-
siastici, ea est æquitas & æquabilitas, vt nunquam
Reipublicæ laboranti deesse velint, vt nec hactenus
defuere. Vestri autem est muneris & officii, si mi-
nùs patriæ opitulari possint ob indigentiam, quam
in præsentia, subtractis Decimis, patiuntur, ipsorum
iura & Priuilegia, salua atq; integra, conserua-
re, aut si qui possint, eos more maiorum ro-
gare, vt bono communi, Reiquepublicæ
incolumitati consulant.

CAPVT XIII.

Quintam Ordinis Ecclesiastici querelam, de Ecclesiarum desolatione, ac vastitate, plebe sacris, & Sacramentis destituta, legitimam esse: Hereticos omni cultu Diuino & Sacramentis carere, denique inania esse, quæ Calumniator Catholicis obijcit.

Quintæ iam aggrediar querimoniam, calumniator, vexationem. Refutationem enim pudet dicere. In ea tamen quocumq; appellanda nomine fit, nã tu, si aliàs vnquam, Rhetorico vsus es artificio. Cùm enim queratur Clerus, quod Ecclesiæ desolentur, (vtar querimoniam verbis) in iisdemq; fiat abominatio; quod sepulchra Christianorum violentur: quod plebs sine Sacramento, & cultu Diuino viuat, & pecudum instar moriatur: quod thesauri Ecclesiæ & ornamenta distrahantur, & in vsus prophanos cõtra leges Regni conuertantur; quod fundi deniq; & census Ecclesijs adscripti, adimantur, tu vniuersa querimonia, dissimulata ferè, ac penè præterita, in cultum, quo Deum veneratur Ecclesia Catholica, inueheris, in Pontificem (quem non minus impudenter, quàm impiè, Antichristum nuncupas) in Traditiones, (quas Canone Scripturæ abrogato fingis substitutas) in Statuas Christi, ac Diuorum Imagines, [quas, ais, nos vt Ioues, Veneres, atque Martes venerari, idq; contra Patrum, Lactantij, Augustini, E-

lini, Epiphaniij, imò & ipsius Scripturæ auctoritatem, qua serpentem æneum contractum legimus:] illud autem solum, ad Cleri conquestionem, respondes; [vos imagines (quarum Clerus ne meminit quidẽ) tollere, ne idololatria occasionem præbeant, plebem rectius Sacramentis, cultuq; Diuino destitui, quàm falsis cæremonijs, & à fide Christiana alienis, pollui, ipsaq; Sacramenta pecudum more tumultuariè sumi, facius denique esse, vasa Ecclesiarum in vsus pauperum erogare, quàm ad idolorum cultum destinare, ipsosq; fundos egentibus tribuere, quàm idolorum Sacerdotibus, ociosis & ventrosis concedere.] Quod sanè non, est querimoniam refutare, sed Catholicam religionẽ, ipsumq; Clerum calumniari. Ego interim, ut ui similis videar, ostendam & verissima esse quæ Clerus obijcit, & à te iniuste reprehendi, quæ Ecclesia siue ad Dei cultum ac religionem, siue ad Templorum ornatum & splendorem adhibet, siue deniq; ad Cleri alimenta, hætenus à maioribus accepta retinet. Omnia comprehendam paucis. Quod primum igitur in querimonia fuit, Ecclesias profanari, & in iisdem abominationem desolationis fieri, sepulchraq; Christianorum violari, quis ambigat? qui supra Lxxx. templa Deo sacra, in Gnesnensi Diocesi; in Vladislauensi XC. in cæteris per vniuersam Poloniam non pauciora, partim vestro furore disiecta, partim deserta ob expulsos Sacerdotes Catholicos, (quod & tu ex volumine, in quo Ecclesiæ direptæ & dirutæ, descriptæ erant Stephano Re-

Vide Ar-
turi Faun-
tei, Oppu-
gnationes
Coenæ Lu-
theranæ &
Caluinia:
partis 1.
cap: 3. &
par: 2. c. 3.

Lib: 20.
contra
Faust. c. 17.

Lib: 20.
contra
Faust. c. 18.

gi oblato, discere potuisti) partim execrandis hæreticorum, Lutheranorum, Calvinianorum, Anabaptistarum, Picardorum, Arianorum, sacris contaminari auditione acceperit? quibus impijs cæremonijs, Ecclesias ipsas profanas fieri certissimum est. Quid enim aliud est hæreticorum mensa, quam in templo reponunt, quàm mensa dæmoniorum, ex qua profani ministri, minimè sacerdotes, non iam corpus Christi, sed execratum panem, & ipsi accipiunt, & populo rudiori distribuunt? Quid eorundem preces aliud, quàm fallaces ac impuræ blasphemiae? Quas enim puras ac simplices orationes, tanquam Diuinos honores & sacrificia habere poteritis, (vt vos iisdem verbis, quibus olim Augustinus Manichæos, alloquar) cùm de ipsa natura, atque substantia Diuina, (vos Ariani) de Eucharistia, de Baptismo, de Sacramentis cæteris, Lutherani & Calviniani) tanta indigna & turpia sentiat? Vnde, vestra etiam ad Deum preces non possunt esse religiosæ, sed inuidiosæ; vt cum eodem loquar Augustino. Quid sacrificia vestra aliud, nisi cultus caco-dæmoni tributus? *Manichæi enim*, inquit Augustinus, (addo & ego, ô Lutherani, Calviniani, Ariani, cæteri,) *nescientes quid dammandum sit in sacrificijs gentium, & quid intelligendum in sacrificijs Hebræorum, & quid tenendum vel obseruandum in sacrificio Christianorum, vanitatem suam sacrum offerunt diabolo, qui eos decepit, recedentes à fide, intendentes spiri-*
ritibus

ritibus seductoribus, & doctrinis demoniorum, in hypocrisi mendaciloquorum. Quid deniq; conciones hæresibus inspersæ aliud, quàm idololatria quædam? Neque enim ab idololatria distare hæreses, dubitare quis debet, *inquit Tertullianus*, cùm & auctoris, & operis eiusdem sint, cuius & idololatria, atq; hac sanelle de causa, à Patribus athei nuncupantur hæretici; ab Athanasio Arrius, à Hieronymo Eunomius, à Socrate Aëtius, ab alijs alij: quorum hæreses vos ipsos sequi, aliorumq; hæreticorum, *Cap: 1. demon-*
strauit. Iam verò alterum illud, quod in querimonia sequebatur, plebem sine Sacramentis & cultu Diuino viuere, & pecudum instar mori, quis non videat esse verissimum? Si enim de plebe hæretica loquamur, nemini dubium est, quin Deum rite non colat, vt iam ostendi; nemini etiam ambiguum est, eandem Sacramento Baptismi frequenter spoliari, (vt apud Anabaptistas accidit:) Sacramento autem Eucharistiæ, atq; cæteris, Ministrorum vestrorum scelerare omnino destitui. Quid enim? An non laici sunt Ministri vestri, qui cœnam illam, Domini scilicet, extruunt à nullo Episcopo per manuum impositionem sacris initiati, quod tamen Diuina litera requirunt; neminiq; succedentes, à seipsis ordinati, vt Cyprrianus loquitur: & proinde Ministri huiusmodi, qui nullam Eucharistiæ consecrandæ, à Christo potestatem acceperunt? cùm solis ille Apostolis, & ijs qui Apostolis legitimè succederent, Presbyteris di-

Li: de Præ-
script.
Sermon 12.
con: Aria.
Epist: ad
Pamach:
& Ocean.
Lib: 2. hist:
trip. cap: 8.

Act: 13.
1. Tim: 4.
Tit: 1.
Epist: ad
Magn.
Matt: 26.
Mar: 14.
Luc: 22.
2. Cor: 11.

Can: 8. re-
cepto à Cō
ci: Cartha:
VI. c. 9.

Dial: ad-
uer: Luci-
fer.

Apol: 2.
pro fuga
sua.
Syn: Alex:
Acta.
Socr: lib: 1
cap: 29.
Theod: l. 2.
c. 8.

ixerit: *Hoc facite in meam commemorationem*; quē ad-
modum hactenus credidit Ecclesia. Quod adeò
verum est, vt Concilium Nicænum I. ne Diaconos
quidem voluerit presbyteris Sacramentum Corpo-
ris Christi porrigere, tantum abest, vt consecrare
posse putauerit. *Hoc enim neq̃ regula, inquit, neque
consuetudo tradidit*, *ὅτι ἐξ ἑστίαν μὴ ἐκ χειρὸς προσφέρειν, ὡς
ἱ, qui offerendi sacrificium non habent potestatem, τὰς
τὰς τῆς προσφέρειν διδόναι τὸ σῶμα τῆς χρείας, his, qui offerunt
corpus Christi porrigant.* Hieronymus quoq; de Hi-
lario Luciferiano differens: *Hilarius, inquit, cum
Diaconus ab Ecclesia recessit, solusq̃, vt putat, turba sit
mundi, neq̃ Eucharistiam conficere potest, Episcopus &
Presbyteros non habens. Deniq̃ Athanasius, cum rumo-
rem dissipasset Ischyram, Macarium (Athanasii presby-
terum) in altare insultasse, mensam Domini euertisse,
& poculum mysticum confregisse, aliud respondit nihil,
quàm Ischyram, cum presbyter non fuerit, ut potè, cui
non Episcopus, sed Colythus quidam presbyter manus
imposuerat, Eucharistiam conficere minimè potuisse, ac
proinde nihil peccasse Macarium, si eundem ab altari
remouerit. Et tamen hi profani ministri, ac ne Dia-
coni quidem à quoquam Episcopo ordinati, Eucha-
ristiam conficient? Si autem de plebe Catholica
sermo sit, luce clarius est & ipsam, quæ sub vestra
crudeli ac superba dominatione uiuit, plerumq̃
cultu Dei, legitimisq̃ Sacramentis destitui. Per
summam enim iniustitiam, & contra ipsam Confœ-
deratio-*

derationem, quam vsq̃ue adeò iactitatis, plebem
ab Ecclesijs arcetis Catholicorum, & misera mul-
tatione bonorum, ad vestra gurgustia & speluncas
latronum compellitis: Catholicos quoq; Sacerdo-
tes ad ipsam Sacramenta perferre, nulla ratione fini-
tis. Cætera, de quibus Clerus queritur, ne ipse qui-
dem inficiaris. Vasa enim Ecclesiæ, & fundos Ec-
clesijs adscriptos, fateris à vobis ereptos, sed adiun-
gis pauperibus videlicet datos. Quod quàm verum
sit, omnes norunt, qui quicquid in Ecclesijs argenti
fuit, quicquid vasorum, in pocula profanis vsibus
accommodata esse conuersum vident: fundos autē
& possessiones, non à pauperibus, sed à nobilibus,
egentium oppressoribus & expilatoribus, teneri. Nec
sanè mirum, cum vobis ferè res pauperum non ma-
gis curæ sint, quàm Iudæ, qui Christum, prodidit:
quem vt imitari videamini, Clerum qui Christi vi-
ces in terra obit, è medio tollere omni studio & dili-
gentia contenditis. Sed etiam si ita res haberet, vt
pauperibus hæc omnia vos dedisse constaret, quibus
obsecro rationibus, hoc factum vestrum tueri pos-
setis? Annè vlla lex iubet, aut sanctio concedit, vt
alienum egentibus præbeatis? Sanè Diuinæ literæ,
adeòq; æquitas ipsa, suum cuiq; tribuendum docet:
vt meritò vos grauissimè deliqueritis, qui fundos sa-
cerdotibus, præcipuè pauperibus, eripueritis. Pau-
peribus interim elargiri debueratis, non quæ paupe-
rum sunt, sed quæ diuitibus vobis Deus munificè &
liberali-

liberaliter dedit. [At vasa, inquit, & ornamenta, ad idolorum cultum destinabantur; Sacerdotes quoq; vestri, idolorum sunt sacerdotes, ventrosi & ociosi. Intelligo quid velis, idolorum cultum, imaginum venerationem appellas: & Sacerdotes quod easdem censeant venerandas, idolorum sacerdotes. Sed, ô bone, tibi ostendendum id erat, imagines Christi & Diuorū, quas Ecclesia cultu aliquo prosequitur, idola esse. Hoc tu sanè nunquam præstare poteris. Differunt enim imago & εἰδωλον, vt eruditè Origenes & Theodoretus annotârunt, quod imago sit vera rei similitudo, hominis, equi, &c. ab imitando enim dicta est. Idolum autem falsa, ea nimirum, quæ id quod reuera non est, repræsentat: vt Veneris, Martis, &c. statua & figura. Et si tibi idem prorsus esse videtur, fateri cogeris, & Cherubinos, quos in templo Dei Salomon collocauit, idola fuisse. Vt vel hinc iam, perspicere possis Sacerdotes Christianos, qui imagines Christi, & Diuorum, aliquo in honore habent; Sacerdotes tamen idolorum dici non posse. Ipsas interim habere fas esse, ijsdemq; venerationem aliquā tribuere, sine omni idololatriæ suspitione, & ex sacris literis, & Oecumenicis Concilijs, vetustissimorumq; Patrum consensione, viri Catholici, ijq; doctissimi, iam diu demonstrârunt: quibus hætenus à vobis responsum non est. Quod autem populum dicis imagines Dei cultu venerari, & Diuinū quidpiam ipsis inesse putare, mendacium est. Quod verò

Homil: 8.
in Exod.
Quæst: 38.
in Exod.

Nicolaus
Sanderus,
lib: 2. de I.
maginib.

adiungis

adiūgis scholasticos secus in Scholis de imaginibus, secus verò in cantilenis occinere, & ipsum quoque mendacium est putidissimum: nec enim tu vllam cantilenam protuleris, ex qua iure colligas, scholasticos vllos in suis siue precibus, siue Hymnis, Sanctorum imagines vt Deum ipsum venerari. Non enim hæc latrìa colunt (vt VII. Synodus Oecumenica inquit, ante annos octingentos) nec in ijs spem reponunt, aut deniq; ijsdem sacrificia offerunt, sed vt sacra Euangelia venerantur: ita tamen, vt per imagines, coram quibus caput aperiunt, vt Concilium Tridentinum loquitur, Sanctos ipsos, quorum illæ gerunt similitudinem, honorent. Quod deniq; serpentem æneum confractum, quamuis typus Christi esset, memoras, & Lactantium profers affirmantem, nullum cultum syncerum religionis eo in loco esse, vbi cultus aliquis simulacrorum fuerat, Augustinum quoq; monentem, ne religionem, in cultu mortuorum ponamus; ac ad extremum Epiphaniū, quem ais, ne imaginem quidem crucifixi in templo ferre voluisse, & ineptissimè, & improbissimè facis. Serpentem enim æneum, Ezechias 4. Reg: 4. Reg: 18. confregit: quoniam Hebræi eidem incensum adolebant vt Deo, & obliiti significationis, propter quā serpentem crexerat Moyses; honorabant eundem ob materiam, vt idola cætera: ab eoq; beneficia curationum proficisci putabant. Serpenti interim, vt signo religioso, honorem aliquem iure atq; meritò,

Q

sineq;

Rob: Bel-
larmin:
Tom: 1.
controu.
Arcturus
Fauteus
in Doctri-
na Catho-
lica, de Sā-
ctorum In-
uocat: &
venerat.
parte 2. c. 5
Actione 3.
& 7. sessi-
one 25.

4. Reg: 18.

Lib. 1. de
Trinitat.
cap. 10.
Lib. 1. Infr.
Diuin.
Carmin: de
Pass.

In Epist:
ad Ioan:

Hierosol.
Li. 9. Ep. 9.

sineq; crimine habitum, à Iudæis antea fuisse, Augustinus testis est. Lactantius de simulachris, idolisq; gentium, differit, qui de imaginibus, quid senserit ex hoc ipsius carmine: *Flecte genu, lignumq; crucis venerabile adora, cognoscere potes.* Atq; eadem de Augustino ratio, ut iam liquet. Epiphaniij factum quod refert, Epiphaniij non est. Verba enim, quibus Historia illa continetur, Epiphaniij nequaquam sunt, sed ab Iconomacho quopiã Epistolæ adiuncta. Quod ex eo patet, quia post finem Epistolæ adiecta sunt, & D. Hieronymus in *Epist. ad Pammach.*: totam ferè Epistolam Epiphaniij à se Latinam factam recitat: huius autem imaginis ne meminit quidem: & D. Gregorius affirmat, nullum vnquam Episcopum ante Serenum Imaginem Christi confregisse: deniq; stylus non conuenit cum reliqua Epistola. Hæc cum ita se habeant, iustissima est vniuersi Cleri querimonia, adeoq; verissima: tuam autem de Cleri nescio quo falso cultu iniustissimam, ex his quoq; partim iam apparet, (in imaginum enim veneratione, nullam idololatriam esse iam ostendi) partim ex responsione ad reliqua quæ affert apparebit. Ad illud igitur quod ais, Clerum templa prophanare, quod Antichristum, Romanum, videlicet Pontificem, [qui vera, inquit, species, abominationis & desolationis, est à Propheta prædicta,] in iisdem considerare sinat, respondeo fuisse id tibi argumentis ostendendum. Mihi interim promptum est, euincere

euincere nihil eorum, quæ affirmas, Romano Pontifici conuenire. Abominatio enim illa desolationis Romano Pontifici tribui nequit: nec vllus vnquam interpres præter fanaticos & deliros huius temporis hæreticos, eam de Romano Pontifice explanauit. Hieronymus abominationem desolationis existimat intelligendam, vel de imagine Cæsaris, quam Pilatus posuit in templo, aut de Adriani equestri statua, quæ in ipso sancto sanctorum vsque ad illius tempora permanfit. Chrysostomus, abominationem statuam putat eius, qui Urbem Hierosolymam expugnauit. Clemens Alexandrinus, Tertullianus, Iulius African. Eusebius, Augustinus, totum eum locum, uti & illum Matthæi 24. *Cum ergo videritis abominationem desolationis, &c.* de euersione Hierosolymæ interpretantur. Et germanam hanc esse huius loci expositionem, ex Evangelio euidenter colligitur. Quod enim apud Matthæum 24. Christus ait: *Cum videritis abominationem desolationis, &c. tunc qui in Iudæa sunt, fugiant ad montes.* Lucas sic exposuit: *Cum videritis circumdari ab exercitu Hierusalem, tunc scitote, quia appropinquauit desolatio eius: tunc qui in Iudæa sunt, fugiant ad montes.* Si tamen de Antichristo & extremis temporibus accipere locum velis, ne tu quidem quidquam contra Romanum Pontificem effeceris. Nam tum deficiet hostia & sacrificium, quod è medio tollet Antichristus, & sedebit in templo Dei,

Daniel: 9.

In Daniel:
& cap. 24.
Matth.

In Matthæi
24.

Matthæi: 24.

Luc: 21.

Lib: 2. de
vilib: Mo-
nach.
Thyræus
in Theſib:
de Anti-
christo.
Bellarm:
tom: 1.

Cap: 2.

Li: de Eccl.
Lib: 2. de
Ecclē:
contra Sa-
declem.

tanquam Deus adorandus. Papa autem nec sacrificium sustulit, vt ipsi cernitis, nec se Deum profite-
tur, quinimò Deum religiosè veneratur, adeoque
Sanctos eius demissè colit. Imò quoniam ita vis, ex
hoc ipso colligo, Romanum Pontificem Antichri-
stum dici non posse, cùm eorum nihil præstiterit,
quæ hoc loco facturum Antichristus dicitur. Sed
hoc totum argumentum eruditissimè Sanderus,
Bellarminus, Thyraeus, tractârunt: & Romanum
Pontificem, Christi Vicarium; vos autem tanquam
hæreticos Antichristos esse demonstrârunt. Iam ve-
rò ad alterum illud desolationis in Ecclesia Roma-
na argumentum, quo affirmas Catholicos, sub spe-
cie veritatis Canonem Sacræ Scripturæ abieciſſe, &
nouos Canones, seu traditiones statuissè; respōdeo,
te falsum crimen Catholicis vniuersis imponere.
Omnes enim Scripturæ Canonem venerantur,
adeoque integrum prorsus recipiunt; Canones au-
tem si quos novos condunt, ij sunt eiusmodi, vt Scri-
pturæ Canoni non aduersentur. Traditiones autem
Apostolicas, & à maioribus acceptas, retinendas es-
ſe, supra demonstraui. Imò quoniam hanc nobis de
Scripturæ Canone intendis litem, affirmo vos Ca-
nonem violasse, adeoque eius partem bonam abieciſ-
ſe, quod euidenter Socolouius, & Laur. Arturus
Faunteus, vt alios taceam, ostenderunt. Vobis igi-
tur desolatio, non Clero Poloniae, cæterisque Catho-
licis est tribuenda.

CAPVT

CAPVT XIV.

*Postremam Ordinis Ecclesiastici querimoni-
am, de grauissimis iniurijs, quas patitur, & realibus,
& personalibus, iustissimam esse: eundem minimè cau-
sa inaudita Evangelicos, quos vocant, hereticos in-
dicasse, nec in eorundem corpora seuire, bel-
lisuè ciuilibus occasionem dare.*

IAm ad extremam Cleri querimoniam ventum.
Est, calumniator, quæ de eo instituitur, quòd Sa-
cerdotes sine lege, sine iustitia, sine iudice, tam rea-
les, quàm personales (verba querimoniæ sunt) in-
iurias patiantur, cædantur, interimantur impunè,
ac denique quibusuis obscurissimis hominibus, eti-
am Iudæis, qui suos habent patronos ac defensores,
postponantur. Quæ sanè grauis est, fateor, verissi-
ma tamen, vt iam ex iurisdictione Ecclesiastici Or-
dinis iniquissimè imminuta, & Decimis per summā
iniuriam eidem ereptis liquet. Vt in præsentia mi-
hi laborandum non sit, vt huius querimoniæ æqui-
tatem multis ostendam: maximè quòd tu ipse o-
mnia, de quibus queritur Clerici, agnoscas & con-
fitearis. Illud solùm excipis, Ecclesiasticos Iudice
non carere, imò & ipsos pro Tribunali pari cum se-
cularibus numero causas cognoscere: [Sacerdotes
autem, si qui feriantur aut perimantur, eos esse, qui me-
reticis dediti amoribus, alienas ædes inuisunt, vel in-
tabernis cum rusticis perportare solent.] Quæ ego sanè

Q 3

omni-

omninò non inficior, illud tamen contendo, Cleri querimoniã esse iustissimam & æquissimam. Nam quamuis pro Tribunali ipsi sedeant, tamen ita sedent, ac si Iudices non essent, quandoquidem ipsorum Decreta, quamuis & legibus Regni, & rectæ rationi consentanea, vel contemnuntur, vel negliguntur; imò ne quod decreuerint fiat, omni studio & diligentia ab Ordine Seculari curatur. Sacerdotes autem etiam nisi eorum, quæ ais, criminum rei interdum sint, nec tamen ita malè tractari à priuatis hominibus, pro ipsorum libidine deberent, nec ij, qui iisdem vel verbera, vel necem intulissent, impuniti inultiq; remanere. De Sacerdotibus enim, & omnibus in vniuersum Clericis, Episcopos solos, eorumq; ministros, poenas sumere, sanctissimæ & vetustissimæ Regni leges voluere; ipsos autem qui Clericos injuria læsissent, Episcopis esse tradēdos, ab iisdemq; iudicandos, statuta decernunt. Sed præter Sacerdotes, quos, odio impulsus, narras, ob sua flagitia verberari & occidi; alii inueniuntur, qui à Nobilibus maximè hæreticis, & culpæ alioqui omnis expertes, grauissima quæq; perpetiuntur. Quos tamen, ea est temporum infelicitas, nec secularis Iudex condemnat, quoniam ipsius id muneris non est, nec Ecclesiasticus iudicat, quoniam etiam citati legitime & vocati, causam dicere pertinaciter & peruicaciter recusant. Vnde illud euenit, vt & Ordo Ecclesiasticus, in tanta hominum perfidia & iniquitate, gra-

Iaroslav
Gnesen:
Archiepif:
fol: 54. &
Bodzanta
Crac: f. 57
Sigismun:
Crac. 1543.

te, grauissimas in dies iniurias accipiat; & secularis, qui easdem facit, sine pœna & periculo securus uiuat, ipsaq; impunitate fiat efferator & immanior. Atqui hic finis esse poterat, & pestilentis libelli tui, & refutationis meæ, nisi tibi visum fuisset, & Cleri querelas, & tuas, ad easdem responsiones Epilogi loco breuiter connumeratas iterare, & nouam querimoniam instituire: [quod Clerus causa inaudita, vos tanquam lupos & hæreticos condemnet, Concilij Tridentini fretus auctoritate; (quod legitimum, inquis, esse non potuit, cum nec admissi, nec auditi nostrarum partium Theologi sint, & Romanus Pontifex, qui reus potissimum peragebatur, eidem præfuerit) quod forum illud exoptet, in quo non conscientias modò, sed corpora ipsa affligat immaniter; quod deniq; illam percupiat pacem, qua fœdera antè exortas de religionē controuersias inita rumpantur, & bella ciuilia excitentur in Polonia, vt in Germania, Gallia, Anglia, accidit; dum Ordo Ecclesiasticus pro suo stabiliendo principatu impensius laborabat.] Quia autem ita lamentaris, & tuorum conditionem deploras, danda à me opera est, vt tibi faciam satis. Lupos igitur vos vocant Ecclesiastici, & inaudita causa condemnant? Vide ne audita sit, calumniator, causa: sanè audita est, & iudicata iam olim, cum veteres illi & detestabiles hæretici, siue in Synodis, siue in scholis, suas opiniones, & à communi fidelium sensu alienas explicuerunt, eademque vt hæreses, sunt reiectæ, & refutatae. Eorum enim & vos doctrinam tuemini, & errores mordicus retinetis, vt Capite primo demon-

strauit.

lib. 27.
an. 1545.
in lib. de
cena.

Bullinger:
in lib. de
cælo, &
dextra.

Socolovius
in Cen-
sura.

stravi. Sed etiam si hoc ita non esset, quinam in vos sunt Ecclesiastici iniuriosi? an non vos ipsi hæretici nomine inuicem compellatis? An non Heshusius, Lutherus parens vester, alijq; , & Zuinglianos, & omnes Sacramentarios hæreticos nuncupant? Quā appellationem omnes Lutherani in confessione ab vniuersis recepta, suo comprobauere suffragio. Nonnè & Calviniani Lutheranos ipsidem, ornant titulis, cum in Admonitione ad librum Concordiæ, tum alibi frequentissimè. Nonnè etiam vtriq; Anabaptistas & Trinitarios hæreticorum loco habent? Quæ omnia adeò certa sunt, & explorata, vt etiam nuper Dantiscani & Regiomontani, Calvinistas suos vt hæreticos eiecerint. Denique præter hæc omnia Concilium Tridentinum Clerus habet, cuius Decreto nixus (vtcunq; refrageris) vos hæreticorum loco habet. Et quidem iure optimo. Si enim Arium, Macedonum, Nestorium, Eutychem, Pelagium, Donatum, cæteros in hæreticorum numero reponimus, quoniam Synodi, Nicæna, Constantinopolitana, Ephesina, Chalcedonensis, Mileuitana, Gangrensis, censuere, & Ecclesia illius temporis vniuersa decreuit; quidni & vos in hæreticis numeremus, quoniam vt Synodos Prouinciales taceam, vos vniuersos, Sacrum Tridenti habitum Concilium damnauit, & Ecclesia vniuersa huius tempestatis, tam Græca, quàm Latina, Decretum suo suffragio comprobauit. Quod autem tu
Concili-

Concilium Tridentinum calumnians, ais, Theologos vestros ne ad Synodum quidem admissos, nec auditos: mendacium est. Saluus enim conductus, vt loqui solemus, omnibus datus est, qui Concilium adire, & causam suam agere voluere. Adfuere quoque Mauritij Electoris Theologi, & Vittembergensis Ducis, nominatim Brentius, alijq; sed rogati vt disputationem inirent cum Catholicis, recusarunt. Sed etiam absentes causam egere, alij Theologi vestri & auditi sunt, adeoq; ipsis responsio data, ac ad extremum hæretici appellatio ipsidem pro meritis attributa. Quod verò adiungis Concilium minus legitimum fuisse, quod eidem Romanus Pontifex, qui reus peragebatur, præfuerit: ineptum est. Quo enim iure vos Pontificem reum peragitis? Quo nomine? Cuius criminis? An eius quod fidem maiorum defenderit? Aliud nullum proferre potestis. Deinde, cur Pontifex in Concilio nō præsideat, cum M. D. annos totos id obtinuerit? Et quamuis à vobis accusetur: priuari tamen non potest iure suo, donec legitimo iudicio conuincetur Summus Pontifex non existere. Accedit etiam, quod si hæc exceptio locum habere debeat, nec Arius legitimè condemnatus fuit, in Nicæna Synodo: ij enim præfuere eidem, qui & ipsi rei, Arii opinione, erant, & in summo errore, & rerum maximarum ignorance versabantur. Iniquissimè etiam & Nestorius à Cyrillo, & à Leone Dioscorus,
R hæreti-

Bellarm:
Tom: 1.
& Arturus
Faunt: in
Asser: de
Principatu
Petri.


hæretici iudicati sunt, in Ephesina & Chaleedonen-
si Synodo, cum inter ipsos, tota quæ tum agitaba-
tur controuersia, versaretur. Nulli deniq; vnquam
hæretici habebuntur, si hanc tuam admittamus ex-
ceptionem. Quis enim vnquam hæreticus, Catho-
licos Iudices reos esse non dixit? Sed quod caput
est, non solus in Concilio Iudex est Pontifex Ro-
manus, sed & cæteri, qui adsunt, Episcopi; quorum
tanta est potestas & auctoritas, vt si eundem hære-
sis conuincerent, non iudicare modò, sed & conde-
mnare, adeoque vel inuitum Pontificatu deijcere,
possent. Sed ne de Concilij Tridentini auctoritate
ambigas, reuoca tibi in mentem id ipsum ab Augu-
sto, Henrico atque Stephano susceptum, & ab Or-
dine Ecclesiastico vniuerso non comprobatum,
modò, sed & promulgatum. Quod sanè pro Con-
cilio aduersus tuas calumnias, satis est in Polonia fir-
mum. Iam verò quòd Clerum accusas ita animò
affectum esse, vt in corpora vestra sæuire, per-
petet, & pacem eam percipiat quæ bella excitet: ini-
quissimè facis. Nulla enim vim vobis inferunt,
etiamsi & Ecclesiæ sanctiones, & Regni iura, aliud
ab ipsis postulant; & vos malunt vt fratres & pro-
pinquos, ab errore ad veritatis lucem reuocare,
quàm quicquam in vos grauius decernere. Bellum
autem, tantum abest vt percipiant, vt in Concioni-
bus, in compitis, in Senatu, pacem, vbiq; suadeant;
& quidem, quantū licet, in tam infinita licentia, ali-
quos perfidia hominū distractos, rursus in pristinant
concor-

concordiā reducere pro virili elaborant. Nec verum
est, vt tu opinaris, bella ciuilia in Gallia, Anglia, Ger-
mania, & Flandria, à Clero principiū habuisse. Hu-
gonoti enim in Gallia, Anglia, & Flandria; in Ger-
mania Lutherus & Muntzerus, & olim Hussita in
Boëmia; vt ex omnibus Historijs liquet, belli non
instrumenta, sed & auctores extitere.

Atq; hæc, calumniator, ad responsionem tuā:
qua quid effeceris, iam ipse, opinor, vides: Mea qui-
dem sententia, hoc solū tā intēperata & insolenti
scriptione assecutus es, vt maleuolentiæ tuæ in Ec-
clesiast: Ordinē testimonium extet, ad nominis tui
ignominiā sempiternā, meæ autē in eundē beneuo-
lentiæ monumentū perpetuū. Quid autem præterea
profecerim, aliorum sit iudicium. Illud interim sine
arrogantiæ, ac ostentationis omnis suspitione dice-
re, nisi me omnia fallunt, potero: me, & Cleri iuris-
dictionem ita asseruisse, ac ius Decimarū ita defen-
disse, vt quiuis facilè intelligat se, nec illā absq; sce-
le-
re imminuere, nec has nisi per summā iniquitatem
retinere posse: Ecclesiastici deniq; Ordinis querimo-
niam vniuersam ita tractauisse, vt iustissimā aquisi-
māq; esse, satis appareat. Vtinā, quod opto, speroq;,
præstiterim, meūq; hic qualiscunq; labor, ad Dei
certè gloriā & Ecclesiæ vtilitatem susceptus, fru-

ctus vberes diuturnosq; ferat,

L A V S D E O.



Illustriss: ac Reuerendiss: Domini,

D. A L B E R T I
B O L O G N E T I,

Cardinalis & Episcopi Massanen: S. Sedis
Apostolicæ Legati,

*In Comitijis Regni, ad Sereniss: Polonia Regem,
& omnes Ordines,*

O R A T I O;

*Habita Warsavia, die XII. Februarij.
M. D. LXXX. V.*



Non est sanè quod mirum cuiquam videatur, me, qui & initio ad vniuersam hanc Rempubl: missus fuerim, & per omne legationis meæ tempus, non tuam tantum Serenissime Rex, quam crebris sermonibus vsũpare soleo; sed etiam omnium Ordinum, beneuolentiam erga me propemodum incredibilem expertus sim, oblatam mihi Generalis huius Conuentus occasionem, prætermittere noluisse, quin ante meum à Polonia discessum omnibus valedicerem, & cum singillatim vnumquemq; (id quod maximè voluissem) exosculari atq; amplecti non valeam, vniuersos saltem ea qua possem ratione salutarem. Verùm quoniam rerum omnium nouitas maximè mouere solet, adhuc plerique, sat scio, mirabuntur quid sit, quòd cum ego Maiestatem tuam antehac semper, vel ipso Comitiorum tem.

frum tempore, solus olam conuenerim, nunc præsentibus Regni omnibus Ordinibus, eandem compellare maluerim. Quare ut omnem planè ex omnium animis suspensionem, quam primùm eximam, dicam apertè, præter eam, quam proximè exposui, alias quoq; consilij mei rationes fuisse, quæ me non inuitauerint solum, sed propemodum etiam coëgerint, ut præter ipseam consuetudinem ex hoc loco in præsenti verba facerem.

Primò enim ad officium meum pertinere arbitratus sum, ut dolorem illum, quem Summus Pontifex Gregorius tanquam & communis Pater, & præcipuus Poloni nominis amator, ex hac ipsa, quæ fama pridem percubuerat, Rerumpubl: perturbatione sanè grauissimum sensit, palam omnibus testarer, simulque vos omnes, cum mea spontè, tum etiam Sanctitatis suæ nomine, paternè hortarer, ut pacem atque concordiam, quæ nihil ferè preciosius, aut optabilius, in vita homini datum est, oblatam studiosè recipere, receptam constantissimè tueri, & conseruare velitis: ita ut ego à vobis discedens, verè dicere possim: Pacem Christi relinquo vobis, Christi pacem do vobis, quam & Dominus ipse vobis commendat: *Pacem & veritatem diligite*; ait Dominus Omnipotens. Atqui verò quid causæ est, cur non in eam ipsam omni studio incumbatis, & pro tot diuinitus susceptis bonis, Sūmo illi benefactori Deo, vos non ingratos exhibeatis? Habetis Regem (ut alia tam multa, quæ tamen minora esse fateor, silentio præteream) qualem vix anteauctis seculis vidit vnquam Polonia. Quod ipsum vosmetipsi & agnoscitis, & fatemini, & maximas eo nomine Diuinæ clementiæ gratias agere soletis. Contra verò dicat Maiestas tua, (neminem enim alium hac in re testem appellare libet) quænam & qualia de Polonis, quibus voluit te Deus omnino præesse, ipsemet mihi sæpius narraueris; quibus laudibus, dum de Polona nobilitate ageremus, tibi in præteritis bellis planè perspectâ, & animorum & corporum robur, & laborum tolerantiam, & morum probitatem, modestiam, continentiam, æquanimitem, atque erga suos Præfectos obedientiam, extuleris; quos in re bellica progressus; quantam (si modò occasiones non deessent) Poloni nominis accessionem operari te dixeris. Quæ cum ego tam præclara hinc & inde testimonia, &

mutue

mutue voluntatis argumenta semper habuerim: non poterò certe non summo operè mirari, atq; in communi mœstitia præcipuo quodam dolore angere, si de meis Polonis, optimeque de me meritis, vllò vnquam tempore vel absens ea audiero, quæ publicæ paci & tranquillitati non vsquequaque respondeant.

Sanè verò pacis ipsius (ut paulatim, & quasi per gradus ad illud pergam, quod mihi præcipuè propositum est) pacis inquam ipsius, & comparandæ & seruandæ, certissimam rationem docet nos Diuina sapientia, quæ nobis non obscure insinuat, Iusticiam & pacem, ita mutuò sese complecti, ut hæc ab illa disiungi nequeat; & ubi à iustitiæ semita declinetur, ibi firma, stabilisque pax reperiri minimè possit. *Iustitia* (inquit ille) *& pax, osculata sunt.* Sola enim iustitia pacem Rebuspubl: pollicetur, sola Regni cœlestis quasi speciem quandam terris ostendit. Iustitiæ solius amore, vel primo ipso in mundi exordio, supremam Regibus potestatem populi detulerunt. Iustitia denique sola est, quæ ubi deesset, Tribunalia ipsa, & subsellia Iudicum, nihil essent aliud, quam infanda latrocinia, omniumque maximè detestabilia; quibus optimi quique & miserrimi homines fide publica decepti, crudelissimè spoliarentur. O salutare igitur! ô sanctissimam iusticiam! ô rerum omnium, maximè cœtibus hominū necessariam! quam qui è Republ: tollunt, solem è mundo tollere videntur. Verè dixero, te Polonis cordi esse, an verò potius è Polonia prorsus exulare? Etenim si Serenissimū Regem intuear, ac si etiam singulos ipsos, insignioresque præsertim, Polonos spectem, non poterò non inter alias quàm plurimas etiam iustitiæ laude Poloniæ Regnum condecorare. Verum si ad ea animum referam, quæ ut plerique affirmant ex præsentis rerum statu, corruptaque Reipubl: forma proficiscuntur: liberè fateri debebo, multas quotidie à iustitia fieri quasi secessiones; & eas quidem eiusmodi, quæ & totam publicæ tranquillitatis rationem perturbent; & antiquā Polonorum gloriam apud exterarum etiam Nationes non parum imminuant; & (quod omnium maximum est) iustam Dei iram, cuius iam non obscura cernimus argumenta, contra nobilissimū hoc Regnum, magis magisque in dies prouocare valeant. Quibus igitur potissimū piaculis iratum præpotentis Dei Numen placare, ve-

care, veramque pacem impetrare poteritis? Sacrificâte sacrifici-
um iustitiæ, & sperate in Domino. Frustra enim speratur pax, ni-
si iniustitiæ laues omnis eluatur, & nisi causa morbi cesserit venis,
frustra morbi finis expectatur. Iustitiæ cultum, pax: iustitiam,
spretam, dissidia consequuntur. A suis principiis ut mala sic bo-
na omnia pendent, quare aut hæc cum illis habenda, aut illa cum
his amittenda. Ecce meam vobis, quamvis obiter, hæc de re sen-
tentiam liberè & paucis exposui. Non aliam, atque dixi, turba-
rum causam, non aliud turbarum remedium esse arbitror: sed
vereor, hei mihi, maximè vereor, ne dum sanari vulnus à Medi-
co petimus, vulneris fomenta nosmetipsi reli gemus; & dum dis-
sidiorum finem à Domino precamur, ipsimet dissidijs materiem
assiduè suggeramus.

Porro autem, ne illa confectæ, quæ meam, Principisq; mei
curam minus attingunt (quanquam nihil quod ad Christi pa-
cem quacumq; ratione pertineat, à Christi Vicario alienum videri
potest) eò nunc demum veniens, quò mea iam dudum festi-
nabat oratio. Quæro abs te S. Regia Maiestas, tum & à vobis Il-
lustrissimi Senatorts, cæterique Viri Nobilissimi, quisnam mi-
serissimo huic Poloniæ Clero iniuriarum, vexationum, calami-
tatum finis vnquam futurus sit? Prælatorum ecce nutat auctori-
tas: iurisdictio impunè spernitur: Ecclesiarum bona inuasoribus
obnoxia sunt: polluantur templa, ornamentisq; suis spoliuntur:
Sacerdotibus Decimæ subtrahuntur: Dei cultus deseritur: Eccle-
siasticis viris forum nullum, nullus ad iustitiam aditus patet.
Quæ si ego singula pro cuiusque rei gravitate conqueri velim,
tempus sanè mihi potius, quàm oratio desit. Quocirca ex tam
multis, quæ ab antiqua pietate ad omne iustitiæ genus deflexe-
runt, vnum tantum paucis persequar, idque non exprobandi,
aut accusandi gratia (quod ipsum à meis moribus, mea que ve-
recundia alienissimum semper fuit) sed cum eius rei remedium
expeditissimum sit, omni que rationi consentaneum: spero vos
hodie illud non gravatè amplexuros, & iam tandem sublata
procrastinatione, demptaque omni morâ, publicis malis meden-
di exordium, ab hoc ipso potissimum esse capturos. Quotus
quisque est, qui si nunc interrogetur, quo iure, age mitto quo iu-
re, sed

re, sed qua saltem iuris specie, quauè æquitatis vmbra, aut velo
exequutiones sententiarum pro Decimis, rite & legitimè prola-
tarum, suspensiones fuerint, possit mihi ad hoc vel verbum vnum,
si non verè, saltem probabiliter, aut non absurdè prorsus respon-
dere? Quis est enim, quem prætereat, Decimas, quæ soluuntur
Ecclesijs, quin potius illi ipsi naturæ conditori, rerumque omni-
um datori Deo poscenti rependuntur, Diuina voce primùm in
antiquæ legis promulgatione fuisse institutas, ab Eaangelio sub-
inde receptas, Apostolicis sanctionibus, Pontificijsq; legibus to-
ties repetitas, Romanorum Imperatorum, dum iherusalem potie-
bantur, mox verò Christianorum omnium Regum auctoritate,
munitas, vsu ipso apud omnes ferè Regiones, quæ veram Chri-
sti fidem profitentur, constabilitas: & (quod momenti etiam
plurimum habere debet) hoc ipso præsentī in Regno, ab eo vsq;
tempore, quo Polonia reiecto Belial, Christum Dominum agno-
uit, Clero, Ecclesijs, tanquam proprium & certum ipsarum patri-
monium, firmissimo iure concessas, donatas, adiectas, omniumq;
deinceps, qui vestræ huic Reipub: præfuerunt, priuilegijs quasi
circumspectas, atque defensas? Quid dicam amplius? toto isto
sexcentorum annorum spacio, absque vlla ferè controuersia Sa-
cerdotibus persolutas? Quis hæc, inquam, ignorat? Et si hæc ita
sunt, si meridianâ luce clariùs apparent, quo iure, quauè iniuria
fit, ut antiqua pietas ad nostræ ætatis dedecus conuertatur? ut
Decimæ Ecclesijs, Sacerdotibus alimenta, altari ornatus, Chri-
sto ipsi cultus, per summam iniustitiam atq; impietatem, denege-
tur? Non certè argumentis opus est, ut huius iniuriæ gravitas o-
stendatur, quæ non Theologis, non iuris peritis, non literatis
tantum hominibus, sed planè omnibus perspicua est: Nam nec
desunt viri Nobiles, & à literis, & à vera religione alieni, morali
tamen & politica quadam probitate insignes, qui cum re ipsa
tantæ iniustitiæ dedecus à se procul amoueant (Decimas enim
Catholicis Ecclesijs sponte persoluant) tum verò etiam verbis
grauissimis, & Catholico homine dignissimis huius facti indi-
gnitatem conquerantur, priuatamque nonnullorum contumaci-
am auctoritate publica muniri, atque armari, minimè probent.
Quod si idem & alij omnes sentirent, tandem cum iustitia simul
S sperare.

speraretur pax in Repub: posse coalescere fierent praua indirecta, atque aspera in vias planas, & post tam multas procellas, optatæ salutis signis apparentibus, exultantium in Domino voces audirentur. Vox exultationis & salutis, in tabernaculis iustorum. Iam verò si exitialis huius suspensionis decretum, sine vlla causa factum est, quàm sanctum & ratum id haberi debeat secum vnusquisq; reputet. Quod si vt id fieret, quemadmodum pleriq; autumant, instantis tunc Moscovitici belli periculum in causa fuit, quis non videt eiusmodi remedia longè periculis ipsis esse grauiora? Peruagemur totam Masouiam, & gentis illius, quæ verè à vobis deuicta est, templa omnia perlustremus. Certè si mihi vera uarrantur, ne vnum quidem præteriti belli iniuria desertum esse reperiemus, cum, tamen victores Poloni in mille templis, in mille, inquam, templis, si Deo placet, atque eò ampliùs, miram vastitatem conspiciant. Sed quid conspiciant dico? & conspiciant, & taceant, & tantum Diuini numinis dedecus, suarum ipsi tantummodo iniuriarum acerrimi ultores, æquissimo animo ferant. O tempora! ô tempora! itane nostræ ætatis hominum nonnullorum oculos caligare, vt quæ in Repub: omnium maxima, & verè sint, & apud maiores semper habita fuerunt, ea ipsi pro minimis, aut pro nihilo etiam ducant! Oculos habent, & non vident: aures habent, & non audiunt. Sed tu Domine, vsquequo? vsquequo? Exurge, quare obdormis Domine, excita potentiam tuam, apprehende arma & scutum. Ah, quid dico? non arma, non arma, non arma; sed quidem scutum: nequ enim statuas illis hoc peccatum, parce Domine, parce populo tuo; sed tamen in auxilium nostrum respice, & fac nobiscum secundum misericordiam tuam, tempus faciendi, tempus faciendi, Domine, dissipauerunt legem tuam. Verùm hoc vlteriùs non vrgeo, mitto suspensionis rationes quærere: tamen & miserrimum & indignissimum est, quod absq; vlla ratione, quod contra æquum & bonum, quod præter Reipubl: stilum, quod vniuerso Ordine Ecclesiastico reclamante factum sit; id non modò antiquissimæ huius Regni consuetudini, sed & Diuinis & humanis legibus omnibus anteponi. His, inquam, in præsentia, (quando ita necesse est) silentio prætermittis, vnum hoc vobis dico, suspensionem istam,

istam, quæcunq; illa fuerit, esse finitam, & iam penitus expirasse: proindeque communi omnium Ordinum consensu, idiplum declarari oportere, vt ne diutius Clero ad iusticiam aditus intercludatur. Vtque intelligant Capitaneidebere se in posterum, quemadmodum antea, sententijs in causam Decimarum latis, brachijs vt vocant, secularis adminiculum præbere. Expirasse verò suspensionem, (cum hoc ab illo pendeat, an ad proximum tantum conuentum facta fuerint) tum ratione apertissima, tum etiam ex verbis ipsis Decreti plenissimè ostenditur. Ratio illa est, nam si non proximum conuentum, sed incertum compositionis tempus suspensio complecteretur, ita vt non nisi facta compositione finire possit: Bone Deus, bone Deus, quænam hinc absurditas, seu quopotius monstrum consequeretur? Nimirum illud, quod cum compositione ipsa illorum, qui Decimas debent, consensum & voluntatem necessariò requirat: possent ipsi dissentiendo efficere, ne vnquam finiretur suspensio; efficere ipsi possent, vt perpetuū esset hoc impedimentum, & ne Decimæ Ecclesijs in posterum, ampliùs soluerentur; quo quid alienius, aut absurdius excogitari potest? aut quid erit vnquam absurdum, si hoc non est absurdissimum? Quid enim aliud esset, debitorum arbitrio committere rei debitæ solutionem, quàm peruicacis hominibus, & solutione iustissimam detrectantibus, Decreto publico suffragari, (quod à vestrum omnium voluntate alienissimum fuisse certo scio) quid aliud esset, quàm rapinas fouere, quàm legibus imponere, & totius præsertim Polonici iuris auctoritatem (id quod directè fieri non potest) oblique, & per summam fraudem, infringere ac labefactare?

Quantum verò ad Decreti verba attinet, neminem esse arbitror (nisi quis modò dissentire potius à seipso, quàm seipsum audire velit) cui vel vnquam venerit in mentem, de ipsorum sensu dubitare; aut qui vero existimet, secus illam accipi posse, quàm vt ad proximum conuentum referantur, cum expressim dicatur: Executionem verò ad alterum conuentum, siue ad alium conuentum suspendimus. Esto etiam ad alium conuentum, necnon de proximo potius intelligam, quàm de tertio, quarto, quinto, aut deinceps, vsq; in infinitum, cum & vulgatissimæ & certissimæ iuris

ma iuris Regulæ sint, actum prima vice terminari: Infinitatem apprimè vitandam esse: Reijci omninò interpretationem illam oportere, ex qua vel minima absurditas consequatur, nedum hæc tanta, vt à debitorum arbitrio & voluntate, rei debitæ solutio pendeat. Quamuis autem vbi dictum est, ad alium conuentum, statim subiiciatur, in quo etiam fieri debet compositio; tamè hæc verba nostram interpretationem non modò non refellunt, sed maximè potiùs commendant. Ostendunt enim in illo ipso proximo conuentu, ad quem suspenditur executio, fieri etiam compositionem debuissè, quam qui tunc obnixè petebant, postea neglexerunt. Quod si ad compositionem quandocunq; futuram, & non ad certum conuentum fieret suspensio; nihil certè adijceret hæc ipsa clausula in quo etiam debet fieri compositio, sicq; dictio etiam quam vulgò constat, alterius rei implicatiuam esse minimè quadraret. Ac multò etiam minùs quadrarent illa verba, quæ postremo pro coronide, seu quasi colophone adduntur: sine præiudicio vtriusq; partis. nemo enim existimabit vnquam abique Cleri præiudicio fieri posse, vt suspensio solutionis Decimarum, pro debitorum arbitrio in infinitum protrahatur.

His rationibus victa Regia Maiestas (vinci enim rationibus, non minùs, quàm armis vincere, Inuictissimum Regem decet) proestationem à Senatoribus Ecclesiasticis ea de re superioribus proximis Comitij interpositam recepit, & in ea recipienda finitam suspensionem agnouit. Idque se agnouissè Decreto restata est, Decretum propria subscriptione, sigilloq; publico communiuit. Atqui certè satis hoc esse deberet, vt ne ampliùs in posterù hæc nobis obiektaretur suspensio, suspensio: vtq; iam tandem Capitanei officij sui memores, sententias pro Decimis latas, Regia (vt olim) autoritate exequerentur. Neque enim res erat eiusmodi, (si modo summo iure agendum fuisset) quæ noua constitutione indigeret. Nam quid erat opus communi Ordinum consensu perimere suspensionem, quæ tempore ipso satis iam perēpta, atque extincta esset? Mitto, quòd sine Ordinum consensu facta fuerit: sit verè, sit ritè, sit legitimè facta; at certè cùm initio nò longiorem, quàm ad proximum conuentum vitam acceperit, efficitur necessariò, vt post conuentù proximum illicò expirauerit.

Idque

Idq; (vt dixi) Regio testimonio declaratum esse, satis esse deberet. Quandoquidem nisi Regi concederetur eiusmodi Decreta, quin & publicas alias quascunq; leges, à dolosis istis interpretationibus calumnijsque, tueri atque defendere; ac si semper ad eam rem conuentus publicus esset expectandus; parum sanè fortunarum vestrarum securitati prospicerent Patriæ Constitutiones, cùm vbiq; non desint verborum contortores, intortores legum, bonorumque extortores, quorum illæ fraudibus atque cauillis subuerterentur, foedarentur, opprimerentur, anteaquam vllum à vobis subsidium expectare possent.

Verùm (quicquid sit) en vobis quantum Ecclesiastici homines causæ bonitate freti, de suo iure decesserint: vt enim tantò planiùs ostenderent vestram se beneuolentiam plurimi facere, pacemque publicam, & mutuam animorum consensionem, proprijs etiam commodis anteponere: post exactum suspensionis tempus, obtentumque ea de re Serenissimi Regis testimonium, biennio, atque eo ampliùs tacuerunt, vt quod satis iam obtinuerant, quodque etiam multis de causis suo sibi iure vindicare poterant, rursus à Regia Maiestate, ab vniuerso Senatu, totaq; adèd Nobilitate, hoc tempore impetrarent; nimirum, vt ne Decimis, ne Patrimonijs Ecclesiarum, ne Sacerdotum alimentis, ne denique Diuinis obsequijs, funestæ huius suspensionis obex in posterum opponatur.

Hoc illud est, quod à vobis pro vniuerso Clero, Cleri ipsius principes qui inter vos sedent, vehementer etiam atque etiam petunt. Hoc & tenuioris fortunæ Sacerdotes, egentes, famelici, aris focusque eiekti, ac multis modis indignissimè oppressi, ingenti cum fletu & lachrymis poscunt, nec sua tantum, sed & Christi vulnera vobis ostendunt. Hoc ipsum, Ecclesiæ tam multæ desertæ atque vastatæ, vel solo ipso aspectu, satis enixè rogant. Idem hæ animæ prope innumerabiles, Christi ipsius sanguine redemptæ, summis precibus contendunt; utpotè, quæ frustra sibi tam diu panem quæsierint, nec qui frangeret eis, prorsus inuenerint; quòindeque de salute sua se periclitari, atque sathanæ insidijs, Erebiq; faucibus, sese miserè obiektas esse, conqueruntur. Idem hoc ego, pro officio meo, proque ea, quam apud vos,

quamvis indignissimè, personam gero, summo studio, & quan-
ta possum animi contentione, posco, postulo, efflagito, pacif-
que publicæ initium hinc fieri peto, & SS. D. N. hac ipsa de-
re mirificè sollicitum esse, planè vobis attestor atque confir-
mo. Sed plura non addam, forsànque etiam nimis huc-
usque multa. Neque enim vereri debemus, quin-
cùm ea de re quæ tam perspicuam rationem atque
æquitatem habet, oratores ad vos accesseri-
mus, pro vestra iustitia atque huma-
nitate, exoratores disce-
damus.



✠ ✠ ✠
M O W A
DVCHOWIENSTWA KORONNEGO,
Ná Seymie Wárszawskim,
D O K R O L A I M.
*Przez X. Wáwrzyńcá Goślickiego, Dziekaná Płockiego, Ká-
noniká Krák. Sekretarzá Krolá I. M.*

DVchowieństwo Koronne / Słudzy Boży y Kościółá iego świę-
tego / Bogomodlcy W. R. M. przez Deputaty y Posłánce swo-
je stáwili się też tu oto / przed Máiestat W. R. M. ná tym Seymie /
przyćiągnięni recessami wiela Seymow / przyćiągnięni obowiążkiem
y obietnicą W. R. M. y stanów Koronnych / przyćiągnięni wielką
á nietysłkoską / ále Boga wszechmogącego kausą y krzywdą / którą
Kościół Boży w osobach ich / w práwiech / przywilejach / zwyczá-
jach / w Jurisdyccyey / á co naprzędniejszego / co też w obelżeniu y w
omnięńczeniu czci y chwały Boga wszechmogącego / cierpi. Stá-
wimy się tu / przynoszą przez mie bratá swego / á namniejszego
sługe W. R. M. próśby swe do W. R. M. aby inż kiedy tedy / á teraz
wiel / gdy czas jest / miłościwym y Krolewskim okiem ná nie weyrzecz-
racył. Do kogoż innego máia się wćiekáć w tym / iedno do tego / któ-
remu Pan Bog sąd swoy / Sceptum swoie / Regiment swoy podał.
Per eum Rex regnas, & Deus suum iudicium tibi Regi suo dedit.
Práwem Koronnym / y práwem pospolitym personas, ædes sacras,
Iura, Priuilegia, dignitates, Ecclesiasticas, sub tutelam & patroci-
nium W. R. M. podał. Deus igitur tutelarís es. Przypominamy
y przyznawamy to W. R. M. nie dla ozdoby iákiej / ácz y to / ále dla
prawdy / abyś W. R. M. wiedział / czym jesteś / y czym cie Pan Bog
mieć chciał w Kościele swoim świętym. Krzywdy wszytkie / któreś
kolwiek Káplani / Słudzy Boży / od kogo cierpią / bądź o chwale iego
świętego / bądź o osoby swoje: są krzywdy nie tak wielce ich / iáko Boga
wszechmo-

wszystkich mogącego / y w mieście tego. Jesli Crimen laesæ Ciuilibs Ma-
iestatis, wszystkie crimina na świecie przechodzi: a coż crimen & in-
iuria in Deum & Ecclesiam commissa, daleko wietrza jest. Alesli
wietrza / mamy te nadzieie o W. R. M. iż za krzywdę jego / iako miło-
śnik y pomazaniec Boży / będzie sie racył wiać / tak wielce / abo wie-
cey niżli za krzywdę swą / abo za krzywdę nayswieższego miłośnika swego.
A to jest naprzędniejszy onus powinności W. R. M. a także /
które sie nietylko ad pietatem & officium, ale też ad conscientiam,
Regalem przywiązało. Słusnie tedy prosby nasze do W. R. M.
przynosimy; słusnie to / o co prosimy / otrzymać mamy; sam Pan Bog /
y prawo pospolite wkazał nam / y wkażnie / sędziego y obrońce kaussy na-
szej / Wąże Krol. M. naszego M. Pána. Rzeczysz nam W. Krol:
M. Rogatiſſe quæ ad pacem sunt? Tak jest M. M. Krolu / dwu
rzeczy od W. R. M. prosimy: Pacem & iustitiam: Gdy Polak do-
bry od sąsiada pokoju nie ma / mowi pospolicie: Nie mogę sie w po-
koju chleba przed nim naieść. Toć sie nam dzieie nasz M. Krolu:
Chleb Kościelny / Chleb Dzieśięcinny / Chleb Boży / extra Ecclesiam
est: ani go w Kościele / ani na cmyntarzu / ani przed kościołem wi-
dać. Prosimy W. R. M. iakosmy w Pacierzu zwykli Pána Boga
prosić: Panem nostrum quotidianum da nobis hodie. Przywroć
nam Panie chleb / ktory mamy od Pána Boga / ktory też od przodków
naszych / przodków W. R. M. jest nam nadany / panis nobis & bo-
lus ex faucibus eripitur. Chrystus w Ewangeliu s. mowi: Quis ex
vobis homo est, quem si perierit filius suus panem, nunquid por-
rigit lapidem? Nam sie to dzieie; miasto chleba kamien nam podają /
gdy chleb gwałtem biorą: gdy nam wkażują do Krola / do Grodu / do
Ziemstwa / do Trybunału / do Kompozycyey; a ze wszystkiego nie.
Altera manu panis nobis ostenditur, altera lapis porrigitur:
Krzywdę cierpimy / a nie mamy sie iey gdzie domowić. Wrotą nam
wchodzi do sprawiedliwości zawarte: Sedemus in Cathedra, & ni-
hil minus, quàm in Cathedra: Qui soluimus alios, ipsi ligati su-
mus; qui ligamus alios, ipsi constringimur. Klucze mamy / a
spizania pusta. Czylismy są inakšej kondycyey niżli Bracia nasi?
Czylismy my sami / sine lege, sine Rege mamy bydż in Repub. czyli
vulgus ignobile, & sine mente pecus? Dla modestyey y cierpliwo-
ści Książęckey / w tym obelżeniu leżemy: Facti sumus opprobrium
fratri-

fratribus nostris, subsannatio & illusio ijs, qui sunt in circuitu no-
stro. Jakoby tu Bora nie było / a iesli iest / tedy gdzieś za piecem sie-
dzi wżgardzony / y wkrzywdzony. A czyż to krzywdą? Boża na-
przód / potym wszystkie Rzeczypospolitey / narodu zachęgo Polskie-
go / żelżywość y hanba: iakoby tu ani Pána / ani prawa / ani rzadu /
ani ludzkości / ani obyczajow dobrych nie było: tak ieden z drugiego
skody y niesprawiedliwości kocha sie / y ona sie pastwi. Raczże to
mniemanie y obelżenie z narodu naszego znieść / a Książędom ch leb y
sąd Kościelny przywrócić. O Miłościwy Krolu / wrodziłeś sie ma-
drym / a co wiecey Chrześciańskim Pánem: factus es vnctus Dominis
nie pokładawże w Krolestwie Chrześciańskim / ktorego cie Pan Bog
wodzem y Krolew uczynił / tak mił / y tak miżernie Książę swego.
Niechawże nie będzie w takim obelżeniu sluga Boży / inżci biada bywa-
temu Krolestwu / vbi Sacerdos absque honore. Pewnać to / a nie-
omylna / nasz M. Krolu / iż wiecey metus Dei, niżeli metus Legum,
może in Repub. wiecey religione & pietate, niżeli legum seueritate,
continentur homines in officio humanitatis: wiecey conscientia
deterentur homines a male agendo, niżli scientia & sapientia.
To naprawiś / gdy Książę przprawie swym zostawiś / gdy wła-
dza Duchowna / discipline Kościelna Książęci przywróciś: ale
gdy od Seymu do Seymu sprawiedliwość y władza Książęcka od-
kladać będzie / za wżgardą tak Książęci slugi Bożego / przyjdzie
wżgarda Boga miłego; nastąpi wżgarda Majeſtatu twoiego: roz-
mnoży sie wżgarda Majeſtatu wszystkiego: a nawet wżęciwości ie-
dnego przeciw drugiemu / pro populo quieto, będzie populus con-
tradictionis. Czego aby w Pánstwach swych nie doznawał / postrze-
gac tego masz iako Pan mady / iako Krol y Hetman Chrześciański:
Zachowawże nam tedy W. Krol. M. sprawiedliwość / spiritualium
& temporalium. Uczyn granice Jurisdikcyey Kościelney / wstrześ
sędziego o Dzieśięcinny / y o inſe krzywdy Kościelne. By o iaką łaskę y
sprawiedliwość prosił W. R. M. głowiek obcy y nigdy nieznaiony /
ex lege humanitatis & pietatis, nie odmawiałbyś mu tego W. R.
M. abyś iemu łaski / y rzeczy słusney / y pobożney / pokazać nie miał.
My nie obcy / ale domowi / caro ex carne, os ex ossibus fratrum,
nostrorum. My słudzy Boży / słudzy W. R. M. nie mamy pietra-
sem & clementiam W. R. M. w tym poznać: Nie my tylko / nie

T

my oto

my o to prosimy: ale o to prosí / y rádzi to zacne kolo Senytorstkie:
Przekładaia gniew Boży / y wiele zlego / co ztad idzie. Przekładaia
diffidencja ludzką / ktora z tej samey przyczyny wesiła / y gore bierze
miedzy ludzmi. Mialo ich y w Kole Rycerskim W. R. M. znay-
dzies / ktorzyby tego obiemá rekoma W. R. M. pomoc niechcieli:
wszystko masz W. R. M. iedno potrzeba poczac: Dimidium facti,
qui bene coepit, habet. Wielki pien z drogi zwalil / ktory do dobre-
go w Rzeczypospolitey droge zawalil: Wzdy iednak ci tego od W. R.
M. zebrza / ktorzy z Przywileiu Bozego tej Prerogatywy zazywaja /
iz tym rzeczono: Qui vos audit, me audit. Wysluchayze nas W.
R. M. iesli chces aby tez Pan Bog W. R. M. w potrzebach iego
wysluchac raczyl; nie nas zebrzacych sluchac bedzies / ale P. Boga /
ktorego ta sprawa iest / ktory po W. R. M. tego chce / abys iemu
samemu / y Káplanom iego / powinnośc swa Krolewska oddal.
Pokoiu y Spráwiedliwosci prosimy / abyśmy za láska W. R. M.
za przywroceniem tego co nam nalezy / mogli z Prorokiem swietym
mowic: Chwala Bogu: Iustitia & Pax osculatae sunt. Ostatnie
przypomniemy: Chcesli W. R. M. aby W. R. M. prawdziwie /
y wprzeymie / quae sunt Caesaris Caesari, oddawano; oddayze tez
W. R. M. quae sunt Dei Deo. Za czym bedzie y Bog W. R. M.
y temu Krolestwu / dziedzictwu Chrystusowemu / krwia iego swie-
ta omytemu / bógostawil. Agdy nam plac do tego dac be-
dzies raczyl / abyśmy specificc doleglosci nasze pokazali /
bedziemy / y iestesmy to W. R. M. pokaz-
kzac gotowi.



✠✠✠
PRO LIBERTATE ET
IMMUNITATE ECCLESIAE,

Quadam Sententia.

P S A L M V S 82.

*Omnes principes eorum, qui dixerunt; hereditate possidea-
mus sanctuarium Dei: Deus meus, pone illos ut rotam, & si-
cut stipulam ante faciem venti. Sicut ignis qui comburit syl-
uam, & sicut flamma comburens montes; ita persequeris illos in
tempestate tua, & in ira tua turbabis eos.*

Ioel: 3. In Tyrios & Babilonios.

*Cito reddam vicissitudinem: argentum enim & aurum
meum tulistis.*

Stephanus Papa, apud Anacletum, Epist: i. c. 2. Lucius
cap: 6. & in Conc: Triburien: c. 7. & 12. q. 2.

*Sanè si quisquam Oeconomorum spiritu audaci, & mente
sacrilega, Christi pecunias & Ecclesie aufert, fraudat & ra-
pit, ut homicida in conspectu Iudicis deputabitur.*

*In Synodo Matisconen: 11. can: 9. in Conc: Mileuitano,
Can: 19. & Toletano III. Can: 13. Puniuntur gravissimè Cleri-
ci, qui causam Ecclesie ad Iudicem secularem deferunt.*

Sulpitius lib: 2. Sacrae historiae, circa finem.

*Refert S. Martinum Maximo Imperatori dixisse: Nouum
esse & inauditum nefas, ut causam Eccl: ludex seculi iudicaret.*

Ambr: Epist: 32. & 33.

*Valentinianum Imp: Iuuenem adhuc reprehendit, quod Iu-
stina*

stina matris impulsu, sibi iudicium de fide usurpare, contra
patris exemplum, conaretur. 789

S. Gregorius, lib: 5. cap: 25. de Mauritio Impe-
ratore loquens.

Scimus, inquit, piissimos Dominos disciplinam diligere,
ordinem servare, Canones venerari, & se Sacerdotalibus ne-
gotijs non miscere.

Basilii Imperator in VIII. Synodo disertè asseruit, nec
sibi, nec ullis laicis, ligere negotia Sacerdotalia tractare.

Gregorius Turonen: lib: 4. cap: 2.

Clotarium Regem tertiam partem fructuum Ecclesiasti-
corum fisco suo annexere volentem, hoc dicto S. iniuriosi à
proposito reuocatum refert: Si volueris, inquit, res Dei tollere,
Deus Regnum tibi velociter auferet. Quia iniquum est, ut
pauperum stipe, quos tuo debes alere horreo, tua horrea repleatur.

Otto Frising: in Friderico Secundo.

Refert Petrum de Vineis Friderici Imp: Secretarium, ab
eodem excæcatum, postea tamen in gratiam receptum, consuluisse
Imperatori, ut Ecclesiarum suppellectilem auream & argente-
am, ad usum belli conflaret. Quod cum fecisset Imperator, di-
xisset: Egregiè se ultum esse de Imperatore: quod qui prius
hominum odia sibi comparauerat, nunc Deum sibi ex
sacrilegio faceret inimicum.



2

Gesch. Polen
415.

op.

